

# IVGEMENTS

ASTRONOMI-

QVES SVR LES

NATIVITE'S,



PAR AVGER FERRIER *Medecin*  
*natif de Toulouze.*



A LYON,

Chez PIERRE RIGAUD, &  
Associez rue Merciere à la  
Fortune.

---

M. DC XXV.

2174M50VI

11 0730732

11 0730732



A TRES-ILLVSTRE  
 & tres-vertueuse Princesse ma  
 Dame Catharine Royné de Fran-  
 ce, Oger Ferrier Medecin, hum-  
 ble Salut.

**S**ACHANT, ma Dame, la vouloir  
 que portez aux bonnes lettres, &  
 le plaisir que prenez à lire toutes ceuvres  
 philosophiques, mesmement celle qui ap-  
 partiennent aux hautes cognoissances des  
 astres, ie me suis enhardy d'escrire &  
 vous dedier le present traicté des Iuge-  
 mens Astronomiques, estimant que mon  
 entreprise assez temeraire, pourroit par  
 vostre faueur & humanité accoustumee,  
 pour vertueuse estre receüe. Et cōbien que  
 l'argument soit peu digne de vostre ma-  
 jesté, toutesfois considerant telles scien-  
 ces auoir esté iadis par voz predecesseurs

en l'excellente troupe des Philosophes de leur temps reconnues, j'ay pensé que pour le moins ie susciterois la memoire de l'honneste entreprise de voz ancestres, en produisant une des vertus par eux longuement obseruee. Il est trop certain que l'Academie par eux erigee n'estoit moindre que celle d'Athenes en excellence & varielé de disciplines, & qu'autre n'estoit leur intention, que de perpetuer leurs noms en illustrant l'Italie de toute sorte de sçauoir. En quoy semble que, comme droit d'heritage, à vous soit paruenue une pareille sollicitude d'illustrer le Royaume de France de tresutiles & tresnobles disciplines, comme sont les Mathematiques & autres contemplations naturelles. Lesquelles par la prouidence du Tres-chrestien Roy & par vostre faueur sont maintenues, & si hautement au temps presens esleuees, qu'il semble le siecle tant desiré estre venu, auquel les Princes se doiuent accommoder à la Philosophie. Ce  
que

que grandement excite les bons esprits à estudier, & de leurs estudes proufiter à la Republique, en cscrivant ce que par les anciens a esté dissimulé, ou totalement ignoré, ou non suffisamment expliqué. Desquels suyuant la trace, j'ay entrepris souz vostre faueur escrire, & vous presenter ce sommaire des Iugemens Astro- nomiques sur les natiuité, à fin qu'après l'histoire des Cieux, & Theorie des Planettes, les influences tant desirées viennent desormais en euidence, pour cognoistre les biens & les maux qui des astres, comme causes naturelles, pro- uiennent aux humains. Lequel vous prie recevoir pour agreable, ayant esgard à la bonne volonté de la personne, qui con- tinue ses meditations, estudes & labeurs, humblement destine au service de vostre majesté.



DES IVGEMENTS  
ASTRONOMIQUES  
SVS LES NATIVITEZ  
LIVRE I.

*De la figure celeste d'une nativité.  
Chapitre i.*



POUR dresser des horoscopes & nativitez selon la tradition des anciens & sçavans Astrologues, il conviendrait premierement dresser la figure celeste, & en icelle appliquer les sept Planettes, avec la teste & queue du dragon lunaire, ensemble la partie de fortune, & la partie de l'ame, & au

& autres plus appartenantes aux hautes & notables significations des Astres. Pour dresser doncques facilement la figure celeste, il faut en premier lieu noter l'an le iour, & l'heure avec la plus prochaine minute du temps de la natiuité que vous aurez entreprinse. Ce nombre d'heures & minutes il faut accommoder à la maniere de nombrer des Astrologues, qui en leurs tables content tousiours les heures apres midi tant de iour que de nuict: & ne disent iamais vne heure, deux heures, trois heures, apres minuiet: ains nombrant treize heures, quatorze heures, quinze heures apres midy. Cecy fait, cherchez dans les Ephemerides à la table de l'annee de vostre natiuité, au droit du mois & iour proposé, le degré du signe auquel est alors le Soleil. Entrez en la table des maisóns, qui sert à la latitude de vostre regiõ,

8 I V G E M E N S D'ASTROLOGIE  
& cherchez là ledit degré du Soleil,  
sous la ligne de la dixiesme maison.  
Ayant rencontré audit lieu ledit de-  
gré du Soleil, vous trouuerez direc-  
tement à main gauche de ladite ta-  
ble vn nombre d'heures & minutes,  
lequel escrirez à part. A ce nom-  
bre il faut adiouster les heures &  
minutes qui vous ont esté baillees  
de ladite natiuité. Et ce que par ad-  
dition resultera, il faut chercher de-  
dans ladite table des maisons & là  
où vous trouuerez ledit nombre  
d'heures & minutes prouenant de  
ladite addition, vous prendrez à  
droite ligne les poincts & com-  
mencemens des six maisons que trou-  
uerez marquees. Lesquelles vous ré-  
gerez sur vostre figure, commençant  
au poinct de la dixiesme, & continuât  
vers la main gauche. Les com-  
mencemens des autres six maisons  
vous prendrez des opposites signes.  
S'il



S'il aduiët que ce nombres d'heures & minutes passe vingt & quatre heures dudit temps, & le residu chercher comme nous auôs dit. Si l'heure de ladite natiuité est sur le poinët de douze heures de midy, vous pré-drez les maisôs à droite signe du degré du Soleil en la table de vostre latitude,, sans faire autre addition, ou subtraction. Et ee quant à la figure estimatiue : dedans laquelle est besoing appliquer à tout le moins le mouuement de la Lune exactement calculé selon les vulgaires canons des Ephemerides , pour apres verifier vostre natiuité par l'heure de la conception, ainsi que s'ensuyt.

*De la verification de l'heure de la natiuité. Chapitre 11.*

**D**elaissant l'Animodat de Ptolomee, & les rencontres de Scho-

A 5

IO IVGEMENS D'ASTROLOGIE  
ner, & toutes autres voyes incertaines (combié qu'elles ayent leurs auteurs) de verifïer les heures des natiuitez, ie fuiuray presentement la methode d'Hermes par lógue experience approuuee, & confirmee par Ptolomee en son Centiloque, & par Abraham Aueneſtræ, par Alphonſe, Leopoldo, Haly, & autres plus experts Astrologues. Dit Hermes, que l'ascendant d'une natiuité a esté le lieu de la Lune au temps de la conception: & que l'ascendant de la conception est le lieu de la Lune à l'heure de la natiuité. Qui voudra doncques estre à plus pres cettifié de l'heure & minute d'une natiuité, & du vray ascendant, il faut qu'il employe la doctrine d'Hermes par la methode ensuyuante. Premièrement qu'il regarde en la figure estimatiue si la Lune est dessus l'horizon: ou deſſouz. Si elle est dessus l'horizon, contez la distance

stance qui est entre le poinct de la septiesme maison & la Lune: si elle est dessouz l'horizon, contez la distance qui est depuis la premiere maison iusques à la Lune. Ceste distance en signes & degrez vous chercherez en la table qui sensuit, souz le tiltre de la Lune dessus l'horizon ou dessouz, comme vrayemēt l'aurez trouuee en ladite figure. A droite ligne de ladite distance vous trouuerez le temps que l'enfant aura demeuré dedans le ventre de sa mere, en certain nōbre de iours. Lesquels conterez du iour de vostre natiuité, en reculant: & là ou le nōbre finira, marquerez le iour de la conception si la Lune se trouue au signe de l'ascendant estimatif. S'il ne se trouue audit lieu, reculez ou auancez de quelques iours vostre cōte, iusques à ce qu'aye z trouué la Lune dedans ledit signe, non loing du  
degré

degré ascendant en ladite figure. Ce iour considerez en quel heure monte au poinct d'Orient le lieu auquel aurez trouué la Lune en la figure estimatiue, & à ceste heure calculez le mouuement de la Lune. Car ce degré & minute auquel l'aurez trouuee, il vous faut mettre en l'ascédant de vostre natiuité. Et pour sçauoir l'heure en laquelle le lieu de la Lune de la natiuité monte au poinct d'Orient au temps de la cōception, prenez premieremēt l'ascension oblique dudit lieu de la Lune, dedās la table des directions de vostre region, au liuré de Ieā de Rogiomonte. D'icelle ascension ostez en 90. degrez (en y aioustant le cercle entier, qui est de 360. degrez: quand autremēt la subtraction ne se pourroit faire) le residu sera l'ascension droite du haut poinct du cercle meridien. Prenez apres l'ascension droite du Soleil, & ostez

ostez la par subtraction de l'ascension droite dudit poinct du meridiē, en y adioustant 360. degrez s'il est necessaire: & tournez ce qui reste en heures & minutes, en donnant à trente degrez deux heures, à quinze degrez vne heure, à vn degré quatre minutes d'heure, à quinze minutes vne minute d'heure, par ceste façon paruiendrez exactement à l'heure de la conception à laquelle calculerez le lieu de la Lune, & iceluy bié calculé mettrez au poinct de la premiere maison en la figure de la natiuité. Aucuns pour ceste verification dressent & garnissent des mouuemens des planettes quatre figures. Lune, de l'heure estimatiue de la natiuité: l'autre, de la precedente conjunction ou opposition des luminaires: la tierce, de la verification par l'animodar: la quatriesme, de la conception. Lesquels outre le inutile & super

superflu labeur, errent grandement,  
cuydans renger le temps de la con-  
ceptiō par l'animodar de Ptolomee.  
Ce que l'experience de iour en iour  
demonstre estre faux: & n'y a aucun  
auteur ancien, qui se soit aidé, ou  
ait fait mention de ceste nouvelle  
doctrīne pleine d'ostentation,  
& de desprouueüe  
verité.

La

*La table du temps que l'enfant demeure  
dedans le ventre de sa mere.*

*La Lune est à soux l'ho-  
rizon, cõtant depuis  
l'ascendant.*

*La Lune est à dessus  
l'horizon, cõtant de-  
puis la sepiesme.*

Sig.	deg.	Jours		Jours	
0	0	273	Moyëne demeure	258	Moindre demeure
0	12	274		259	
0	24	275		260	
1	6	276		261	
1	18	277		262	
2	0	278		263	
2	12	279		264	
2	24	280		265	
3	6	281		266	
3	18	282		267	
4	0	283		268	
4	12	284		269	
4	24	285		270	
5	6	286		271	
5	18	287		272	
5	29	288	Longue demeure	273	

*La maniere de dresser parfaictement  
ladite verifiee.*

## CHAP. III.

**A**Yant mis au poinct de la premiere maison le degré & minutes de la Lune du temps de la cōception, prenez les ascensions obliques desdits degrez & minutes. Otez apres 90. degres desdites ascensions, en y adioustant 360. degres, si autrement la subtraction ne se peut faire. Ce qui restera sera les ascensions droittes du haut poinct de cercle meridien. Lesquelles chercherez en la table des ascensions droites, au liure d'Alphonse, ou de Iean de Regiomōte, &c. Et mettez au poinct de la dixiesme maison les degrez & minutes du signe que trouuerez respōdre à droit côte desdites ascensions droittes. Le poinct de la quatriesme est tousiours opposite au signe & degre de la dixiesme, sēblablement le point  
de



de la septiesme au poinct de la premiere. Les autres maisons suffira prendre des Ephemerides, pource que ne desirent exacte calculation: veu que la pluspart des Astrologues les aiment plus prendre de l'egale partition de l'ecliptique, que de la section horizontale. Pour sçauoir l'heure exacte de ladite figure, verifiez premier lescdites ascensions droites du meridien, & ostez d'icelles les ascensions droites du Soleil. Ce que restera tournez en heures & minutes, en donnant à quinze degrez vne heure, à chacun degre quatre minutes d'heures, &c. Comme auons dit parauant. A ceste heure il fant nouvellement calculer le mouuement de la Lune, & du Soleil, & des autres planettes: & sur ceste figure fant fonder les parties, & iugemens Astronomiques.

*Des parties des natiuité.**Chap. 1111.*

**A** Pres auoir bien régé les planettes en ladite figure verifiée , il faut considerer là dessus certaines proportions des planettes, & parties du ciel , prises de leurs distances, ainsi que s'enfuit.

*Le parties concernantes les significatiōs de la premiere maison.*

La partie de la qualité de la vie, se prend de la distance de Iupiter à Saturne , contant autant d'espace depuis l'ascendant, & ce quand la natiuité est de iour: car quād elle est nocturne, lon prend au contraire, la distance de Saturne iusques à Iupiter, suyuant l'ordre naturel des signes, contant semblablement autant d'espace depuis l'ascendant.

La partie de vie, de iour & de nuit, se préd du degré de la precedēte cōiōction ou opposition des luminaires

res iufques à la Lune, contant par l'afcendant.

La partie de l'ame (aucuns l'appellent la partie des chofes interieures & fecrettes, les autres la partie des chofes futures, les autres la partie du Soleil) de iour depuis la Lune iufques au Soleil, par l'afcendant: de nuit au contraire.

La partie de l'entendement, de iour depuis Mercure iufques à Mars, par l'afcendant: de nuit au contraire.

*De la feconde maifon.*

La partie de fortune, de iour depuis le Soleil iufques à la Lune, par l'afcendant: de nuit au contraire. Ptolomee la prend tant de iour que nuit depuis le Soleil iufques à la Lune.

La partie des biens, tant de iour q de nuit depuis le feigneur de la feconde maifon, iufques à ladite feconde maifon prinfe fur l'equalité de

20 IUGEMENS D'ASTROLOGIE  
l'ecliptique, par l'ascendant.

*De la tierce.*

La partie des freres, de iour, depuis Saturne iusques à Iupiter, par l'ascendant: de nuict au contraire.

La partie de l'amitié des freres, de iour, depuis le Soleil iusques à Saturne, par l'ascendant: de nuict au contraire. Si Saturne est souz les rayons du Soleil, prenez à son lieu Iupiter.

*De la quatriesme.*

La partie du pere, de iour depuis le Soleil iusques à Saturne, par l'ascendant: de nuict au contraire. Ceste-cy est semblable à celle de l'amitié des freres: d'oc si Saturne est sous les rayons du Soleil, à son lieu faut prendre Iupiter.

La partie des heritages & possessions, de iour & de nuict, depuis Saturne iusques à la Lune, par l'ascendant.

La partie de fortune en cultures & semences, de iour & de nuict, depuis  
Venus

Venus iufques à Saturne , par l'afcendant.

*De la cinquieme.*

La partie des enfans , eft comme la partie de la qualité de la vie.

La partie des enfãs mafles, de iour & de nuit, depuis la Lune iufques à Iupiter, par l'afcendant.

La partie des filles<sup>9</sup>, de iour & de nuit, depuis la Lune iufques à Venus, par l'afcendant.

*De la fixieme.*

La partie des maladies infeparables, de iour, depuis Saturne iufques à Mars, par l'afcendant : de nuit, au contraire.

La partie des feruiteurs, de iour & de nuit , depuis Mercure iufques à la Lune par l'afcendant.

La partie de prifon & captiuité, de iour, depuis le Seigneur du lieu du Soleil iufques au Soleil, par l'afcendant: de nuit, depuis le feigneur du

lieu de la Lune iusques a la Lune.

Si le Soleil de iour, ou la Lune de nuit sont en leurs propres maisons ou exaltations , ils seront significateurs de ceste partie.

*De la septiesme.*

La partie du mariage des hōmes, de iour & de nuit , depuis le Soleil iusques à Venus, par l'ascendant.

La partie du mariage des femmes, de iour & de nuit, depuis Venus à Saturne, par l'ascendant.

La partie du mariage commune aux hommes &aux femmes, de iour & de nuit, depuis Venus iusques au poinct de la septiesme maison, contenant par l'ascendant.

La partie des alliez, de iour & de nuit, depuis Saturne iusques à Venus par l'ascendant.

La partie de discorde & accord, de iour, depuis Mars à Iupiter , par l'ascendant: de nuit au contraire.

*De*

*De la huitiesme.*

La partie de mort , de iour & de nuit, depuis la Lune iusques au degré de la huitiesme maison prinse sur l'equalité de l'ecliptique, contât du lieu de Saturne.

La partie du planette mortel , de iour, depuis le seigneur de l'ascendât iusques à la Lune, par l'ascendant: de nuit au contraire.

La partie de l'á perilleux de mort, ou de pauvreté, ou de quelque autre malheur, de iour & de nuit, depuis Saturne iusques au seigneur de la precedente conionction ou opposition des luminaires, par l'ascendant.

La partie de tous ennuis, de iour, depuis Saturne iusques à Mars : de nuit au contraire , contant du lieu de Mercure.

*De la neufliesme.*

La partie de foy & de religion, de

24 IVGEMENS D'ASTROLOGIE  
iour, depuis la Lune iusques à Mer-  
cure, par l'ascendant: de nuit au  
contraire.

La partie des chemins par terre,  
de iour & de nuit, depuis le sei-  
gneur de la neufiesme iusques à la  
neufiesme prinse sur l'equalité de  
l'ecliptique, par l'ascendant.

La partie des voyages par eaux,  
de iour, depuis Saturne iusques au  
quinzième degré de Cancer, par l'a-  
scendant: de nuit au contraire.

Si Saturne se rencôtre audit quin-  
zième degré de Cancer, il sera signi-  
ficateur de ceste partie avec l'ascen-  
dant.

*De la dixiesme.*

La partie de noblesse, de iour, de-  
puis le Soleil iusques au 19. degré  
d'Aries, contant par l'ascendant: de  
nuit, depuis la Lune iusques au troi-  
siesme degré de Taurus. Si la Lune  
de nuit est audit degré de Taurus,  
ou le Soleil de iour audit degré d'A-  
ries,



ries, ils seront significateurs de la dite partie.

La partie du regne, de iour, depuis Mars iusques à la Lune, par l'ascendant: de nuit au contraire.

La partie des magistrats, comme la partie de l'entendement descrire sur la premiere maison.

La partie de domination & victoire comme la partie du pere.

La partie de subit auancement, de iour, depuis Saturne iusques à la partie de fortune, par l'ascendant: de nuit au contraire. Si Saturne est brulé, prenez en son lieu Iupiter.

La partie d'estimation, de iour & nuit, depuis Mercure iusques au Soleil, contant par l'ascendant.

La partie des gouvememens en faits de guerre, de iour, depuis Mars iusques à Saturne, par l'ascendant de nuit au contraire.

La partie de la profession & actio.

26 IVGEMENS D'ASTROLOGIE.  
de iour & de nuit , depuis Saturne  
iusques à la Lune, par l'ascendant.

La partie de l'honneur prouenant  
de la profession, de iour & de nuit,  
depuis le degré du Soleil iusques au  
degré de la dixiesme maison, par l'as-  
cendant.

La partie de l'industrie des mains,  
de iour depuis Mercure à Venus, par  
l'ascendant: de nuit au contraire.

La partie du fait de marchandise,  
de iour, depuis la partie de l'ame ius-  
ques à la partie de fortune , par l'as-  
cendant: de nuit au contraire.

La partie de felicité & de profit,  
de iour , depuis la partie de fortune  
iusques à Iupiter, par l'ascendant: de  
nuit au contraire.

La partie de la mere, de iour, de-  
puis Venus , iusques à la Lune , par  
l'ascendant: de nuit au contraire.

*De l'onzieme.*

La partie des amis , de iour & de  
nuit,

nuiët , depuis Mercure iusques à la Lune, par l'ascendant.

La partie de louange, de iour, depuis Iupiter , iusques à Venus , par l'ascendant: de nuiët au contraire.

La partie de compagnies honorables, de iour, depuis la partie de fortune iusques au Soleil , par l'ascendant: de nuiët, au contraire.

*De la douziesme.*

La partie des ennemis, de iour & de nuiët , depuis le seigneur de la douziesme maison iusques à ladite douziesme , prinse sur l'equalité de l'ecliptique , par l'ascendant.

La seconde partie des ennemis, comme la partie des maladies inseparables descrite à la sixiesme maison.

La partie de peine, trauail , & affliction, de iour & de nuiët, depuis la partie de l'ame, iusques à la partie de fortune.

**A**Yant appliqué les planettes en ladite figure, & ordonné comme nous auons dit au precedent chapitre, les parties prouenantes des proportions desdits planettes, il faut consequemment tirer des Ephemerides leurs latitudes, & mettre à part tous les aspects qu'ils fôt entre eux, & enuers lescites parties, & douze maisons ensemble les radiations selon le dernier probleme du liure des directions de Iean de Regiomonte. Surquoy faut noter, que les aspects opposites ont tousiours latitudes diuerfes à celles de leurs planettes, combien qu'ils retiennent le mesme nombre. Comme si Saturne auoit deux degrez de latitude Septentrionale, son opposition auroit deux degrez de latitude Meridionale.

le. Le quadrat aspect n'a point de latitude, car il tombe tousiours sur l'ecliptique. Le trine aspect retient la moitié du nombre de la latitude, en contraire partie. Car si vne planette à vn degré de la latitude Meridionale, son trine aura trente minutes de latitude Septétrionale. Le sextile retient le mesme costé avec la moitié du nombre. Il faut aussi noter, que les aspects de Saturne & de Iupiter ne s'estendent que iusques à neuf degrez: ou pour le plus loing que iusques à douze. Ceux de Mars iusques à huit: ou pour le plus, iusques à dix. Le Soleil estend ses rayons iusques à quinze degrez. Venus & Mercure iusques à pres de huit. La Lune iusque à douze. La teste & la queue du dragon semblablement estendent leurs forces iusques à douze degrez.

Outre ce est à noter: que l'opposition

sition est aspect d'ouuerture & parfaite inimitié: le quadrat de moindre inimitié: le trine de parfaicte amitié: le sextil d'imparfaite amitié. Ce que toutesfois reçoit exception en Iupiter, & Venns, desquels les opposites & quadrats aspects profitent au Soleil, & à la Lune, avec reception, ou sans réception: & aux autres aussi, avec reception.

*Des fortunes & infortunes des planettes,  
& parties du ciel. Chap. vi.*

**A** Pres cecy il faut considerer les forces, & debilitations des planettes, des parties, & des maisons: & conserant les vnes significatiōs avec les autres, faut colliger les fortunes & infortunes de chacun lieu, ainsi que s'ensuit.

*S'ensuyuent les infortunes.*

Les planettes & autres lieux du  
ciel

ciel sont dits infortunez , quand ils sont bruslez , ou sous les rayons du Soleil. Bruslez sont appellez Saturne & Iupiter, quand entre eux & le Soleil y a moins de douze degres. Mars, quand il n'est eslongné du Soleil à tout le moins de onze degrez & demy. Venus, & Mercure quand ils sont pres au Soleil iusques à onze degrez. La Lune quand elle n'est eslongnee de treize degrez & demy. Encores y trouue-on autres termes, quand on veut prendre vn planette pour donneur des ans. Car alors les trois superieurs sont estimez bruslez tant qu'ils sont prochains du Soleil de quinze degrez, & ce, s'ils sont occidentaux: car quand ils sont orientaux, iusques à dix degrez sont bruslez: depuis les dix iusques à quinze, sous les rayons. Venus & Mercure occidentaux prochains du Soleil de sept degrez, ou orientaux de cinq, sont

sont bruslez: des là iusques à douze, sont souz les rayons. La Lune prochaine de douze degrez est bruslee: des là iusques à quinze, souz les rayons. Et faut noter, que lesdits accidents ne sont fort pernicioeux, quand ils sont faits aux signes d'Aries, & du Lyon.

Infortunez sont aussi planettes, quand ils sont retrogrades: & quand ils sont ioints à Saturne ou à Mars: ou quand ils reçoivent mauuais aspects d'eux.

Quand ils sont ioints à quelque estoille fixe de violente nature.

Quand sont en leurs detrimens, ou cheute: c'est à sçauoir, és lieux opposites à leurs maisons ou exaltations.

Quand ils sont dedans les maisons cadentes.

Quand sont stationnaires premiers.  
C'est à dire, quand sont au degré &  
minute



& minute auquel commence incontinent la retrogradation.

Quand sont au chemin bruslé, qui commence au 19. degré de Libra, & finit au 3. du Scorpion.

Quand ils sont avec la queue du dragon.

Quand ils sont ioints à vn planette retrograde, ou autrement infortuné.

Quand sont peregrins, sans estre receus. Peregrins sont appelez, quand ils n'ont aucune dignité au lieu ou ils sont de la reception nous dirons apres.

Quand sont meridionaux descédās.

Quand aucun des trois superieurs est occidental:ou Venus & Mercure orientaux.

Quand ils sont en mauuais aspect du Soleil.

Quand ne regardent aucun autre planette;

Quand sont opposites au seigneur du signe auquel ils sont.

Quand sont assiegez, c'est à sçavoir entre deux malings planettes: combien qu'il y ait trente degrez de distance.

Quand sont dedans les maisons ou termes des malings.

Quand sont au douziesme signe de leurs principales maisons.

Quand sont souz l'horizon de iour, ou dessus l'horizon de nuit: s'ils sont diurnes: comme Saturne, Iupiter, le Soleil.

Quand sont de iour dessus l'horizon, ou de nuit dessous: s'ils sont nocturnes: comme Mars, Venus, Mercure, la Lune.

Quand sont en signes & degrez feminins, s'ils sont masculins: ou en signes & degrez masculins, s'ils sont feminins. Feminins sont Venus, & la Lune, Mercure est Androgyn: les autres

autres sont masculins.

Quand sont en degrez que l'on nomme Azemenæ , ou degrez puite aux tenebreux, & fumeux. Ce qui est marqué aux Ephemerides à la table des dignitez des planettes.

*Infortunes particulieres à la Lune.*

Quand elle décroist.

Quand elle est dedans la huitiesme maison hors de ses principales dignitez.

Quand elle est dedans la septiesme : & ce quand à la vie. Car quant aux autres significations , elle n'est infortunee dedans la septiesme.

Quand elle est au 29. degré d'un signe.

Quand elle est tardive en son cours. C'est à sçavoir, quand elle chemine en vingt & quatre heures moins de treize degrez & onze minutes.

*Les fortunes des planettes.*

Fortunez sont les planettes, & autres lieux du ciel, quand sont aux angles: ou à tout le moins és maisons succedantes.

Quand sont en bon aspect de Iupiter, ou de Venus: ou à tout le moins en mauuais, avec reception.

Quand sont ioints au Soleil dedans seize minutes.

Quand sont en bon aspect du Soleil, ou de la Lune, ou de Mercure fortuné.

Quand sont ioints à quelque estoille fixe d'amiable nature.

Quand sont directes, ou à tout le moins en la seconde station. C'est à sçauoir, quant sont au degré & minute auquel commence incontinent la direction.

Quand sont dedans leurs propres maisons ou exaltations.

Quand sont en leurs triplicitez & termes ensemble, ou triplicité & fa-  
ce

ce ensemble.

Quand sont és maisons, esquelles naturellement ils se resiouissent. Comme Mercure en l'ascendant, la Lune en la troisieme: Venez en la cinquiesme: Mars en la sixiesme: le Soleil en la neuuesme: Iupiter en l'oziesme: Saturne en la douzieme.

Qand ils sont en aucune de leur dignitez: ou s'ils sont peregrins, quand sont receus. Receus dit-on les planettes, qui reçoient aspect d'iceluy qui en leur lieu ha à tout le moins quatre dignitez. Laquelle reception est fortunable, quand elle est faite d'un bon aspect. Toutesfois les receptions de Iupiter & de Venus sont tousiours fauorables, combien que ne soyent faites de bons aspects.

Quand ils montent en la partie hautes de leurs cercles.

Quand sont Septentrionaux: prin-

38 IVGEMENS D'ASTROLOGIE  
cipalement ascendants.

Quand aucun des trois superieurs  
est Oriental : ou Venus & Mercure  
Occidentaux.

Quand ils commencent à sortir  
hors des rayons du Soleil.

Quand sont és maisons, ou termes  
des fauorables planettes.

Quand sont dessus l'horizon de  
iour, ou dessous l'horizon de nuit:  
s'ils sont diurnes.

Quand sont dessous l'horizon de  
iour, ou dessus, de nuit: s'ils sont no-  
cturnes.

Quand sont en signes & degrez  
masculins, s'ils sont masculins: ou en  
signes & degrez feminins, s'ils sont  
feminins.

Quand sont aux degrez fortunez,  
& degrez clairs, qu'ils appellent lu-  
cides.

*Fortunes particulieres à la Lune.*

Quand elle croit.

Quand

Quand elle est dedans la maison  
ou exaltation du Soleil.

Quãd est assez hastiue en son cours.  
C'est à sçauoir, quand elle chemine  
plus de treize degrez & onze minu-  
tes en vingt & quatre heures.

---

*Si l'enfant viura, ou non.*

## CHAP. VII.

**T**Out ce dessus considéré, il faut  
premierement regarder si ce-  
luy qui est né, est pour auoir vice en  
ce monde, ou non. Ce que principa-  
lement nous demonstrerõt le lumi-  
naire du tēps (c'est à sçauoir le Soleil  
de iour, & la Lune de nuict) les sei-  
gneurs de la triplicité d'iceluy, & l'as-  
cendant avec son dominateur. Quãd  
le dominateur de l'ascendant sera  
infortuné par le seigneur de la hui-  
tiesme maison, l'enfāt ne pourra vi-

40 IVGEMENS D'ASTROLOGIE  
ure, & moins si les seigneurs de la  
triplicité du luminaire temporel  
sont infortunez.

Quand dedans la premiere mai-  
son sera aucune estoille fixe de vio-  
lente nature, au aucune infortune  
(c'est à sçauoir Saturne ou Mars) sans  
y auoir à tout le moins quatre digni-  
tez, & le luminaire temporel sera  
infortuné, l'enfant mourra bié tost si  
là ne se trouue aucune estoille fixe  
d'amiable nature, ou si Iupiter ou  
Venus ou le Soleil ou la Lune ne luy  
communiquent leurs rayons. Car  
ainsi, si l'aspect est d'amitié, ou d'ini-  
mitié avec reception, l'enfant viura.

Si le dominateur de l'ascendant est  
brulé, l'enfant mourra auant neuf  
iours complets: & plustost, s'il est  
brulé dedans la huitiesme maison,  
ou si en cest estat il est ioint au sei-  
gneur de la huitiesme. Excepté quād  
il est brulé en sa propre maison ou  
exal



exaltation, ou dedans la maison ou exaltation du Soleil.

Quand la Lune estant lumineaire temporel sera infortunee dedans la premiere maison, sans aucun aspect des fortunes , & sans conionction d'aucune estoille fixe d'amiable nature, l'esperoir de vie ne sera grand.

Quand la Lune sera infortunee dedans la quatriesme maison, & celuy qui l'infortune sera aussi infortuné, & hors de ses principales dignitez, l'enfant ne pourra viure , & la mere sera en grãd peril de mort à l'enfant: principalement si l'ascendant est maison, ou exaltation de la Lune.

Quand les infortunes sont coniointes dedans la huitiesme maison, signifiét fort courte vie: excepté quãd Mars & Saturne y sont en Capricorne.

Plusieurs planettes ioints dedans la premiere maison, ne portent bon

41 IVGEMENS D'ASTROLOGIE  
tesmoignage de vie, combien qu'ils  
soyent tous fortunez.

Quand le dominateur de l'ascen-  
dant, & le lumineux temporel, & les  
seigneurs de leurs triplicitez ne se-  
ront totalement ou tous infortunez,  
l'enfant viura facilement.

*Du donneur de vie, nommé  
des Arabes Hyleg.*

#### CHAP. VIII.

**L**E donneur de vie se prend des  
principaux lieux de la figure:  
c'est à sçavoir du Soleil, de la Lune,  
de l'ascendant, de la partie de fortune,  
& du degré de la dernière cōion-  
ction ou opposition des lumineux.  
Lesquels ayans biē notez, nous cō-  
sidererōs premieremēt si la natiuité  
est diurne, ou nocturne. Car si elle est  
diurne, nous commencerons au So-  
leil.

leil. Lequel dedans la premiere , dixiesme, ou onzieme maisõ, en signe masculin ou feminin , sera idoyne pour donner vie, s'il a aucũ dõneur de temps qui le regarde. S'il est dedãs la neufiesme , huitiesme, ou septiesme maison, il pourra aussi estre donneur de vie, s'il est en signe masculin , & non en feminin, en autres lieux il ne peut estre dõneur de vie, que par contrainte. Il est tousiours necessaire pour vn tel acte , que le dõneur de tẽps regarde le dõneur de vie: autrement ledit dõneur de vie sera comme vne personne qui a bon vouloir de faire du biẽ à ses amis, & n'a dequoy. Par ainsi quand le Soleil sera sans aspect d'aucun donneur de temps, il le faut laisser là, & venir à la Lune: laquelle peut donner la vie dedãs la premiere maison, en signe masculin , ou feminin : & dedans la dixiesme , onzieme , septiesme,

44 IVGEMENS D'ASTROLOGIE  
me, quatriefme, cinquiefme, fecon-  
de, & tierce maifon, en fignes femi-  
nins, & nō mafculins, receuāt afpect  
d'aucun donneur de temps. Si la Lu-  
ne n'a toutes cefdites conditions, il  
faut venir au degré ascendant, fi la  
natiuité eft conionctionale ( con-  
ionctionale eft dite la natiuité, auant  
laquelle dernièrement les luminai-  
res ont efté conioints ) & fi ledit de-  
gré reçoit afpect de fon donneur  
de temps , il fera donneur de vie  
autrement non. Parquoy faudra  
examiner la partie de fortune , la-  
quelle donnera vie és angles , &  
maifons fuccedantes, avec afpect du  
donneur de temps , autrement fau-  
dra venir au degré auquel derniere-  
ment les luminaires auront efté  
conioints: Lequel dedans les angles,  
ou maifons fuccedantes fera don-  
neur de vie, s'il reçoit afpect de fon  
donneur de tēps. Il eft icy neceffaire  
que le

que le donneur de temps ait dignité de maison ou d'exaltation és lieux de la partie de fortune , & dudit degré conioctional. Par cest ordre faut chercher le dōneur de vie quand la natiuité est conionctionale. Quand elle est preuentionale (preuētionale est dite, auant laquelle dernièrement les luminaires ont esté opposites) apres auoir considéré le Soleil & la Lune, il faut consequemment contempler la partie de fortune, puis le degré ascendant , & finalement le degré de l'oppositiō des luminaires. Et veu qu'il y a deux degrez en l'opposition, l'vn celuy du Soleil, l'autre celuy de la Lune : les Astrologues commandent considérer celuy qui au temps de l'opposition aura esté en la premiere maison , ou ailleurs dessus l'horizon.

Quād la natiuité est nocturne, no<sup>y</sup> suyuons le mesme ordre : excepté  
que

que premierement cōsiderōs la Lune, secondement le Soleil, &c. Ce donneur de vie, quand ou par direction, ou par profec̃tion, ou par autre voye, rencontre aucun mauuais aspect des infortunes, ou les estoilles fixes de violente nature, ou aucune des notables conionctions, ou eclipses des luminaires, il cause alors quelque maladie, & bien souvent ameine la mort, quand les fortunes n'y entremessent leurs fauorables rayons.

*Du donneur des ans, dit des Arabes,  
Alcoden.*

# CHAP. I E.

**L**E donneur de temps ou dōneur des ans est celuy qui a dignité de maison, exaltation, triplicité, ou terme, au lieu ou est le donneur de vie. Comme si le Soleil estoit en la  
onziel-

onzième, au signe de Sagittaire (là ou il peut estre donneur de vie) & Jupiter fust au signe d'Aquarius, il regarderoit le Soleil de sextil aspect. & veu qu'il a dignité de maison au signe du Soleil, il seroit donneur des ans. Il est donc necessaire que ces deux choses concurrent ensemble, à fin qu'un planete soit doneur des ans: c'est à sçauoir qu'il ait dignité à tout le moins de terme (car la dignité de face n'est assez suffisante pour un si grand effect) au signe & degré auquel sera le donneur de vie: & qu'il regarde ledit donneur de vie d'un aspect, ou d'autre. Ce doneur de tēps bien logé sur le poinct des angles, donne ses vieux ans: es poincts des maisons succedātes, les moyens: es cadātes, les moindres, & d'autant plus qu'il sera loing des comēcemēs desdites maisōs d'autāt pl' ou moins il faut diminuer du nombre des ans  
vieux,

48. IUGEMENS D'ASTROLOGIE  
vieux, moyens, & moindres, selõ la  
différéce prinse des prochaines mai-  
sons, avec la difference des ans.

Et premierement, s'il est dedans  
aucun angle du ciel, & non toutes-  
fois au premier poinct, il faut proce-  
der ainsi. Prenez en premier lieu la  
distâce dudit angle & de la prochai-  
ne maison succedâte. Notez apres de  
combien de degrez ledit dõneur des  
ans est eslõgné du poinct de l'angle.  
Puis prenez la difference de ses ans  
vieux & moyés. Ceste differéce mul-  
tiplierez par le nõbre dudit eslõgne-  
mēt: & partirez par la distance dudit  
angle, & de la maison succedâte. Ce  
que restera prendrez pour nombre  
exacte des ans de la vie, promis  
par ledit donneur des ans. S'il est de-  
dans aucune maison succedante  
hors des poincts & commencemēs  
d'icelle, vous prédrez premieremēt  
la distance de la maison succedan-  
te &



te & de la prochaine cadante. Puis noterez de cōbiē de degrez ledit dōner des ans sera esloigné du poinct de ladite maison succedante. Apres prendrez la difference des ans moyens & moindres. Laquelle multiplierez par le second nombre, & partirez par le premier. Le residu sera le temps de la vie que promettra ledit donneur des ans. S'il est és maisons cadantes, soit sur le poinct d'icelles, ou apres, il ne donne que ses ans moindres seulement. Excepté quād il est aux cinq degrez prochains des poincts desdits angles: & alors il faut conter ainsi que sensuit. Prenez la difference des ans vieux & moindres du planette qui donne les ans, & la diuisez en cinq parties. Regardez apres en quel desdits cinq degrez sera ledit planette. Car s'il est au premier & plus prochain du poinct de l'angle: cest à dire, s'il est esloigné

50 IVGEMENS D'ASTROLOGIE  
dudit angle d'un degré seulement, alors il conviét oster de ses vieux ans une desdites cinq parties : s'il est esloigné de deux degrez, il en faut oster deux parties: s'il est esloigné de trois degrez: il en faut soustraire trois parties, &c. Il faut noter que la Lune dedans la huitiesme ne donne que ses ans moindres: & que le Soleil dedans la neufiesme, & Iupiter en l'onzieme, & Venus en la cinquiesme, & Venus en la cinquiesme, & Mercure par tout l'ascendant, & la Lune en la troisieme donnent leurs vieux ans si parfaitement comme s'ils estoient sur les poincts des angles. Car ce sont les lieux auxquels principalement ils se resiouyſſent. Iupiter, Venus & Mercure, dedans la neufiesme donnent leurs ans moyens: & la Lune en l'onzieme donne ses vieux. Mars en la sixiesme, & Saturne en la douzieme leurs moyës, pource que esdits lieux grande-

mēt ils se delectēt. Parquoy s'ils n'estoyēt malings, ils dōneroyēt la leurs ans vieux. Sur ce propos cōuiēt aussi noter, qu'un planette brulé ne peut estre dōneur des ans: & la Lune opprimee des rayōs du Soleil ne peut dōner vie, ne temps. Si un planette qui autrement pouuoit estre dōneur des ans est brulé en sa propre maisō ou exaltatiō, receuāt illec le Soleil, fait que le Soleil prend la charge de dōner les ans. S'il aduiēt que le Soleil ou la Lune soyent en leurs propres maisōs ou exaltations, ils pourrōt estre dōneurs de vie, & donneurs de tēps ensemble, sans qu'il faille desirer aspect d'autre planette. Si un lieu significateur de vie a plusieurs donneurs des ans, no<sup>r</sup> prédrōs celuy qui aura pl<sup>r</sup> de dignitez audit lieu: & s'ils sōt egaux en dignitez nous prédrōs celuy qui aura sō aspect plus entier, & ses rayōs plus prochains dudit dō-

52 IUGEMENS D'ASTROLOGIE  
 neur de vie. S'ils se trouuent deux, ou  
 trois, ou plusieurs donneurs de vie,  
 qui ayent leurs donneurs des ans, il  
 les faut tous confiderer , & diriger  
 comme le premier & principal. Sen-  
 fuyuent les ans des planettes.

*Ans vieux. Ans moyens. Ans  
 moindres De.*

57	43	30 Saturne ♄
79	45	12 Iupiter ♃
66	40	15 Mars ♂
120	69	19 Soleil ☉
82	45	8 Venus ♀
76	48	20 Mercure ☿
108	66	25 la Lune ☾

*De ceux qui augmentent & diminuent  
 le nombre defdits ans.*

#### CHAP. X.

**C**Eux qui augmentent le nôbre  
 defdits ans, sôt Iupiter, Venus,  
 le

le Soleil, la Lune, & Mercure fortifié. Lesquels fortunez, regardans le donneur des ans d'aspect d'amitié, adioustent leurs moindres anneés. C'est à sçauoir le Soleil dix & neuf. Venus huit , la Lune vingt & cinq , &c. Semblablement si le dónneur de téps est ioint avec aucune estoille fixe d'amiable nature , il prend de ladite estoille le nombre des ans moindres du planette , duquel ladite estoille tient sa nature. Si lesdits planettes regardent le donneur de temps de mauuais aspect avec reception , ils adioustent comme parauant: ce que ne font quand ny a reception. Excepté Iupiter & Venus: qui de toute sorte d'aspects avec reception , ou sans receptiõ, toujours adioustent leurs moindres ans: prouueu que le donneur de temps ne soit Saturne ou Mars. Enüers lesquels la reception est necessaire, si l'aspect est d'inimi-

tié. Lesdits planettes mal colloquez & infortunez, au lieu des moindres entiers, en adioustent la moitié, ou la tierce, ou quatre partie, ou certain nombre de mois, de sepmaines, ou de iours, selon la grandeur ou petitesse de leur infelicité. Les amiables aspects des infortunez avec reception, dōnent leurs ans moindres sans reception ne font bien ny mal. Si le donneur des ans est Retrograde, ou Meridional descendāt, ou en sacheute, ou detrimēt, ou au chemin bruslé, cela luy oste la cinquiesme partie de ce qu'il eust dōné estāt autremēt disposé. Ce que aduient aussi aux trois superieurs planettes, quand sōt occidentaux: & à la Lune, quand elle décroît, & quand elle est au vingt & neuuiesme degré d'un signe, & quād est tardiue en son cours. Le Soleil regardant la Lune, d'aspect d'inimitié, sans reception, diminue. Saturne,  
Mars,

Mars, ou Mercure de praué, regardâs de maling aspect le donneur des ans, ostét le nôbre de leurs moindres années: excepté s'ils le reçoient. Car alors par opposition ne font que la moitié du mal: par quadrat aspect, ne diminuent que la quatriefme partie. La queuë du dragon oste de la Lune douze ans. J'ay trouué souuent par experience, que les fortunes (cest à sçauoir Iupiter & Venus) ou le Soleil & la Lune, & Mercure, fortunez en la premiere maison, ou tout au pres du donneur de vie, adioustoyent leurs ans moindres, combien qu'ils ne regardassent le donneur de tēps: & au contraire, que les infortunez esdits lieux ostoyent les ans moindres, sans regarder ledit donneur de temps. Excepté quand ils estoient bien dignifiez esdits lieux, ou quand ils estoient seigneurs des nauitez.

*Du seigneur de la natiuité.*

## CHAP. XI.

**I**L faut prendre le seigneur de la natiuité des lieux desquels auons tiré le donneur de vie: c'est à sçauoir du lieu du Soleil, & de la Lune, du degté de la precedente conionction, ou opposition des luminaires. Sur tous ces lieux ensemble faut considerer quel planette a plus de dignitez. Car celuy sera le seigneur de la natiuité, qui avec le donneur des ans signifiera le temps de nostre vie, selon sa situation & felicité, ou infelicité, comme parauant auons dit du donneur des ans. Et si l'vn en donne plus que l'autre, il faut prendre la difference des deux, & la moitié adiouster ou diminuer selon que sera necessaire.

*De*



*De l'entendement & mœurs de  
l'Homme.*

## C H A P. X I I.

**P**Our cognoistre la felicité ou infelicité de l'esprit, & la nature de l'ame, il faut regarder au lieu de Mercure, & de la Lune. La planette qui en ces deux lieux aura plus de dignitez, sera significateur de l'ame. Lequel si c'est Saturne bien disposé, signifiera l'homme d'un grand & profond sçauoir, de bon cōseil, de bōne grauité, de forte opiniō, caut, secret, solitaire, dissimulant son bien & son mal, amateur de gens iustes & de bōs vieillards, resuāt sur les thresors, heritages, & labourages, tenant propos d'antiquitez, & de grands affaires, admirateur d'edifices, ores quelque peu ioyeux, incontinent triste, aucunesfois riant ou murmurāt à par soy tout seul, vn peu paresseux, vn peu enuieux, & ne tenāt tousiours sa pro-

58 IUGEMENS D'ASTROLOGIE  
messe. S'il est infortuné , il denotera  
vn enuieux, triste, solitaire, craintif,  
melancolique, pusillanime, oisif, res-  
ueur, ialoux, fascheux, maling, blas-  
phemateur, menteur, trompeur, vsu-  
rier, opiniastre , reiettant le conseil  
des autres, craignant que tout le mô-  
de le vueille deceuoir, inciuil, vilain,  
souïllart, deshoneste, fuyant les hô-  
mes sinon pour les tromper, & enti-  
rer quelque profit , n'ayât autre amy  
que son vilain gaing, vsant aucunes-  
fois de sorcelerie. Iupiter significa-  
teur de l'ame , bien disposé , signifie  
l'homme doux, courtois , honneste,  
gtacieux, amiable, feal, pitoyable, li-  
beral, de bonne rencontre , de bon  
cœur & bon amour, suiuant nobles-  
se & toute honnesteté, aimant Dieu,  
abondant en amis, songeât tousiours  
à quelque chose de vertu , & se ren-  
dant aucunesfois solitaire pour pen-  
ser à quelque bonté : vsant en tout  
& par

& par tous les affaires d'une grand' equité, prudence, & modestie, ayant grand courage de paruenir. S'il est infortuné de soy-mesme, & non de rencontre d'autres estoilles, au lieu de bon amour, il donnera quelque sotie: au lieu d'honnesteté, superbe: au lieu de liberalité, prodigalité: au lieu de bien aimer Dieu, le rendra hypocrite: feignant suyure noblesse, fera qu'il mesprisera tout le monde: au lieu de honnestement paruenir, le fera songer à tyrannie. Si ledit Jupiter est infortuné des autres planettes, & non de soy, il prendra leurs vices, & les courra defdites vertus, en sorte d'un mauuais hypocrite. Si Mars bien fortuné est ledit significateur, il fera l'homme de haut courage, hardi, iracunde, furieux, hazardeux, conducteur de guerres, & des premiers en besogne, & totalement en faits & cogitations  
adonné

60 IUGEMENS D'ASTROLOGIE  
adonné aux armes, fort roide & puissant, se confiant trop de sa puissance, ne craignant aucun peril, & en tous ces actes heureux. S'il est infortuné, il fait l'homme temeraire, larron, menteur, blasphemateur, mutin, cruel, meurtrier, estourdi, superbe, arrogant, insupportable, dissipateur de ses biens propres & des biens d'autrui, usant de force & violence contre les parens, & contre tout le monde, homme diabolique, sans honte, sans conseil, sans vertu, sans loy, sans aucune crainte ou reuerence de Dieu, furieux, seditieux, adonné & prompt à toute malice. Si le Soleil est significateur en sa bonne disposition, il fait l'homme meur, sage, prudent, de bon conseil, amateur de noblesse, suyuant gloire & honneur, adonné à iustice, & à gouuernemens de villes & citez, aimant la chasse, magnifique, & de grande ostentation. S'il est infortuné,

fortuné , il excite vne grande superbe, vne excessiue ambition & Tyrannie; & fait nourrir la pance. Si Venus signifie la qualité de l'ame, en bonne disposition , fera l'homme plaisant, ioyeux, dançant, riât, pacifique, amiable , gracieux , de bonne conuersation, amoureux, & vn peu ialoux: Infortunee, le fera ridicule, & par trop facetieux, de facheux maintien, vsât de paroles deshonneſtes , adonné à volupté , & ialoux de ce que ne luy touche rien. Si c'est Mercure fortuné, il donnera bon entendement, bonne memoire , grande apprehension, grande subtilité d'esprit , bon discours de raison, affluence de sçauoir, ample cognoissance des mathematiques , & des secrets de nature , fera l'homme poëte, orateur, bien disant, bien escriuant , & grand trafiqueur. S'il est mal disposé , il le fait outre-uidé, de petit sçauoir , avec grande  
esti

estimation de sa personne, inconstât, menteur, moqueur, trompeur ordinaire, fin affiné, fâtaftique & vitieux. Si c'est la Lune bié fortunee, elle fera celuy qui est né, pacifique, modeste, de bõ cœur, de bonne volonté, & facile à induire à tout ce que l'on voudra : Infortunee, denote inconstance, legereté d'esprit, pusillanimité, prodigalité, fatuité. Si lefdits significateurs ne sont gueres fortunez ou infortunez, il conuient rabaisser lefdites significations bonnes & vicieuses, selon la qualité de leurs bõnes ou mauuaises dispositions. Si aucun planette est participant en la signification des mœurs, ou s'il a grãde communication d'aspect avec le principal significateur, alors considerans les vices & vertus de cestuy-cy (selon sa bonne ou mauuaise dispositiõ) nous les ioindrons à ce que dõne le principal. Comme si Saturne  
bien

bien disposé est principal significateur, & Mars infortuné est participant, ou regarde Saturne d'un entier aspect avec reception, alors il convient mesler quelque peu de la nature de Mars infortuné, avec les significations de Saturne fortuné. Les Astrologues aduertissent, que si le seigneur de l'ascendant est bien colloqué, & ledit significateur des mœurs mal disposé, qu'il se faut plus renger sur ce que le seigneur de l'ascendant signifie, que sur ce que ledit significateur promet. Outre ce, ils considèrent particulièrement le lieu de Mercure, & de la Lune, & les aspects qu'ils reçoivent. Si Mercure est en l'ascendant, il fait l'homme ingenieux, de grád & profond sçavoir, grád Philosophe, mathématicien, orateur, poëte, diuineur : principalement quand il est en lieu auquel Saturne a pour le moins quatre dignitez : ou  
quand

quand il reçoit aspect de Saturne. Mercure en la douzième, receuant aspect de la Lune, a de bien pres si grand force pour donner engin & sçauoir, comme s'il estoit en la première. Et ou que Mercure soit, s'il regarde la Lune, & tous deux, ou l'un ou l'autre regardant l'ascendant, ou le seigneur de l'ascendant, cest signe de bon & subtil esprit. Et si Saturne, Iupiter, Mars, ou autres planettes luy communiquent leurs fauorables rayons, ils y meslent leurs bonnes vertus : s'ils regardent de mauuais aspect, ils y entremeslent leurs vices. Excepté Iupiter & Venus, qui de mauuais aspect ne nuysent iamais, & moins quand il y a reception. Si le Soleil est luminaire temporel, il peut signifier la qualité de l'ame avec la Lune & Mercure, en la forme dessusdite. Si Mercure est occidental dedans la maison ou exaltation du

Soleil



Soleil, ayans aspect de la Lune , ou de l'ascendant , ou de son seigneur, cest le souuerain signe des bons & hauts esprits, de gés de tout sçauoir, adonnez à grandes entreprises & vertus, poëtes , orateurs, mathematiens , Iurisconsultes , administrateurs de Republiques , gouuerneurs de Royaumes , principalement quand il est fortuné en quelque angle du ciel. Mercure dedans la septiesme maison fortuné donne bon entendement & iugement meur, fait l'homme caut, speculatif & de bon conseil, avec grande ruse à gouuerner ses affaires. Mercure en la neufiesme ou tierce maison donne science & contemplation. La partie de l'entendement & de l'ame , avec leurs seigneurs fortunez signifient bon esprit & bonnes mœurs. Mercure au signe de Pisces n'aime aucunement les lettres. Le contraire ad-

66 IUGEMENS D'ASTROLOGIE  
vient quand il est au signe de Virgo  
& de Gemini, par tous les lieux de la  
figure du ciel. Saturne dedans les  
maisons de Mercure, est tousiours  
cōtemplatif: Mars vn peu trompeur.  
Mercure dedans les maisons de Sa-  
turne fortuné, est tousiours studieux:  
dedans celles de Mars, est plein de  
paroles facheuses, & souuent faüses.

Quand les luminaires & les signi-  
ficateurs des mœurs seront des in-  
fortunes opprimez, l'enfant sera de  
fort estrange & peruerse nature. La  
Lune opposite au Soleil fait haïr  
toute sorte de gens. Si le Soleil & la  
Lune, avec l'ascendāt & sō seigneur,  
sont tous en signes feminins; les  
mœurs d'iceluy serōt feminins, & se-  
ra homme de petit cœur. S'ils sont  
en signes masculins en la natiuité  
d'vne femme ses actes serōt viriles,  
& sera femme de grande entreprin-  
se. Si Venus est au signe du Lyon, ou  
souz

souz les rayons du Soleil, ou en con-  
 ionction, ou autre aspect de Mars, el-  
 le fait que l'homme sera prompte-  
 mēt frappé d'amour. Et si en tel estat  
 elle est dedans la premiere ou dixief-  
 me maison, sans aucun aspect de Ju-  
 piter, il sera voluptueux sans en a-  
 voir honte, & pis quand elle sera au  
 signe du Scorpion, L'aspect de Iupi-  
 ter enuers Venus donne tousiours  
 chasteté, & amour de vertu.

*Des richesses & pauvretez.*

CHAP. XIII.

Pour les richesses & pauvrete il  
 conuient premierement regar-  
 der à la secóde maison. Car si elle &  
 son seigneur sont fortunez, nous di-  
 rós que l'efant fera riche: & s'ils sont  
 infortunez, qu'il sera pauvre de ce co-  
 sté. Puis apres il faut cósiderer la par-  
 tie de fortune. Laquelle avec sō sei-

68 IUGEMENS D'ASTROLOGIE  
gneur bien disposee promet beaucoup de biens , sans autre tesmoignage. S'ils sont mal disposez, il faut venir à la partie des biens , laquelle avec s<sup>on</sup> seigneur fortunee enrichist: infortunee, ne donne rien. Semblablement faut iuger de la partie de felicité, & de son seigneur. Et quelle chose que les autres lieux signifient, il faut tousiours auoir recours au naturel significateur des richesses, qui est Iupiter. Lequel bien colloqué & fortuné donne des biens à foison, principalement s'il est seigneur de la natiuité , ou seigneur de l'heure, ou de l'ascendant , ou de la seconde maison , ou de la partie de fortune, ou de la partie des biens, ou de la partie de felicité, ou du luminaire temporel, ou de la dixiesme maison: autrement, il ne donne rien. Quand les susdits significateurs seront infortunez, l'enfant ne pourra estre riche:  
si la

si la dixiesme maison (de laquelle dirons apres ) ne luy promet quelque bon rencontre. Lon trouue aussi souuent par experience; que quand vn planette est dedans la maison ou exaltation, ou en sa ioye sans estre infortuné , ou ailleurs enuironné des fortunes ou de leurs rayons; qu'il donne des biens; combien que autrement il ne soit significateur de richesses. Si en la quatriesme maison est son seigneur, ou autre planette fortuné, il promet heritages. Si aucune estoille fixe de la premiere ou seconde grandeur est iointe au luminaire téporel, ou au degré ascendant, ou aux poincts des autres angles, ou aux planettes esdits lieux colloquez, elle esleue l'homme de bas estat en grandissime autorité & hōneur: & s'il est de race de princes, le fera puissant seigneur & Roy. Quand vn mesmes planette sera sei-

70 IUGEMENS D'ASTROLOGIE  
gneur de l'ascendant , & de la se-  
conde maison , l'enfant sera cupide  
d'argent, & auare, ce que aduiét quād  
Capricorne est ascendant. Quand le  
seigneur de la seconde maison sera  
dedans la premiere , le bien viendra  
sans labeur. Semblablement quand  
le seigneur de la seconde dōnera vi-  
gueur au seigneur de l'ascédāt. Quād  
le seigneur de l'ascendant sera en la  
seconde, le bien n'aduiēdra sans tra-  
uailer: ny quand le seigneur de l'as-  
cendant dōnera vigueur au seigneur  
de la seconde. Saturne, Mars, Mercu-  
re de praué, le Soleil, & la queue du  
dragon Lunaire , dedans la seconde,  
destruisent l'homme, & luy dissipēt  
son bien. Excepté quand ils y ont  
pour le moins quatre dignitez: ou  
quand ils y sont receuz. Quand le  
seigneur de l'ascendant regardera  
de mauuais aspect la seconde maisō,  
ou la partie des biens & de fortune, ou  
leurs

leurs seigneurs, l'enfant de son propre vouloir dissipera son bien. Si le seigneur de l'ascendât est infortuné dedans la seconde maison, l'enfant sera trop l'arge donneur & prodigue. Si aucune infortune, n'ayant domination sur l'ascendant, est en la seconde, l'enfant sera destruit par autres qui luy emporteront son bien à pieces, & le desroberont. Quand lesdits significateurs des biens seront infortunez, l'enfant sera toute sa vie en peines & travaux, sans rien auancer ou proufiter. Dit Abraham Aueneſte, que si le seigneur de la seconde est brulé, & Iupiter mal disposé, que l'enfant sera tousiours pauvre. Et dit Hermes, Quand le seigneur de la profession, duquel dirons au 27. chapitre, sera brulé, ou retrograde, ou en la sixiesme ou douziesme maison, & aucun planette ne regardera la Lane, l'enfant cherche-

72 I V G E M E N S D'ASTROLOGIE  
ra sa vie de porte en porte cōme vn  
coquin. Iupiter, Venus, & la teste du  
dragon on la seconde tousiours enri-  
chissēt. Venus en la cinquiesme pro-  
met quelque bien. Le Soleil dedans  
la neuuesme fortune donne benefi-  
ces, ou autres biens du costé de gens  
d'Eglise. Mars en la sixiesme bié dis-  
posé, donne du bien ou de nourriture  
de bestial, ou de l'exercice de Me-  
decine. Le Soleil au signe du Lyō, ne  
permet iamais l'enfant estre pauvre.

*Duquel endroit viendront les richesses  
& pauvretez.*

#### CHAP. XIV.

**A**Yans noté les lieux qui promet-  
tent & deuient richesse, en re-  
gardant la situation desdits significa-  
teurs, nous sçaurons par quel mo-  
yen doit venir le bien & le mal. Car  
si le significateur est en la premiere  
mai



maison receu & fortuné, facilement il enrichist le personnage de son industrie & propre labeur: & si audit lieu il est infortuné, il faut que l'industrie & labeur ne luy proufiterôt rié, & que plustost de là en viendra perte & dōmage. S'il est en la seconde bien disposé, il proufite de communiquer avec marchāds, & prester marchādise & argét, & de les faire valoir. S'il est illec mal disposé, desdits negoces apporte grād dōmage. S'il est dedās la tierce maison, infortuné, il ameine les richesses du costé des freres & des sœurs, des cousins & alliez: ou du costé des gens d'Eglise en prenant charge de leurs affaires: ou de traffiquer ça & là alé. tout de son pays. S'il est en la quatriesme biē logé, il enrichit d'heritages, & biés de nos peres & predecesseurs, de labourages & cultiuatiō de terres, d'edifices, & aucunesfois

74 IUGEMENS D'ASTROLOGIE  
de rencontre de thresors. S'il est de-  
dans la cinquiesme, il proufite pour  
estre bon danceur, bon ioueur, pour  
estre braue, gracieux, plaisant & de-  
lectable, & aucunesfois pour estre  
voluptueux, biē souuēt à cause de cō-  
peres & de commeres, & de ses pro-  
pres enfans: où à cause de donatiōs,  
où pour voyager & faire quelque  
ambassade. Ceux qui vendēt choses  
appartenantes à braueté & volupté,  
& apprestent friandises, odeurs, &  
parfums, de ceste maison tirent biē  
souuent leur proufit. Si ledit signifi-  
cateur est en la sixiesme biē collo-  
qué, il fera son proufit de nourrir &  
marchander brebis, moutons, & au-  
tre menu bestail, ou deviendra riche  
par la diligence & fidelité de ses ser-  
uiteurs, ou gaignera de l'exercice de  
medecine. Les Geoliers, & autres  
qui ont charge des prisons, tirēt au-  
cunesfois leur proufit de ceste mai-  
son.

son. Si le significateur est en la septiesme fortuné, il promet grand bié du costé des femmes, par mariages, ou semblables accords, & aucunes-fois pour auoir plaidé & gagné son proces, ou auoir esté en guerre & pillé les ennemis, S'il est en la huitiesme bié disposé, il dōne grād doüaire, & grās biés à cause des femmes, & souuēt heritages, auxquels il n'aura grādemēt pensé. S'il est en la neuuesme fortuné, il enrichist de biens d'Eglise: ou de traffiquer en pays estrāges, & peregriner. S'il est bien en la dixiesme, il ameine l'vtilité du costé des seigneurs, Princes & Roys, & les fait gouuerneurs de villes ou officiers honorables: ou de leur propre vacation & professiō enrichit. S'il est dedās la onzieme en bonne disposition, il proufite à cause des amis, & par faueur de gens d'authorité. S'il est en la douzieme fortuné,

il

il donne gaing de nourrir & marchander cheuaux, iuments, bœufs, vache, chameaux, & autres grans animaux: ou d'auoir charge de prisonniers: ou de persécution des ennemis avec profitable victoire à la fin. Côme souuēt aduient à aucuns, qui accusans d'autres, & ne pouuās prouuer les crimes intentez, sont condānez à vne bonne amende enuers la partie, de laquelle apres toute persécution ladite partie se trouue biē. Saturne de soy enrichit par heritages, labourages, nourriture de tout bestail, & de traffiquer avecq' gens anciens, ou avec paysāns, mariniers, & autres gens viles, en bleds, vins, huiles, poissons, pastel, poix, alums, cuirs, tuilles, pierres, plastre, croye, chaux, & sēblables marchandises. Iupiter par offices, benefices, & negoces de gēs d'Eglise, & tous gaings qui se font sans fraude: excepté quād  
il est

il est infortuné. Car alors souz ombre de vertu il fait cauteleusement ses affaires. Mais par guerres, proces ou larrecins: ou par occision & vente de bestail: ou s'il est en aspect de Venus, par medecine. Le Soleil par honorables offices, dignitez, & seigneuries, par grand credit, par charges de leuer & garder les deniers des Princes & republicques. Ven<sup>e</sup> par Musique, plaisante, grace, & beauté, par braueté, par ieux, & aucunes fois par volupté, & souuent pour seruir quelque grand' dame. Mercure pour bien parler, bien escire, & estre biē sçauant, pour estre Secretaire, Grefrier, Poëte, Orateur & bon Aduocat: pour estre Geometrien, Arithmeticien, Astrologue, & bon traffiqueur. La lune pour voyager, nauiger peregriner, & traffiquer en longs pays: pour auoir charge des menus affaires de la police. Si lesdits significa-

teurs

78 IUGEMENS D'ASTROLOGIE  
teurs sont infortunez, des mesmes  
endroits ils apporteront les dommages  
& interests. Et s'ils sont dedans les  
maisons de Saturne, Iupiter, ou au-  
tre planete, nous iugerons le proufit  
& interest selon la nature de Satur-  
ne, Iupiter, & autres planettes, qui  
seront seigneurs desdits lieux.

*Du temps que les richesses & dommages  
viendront.*

#### CHAP. XV.

**L** Esdites richesses aduiendront,  
quand les significateurs des biens  
se rencontreront par direction en  
corps ou en aspects d'amitié. Côme  
si Venus en quelque natiuité pro-  
met des biens: ils aduiendront quand  
Venus par directiō touchera le lieu  
de Iupiter, ou le degré de la seconde  
maison, ou la partie de fortune, ou  
leurs bons aspects. Semblablement  
faut

faut iuger du dommage des biens. Car quand vn significateur de dommages & intereſts rencontre par direction vn significateur des biés, ou ſes aſpects d'inimitié, alors certainement vient ladite perte & dommage. Côme quãd Saturne ou Mars rencontrent Iupiter, la partie de fortune, la partie des biens, & autres lieux qui ſigniſiét richesses. Leſquels auſſi dirigez aux dites infortunes, ou à leurs malings aſpects, ſignifient toujours quelque perte. Par les reuolutions auſſi ſe peut cognoiſtre le téps de bonne ou mauuaiſe fortune. Car quand Iupiter en la natiuité ſera au ſigne de Libra bien diſpoſé, toutes & quãtesfois qu'il ſe trouuera en la reuolutiõ audit ſigne, en la meſme fortune, certainement il apportera alors les biens qu'il aura promis à l'heuré de la natiuité. Au cõtraire, s'il eſt infortuné par Saturne ou Mars en la

80 IUGEMENS D'ASTROLOGIE  
en la natiuité: toutes & quantesfois  
qu'il sera en la reuolution opprimé  
desdits infortunateurs , alors le-  
dit dommage aduiendra en la sorte  
& maniere qu'il estoit signifié en la  
natiuité Si le significateur des biens  
est Oriental , le bien viendra en  
ieunesse : s'il est Occidental, en  
vieillesse. S'il est en la premiere  
maison, il sera riche en son premier  
aage. S'il est entre la premiere &  
dixiesme sur le temps de vingt &  
vingt & sept ans. S'il est en la di-  
xiesme enuiron trente & trente-  
cinq. S'il est en la dixiesme & sep-  
tiesme, enuiron quarante & qua-  
rante huit. S'il est dedans la septies-  
me, il sera riche en sa vieillesse. Il  
faut aussi regarder aux trois seigneurs  
de la triplicité d'un chacū signifi-  
cateur des biens. Car le premier seigneur  
signifie le premier aage: le second,  
le temps de trente ou quarante huit  
ans:



ans: le tiers, l'aage dernier. Parquoy si le premier seigneur de la triplicité d'un significateur de richesses est fortuné, ledit bien signifié aduendra au premier temps: ou s'il est infortuné, le dommage alors poindra par ce moyen faut accommoder les autres seigneurs aux aages ensuy-uans, & selon leur bonne ou mau-uaise disposition faut iuger de la fortune d'un chacun.

*Des Freres. CHAP. XVI.*

**M**Ars, & Saturne dedans la tierce maison hors de leurs principales dignitez, & nō receus, signifient que l'enfant n'aura aucun frere ny sœur. Et s'ils sont en leurs principales dignitez, ou ils sont heureusement receus, ils peuvent alors donner quelques freres: mais à cause desquels il sera tousiours en tristesse,

82 IVGEMENS D'ASTROLOGIE  
noises, & contentions. La queue du  
dragon lunaire, fait voir la mort de  
ses freres, quand elle est en la tierce  
maison. Ce que fait aussi le seigneur  
de ladite maison quand il est en la  
dixiesme ou huitiesme: & quand il est  
brulé, ou autrement mal disposé. Si  
en la neuvieme est aucun planete  
bien signifié, & le seigneur de la  
troisieme maison est infortuné, ses  
freres mourront avant luy: si dedans  
ladite maison ne se trouue quelque  
favorable planete: ou si le seigneur  
de ladite maison n'est amiablement  
regardé des fortunes Jupiter, le So-  
leil, Venus, la Teste du dragón, la Lu-  
ne, & Mercure fortuné, dedans la tier-  
ce maison, donnent beaucoup de fre-  
res, heureux, pacifiques, & fortunez.  
Mars regardant ladite maison ou son  
seigneur de maling aspect, signifie  
noises & debats entre les freres. Ce  
que signifie aussi le seigneur de ladite  
mai

maison en la septiesme, & douziesme: & Mars opposite à l'ascendant, ou au seigneur de l'ascendant, & au luminaire temporel : & quand vn mesme planette est seigneur de la tierce & septiesme , ou douziesme maison. La partie de l'amitié des freres avec s<sup>on</sup> seigneur fortunee, signifie cōcorde, infortunee, discorde entre les freres. La partie des freres & la tierce mais<sup>on</sup>, avec leurs seigneurs en signes aquees, denotēt beaucoup des freres & de sœurs : & s'ils sont fortunez, signifient paix, cōcorde & bon amour ensemble : infortunez, denotent le contraire.

*Du pere & de la mere.*

CHAP. XVII.

**L**Es seigneurs de la quatriesme, & de la partie du pere brissés, hors de leurs propres maisons &

exaltations, signifient que le pere ne viura gueres. Les infortunez dedans la quatriefme, signifient que le pere mourra bien tost apres, si dedans la-dite maison ne sont bien signifiees, ou si les fortunes n'y entrelaissent leurs fauorables rayons. Semblablement faut iuger de la mere, quand lesdits constellations seront en la dixiefme. Les fortunes en la quatriefme signifient longue vie au pree, & heureuse fortune: & le semblable de la mere, quand sont dedans la dixiefme. Le Soleil infortuné dedans la quatriefme ou huitiefme maison, tesmoigne que le pere ne viura pas longuement: semblablement faut iuger de la mere, quand la Lune sera ainsi disposee. Si le seigneur de la quatriefme est en lonziufme, l'enfant verra la mort de son pere. Si le seigneur de la dixiefme est en la cinquiufme, il verra la mort de sa mere.

Venus ou la Lune en la quatriesme infortunez, donnent peril de mort à la mere à l'heure de l'enfantement. Le Seigneur de la quatriesme en la septiesme, ou douziesme maison, ou en maling aspect des infortunes, signifie noises & querelles entre le pere & le fils. Semblablement faut iuger de la mere, quand le seigneur de la dixiesme sera en ladite disposition. La partie du pere fortunée, denote heureuse & lógue vie au pere: Infortunée, qu'il mourra bié tost. La partie de la mere en signifie autant de la mere; selon sa bonne ou mauuaise disposition. Communement les Astrologues ont regard au Soleil & à Saturne, pour le pere: & à Venus & à la Lune pour la mere. Si la natiuité est diurne, ils prennent le Soleil pour significateur du pere: si elle est nocturne, ils prennent Saturne, si le Soleil n'est en aucū angle du

ciel. Car s'il est en la premiere ou quatriefme, ils le preferent tousiours à Saturne. Si le Soleil est la premiere en la natiuité du premier enfant, la figure de la natiuité du pere & de l'enfant seront semblables. Les significateurs du pere ioints aux fortunes, ou receuans leurs amiables aspects, denotent bonne fortune & longue vie au pere. Le contraire faut entendre quand ils sont infortunez. Si le seigneur de l'ascendant & le seigneur de la quatriefme se regardent de mauuais aspect, l'enfant & le pere seront en discorde principalement si Mars y entremesse ses pernicleux rayons. Pour la mere il faut principalement regarder à Venus, si la natiuité est diuine : ou à la Lune, si elle est nocturne : & selon leur bonne ou mauuaise disposition, faut iuger la bonne ou aduerse fortune de la mere.

*Des heritages, & biens de terre.*

## C H A P. XVIII.

**L** Es fortunes , ou autre planette fortuné dedás la quatriesme, ou huitiesme maison, denotent heritages, & possessions : les infortunes, les denient, ou font dissiper. Saturne naturel significateur des heritages, terres & possessions , bien disposé, donne grans biens de terre , & fait l'homme heureux en labourages, & cultiuations. Ce que signifient aussi les significateurs de richesses, quand ils sont bien disposez dedans les maisóns de Saturne. Et la partie d'heritages, & la partie de fortune en semences & cultures, quand elles sont fortunees avec leurs seigneurs. Si lesdits significateurs sôt infortunez, il faut iuger le contraire. Quand vn mesmes planette est seigneur de la premiere & quatriesme maison,

l'enfant aura des heritages : lesquels il enrichira, si le dit seigneur est fortuné : ou les viendra & dissipera, s'il est infortuné. Le seigneur de l'ascendant, ou la Lune dedans la quatriesme fortunez, & amiablemēt par Iupiter ou Venus regardez , denotent qu'il trouuera quelque grande somme d'argent cachee sous terre : principalement si Saturne y iette ses trines ou sextiles rayōs : ou que des mines d'or & d'argent il sera riche. La queue du dragon en la quatriesme, fait vendre & dissiper les biens. Ce que fait aussi la teste du dragon, quand elle y est en signe terrestre ou aquee : en signes aërees ou ignees, donne grans biens de terre.

*Des enfans. CHAP. XIX.*

**L**Es fortunes en la cinquiesme donnent des enfans : Les infortunés



nes les denient, excepté quand elles sont en leurs propres maisons ou exaltations. Car alors elles donnent des mauuais enfans: ce que font aussi quand regardent ladite maison, ou le seigneur d'icelle de mauuais aspects. Si le seigneur de la cinquiesme est bruslé, il donne des enfans abortifs, ou qui bien tost apres leur naissance mourront. Si ledit seigneur est en la douziesme, il verra la mort de ses enfans. S'il est en la septiesme, ou douziesme, ou si vn mesme planette est seigneur de la cinquiesme & septiesme ou douziesme, il aura proces, & questions avec ses enfans. Le seigneur de l'ascendant en mauuais aspect du seigneur de la cinquiesme en denote autant. Auant arrester iugement des enfans, il faut considerer la dixiesme, & septiesme maison: & les parties des enfans, avec leurs seigneurs. Les significateurs des en-

90 IUGÉMENS D'ASTROLOGIE  
fans en signes masculins, signifient  
enfans masles: en feminins, denotent  
filles: semblablement faut iuger  
quand ils sont accouplez avec pla-  
nettes masculins ou feminins.

*Des seruiteurs.*

CHAP. XX.

**L**Es significations des seruiteurs  
faut prendre du lieu de Mars, &  
de Mercure, de la sixiesme maison,  
de la partie des seruiteurs, & de leurs  
seigneurs. Lesquels fortunez, don-  
nent fideles seruiteurs: infortunez les  
donnent matuais. Quand le seigneur  
de l'ascendant & le seigneur de la si-  
xiesme seront en bon aspect, accou-  
plez aux significateurs de richesses,  
l'enfant deuiendra riche par l'indu-  
strie & fidelité de ses seruiteurs. Sé-  
blablement quand les fortunes serót  
dedans la sixiesme maison. Au con-  
traire,

traire, quand les significateurs de richesses serót infortunez en la sixiesme maisón, il sera destruit par ses seruiteurs. Sémblablemēt quand les infortunes seront en ladite maison. Si le seigneur de la sixiesme est en la dixiesme, il rēdra ses seruiteurs plus grans maistres que luy. Si le seigneur de la sixiesme est en signe d'humaine figure, les seruiteurs luy porteront reuerence, & obeyront à ses commandemens.

*Des maladies.*

C H A P. X X I.

**I**L faut premierement regarder les lieux de Saturne & de Mars, & du seigneur de la sixiesme maison. Et selon le signe auquel ils seront il faudra iuger la maladie estre en la partie designée par ledit signe. Comme si Saturne estoit au signe de Libra, il denoteroit la maladie estre aux reins de la nature de Saturne : pour-

ce que Libra est le signe qui a regard sur les reins, comme sera declairé au second liure. Semblablement faut iuger des autres significateurs selon le regard du signe auquel ils seront. Les maladies & accidens prouenans de Saturne, Mars, & autres planettes, seront expliquez au second liure. Mars en l'ascendât donne tousiours quelque notable blessure sur la face ou sur la teste: & souuent aupres des yeux, quand il est prochain des luminaires. Saturne en la premiere maison rend l'homme fort triste & melancolique, & luy vexe la fantasie, causât horribles & fascheuses craintes & imaginations. La queue du dragon en la premiere, offusque fort la veüe, & souuent rend les gens auengles, quand les luminaires, ou les fortunes n'y entremeslent leurs fauorables rayõs. Saturne & Mars en la dixiesme, signifient maladies au col:

col: en la septiesme , au bout des boyaux, comme fistules, hemorroïdes, vlceres, blessures, &c. en la sixiesme, maladies és pieds: en la douziesme, blessures ou douleurs aux iambes, comme i'ay souuent experimenté. Saturne infortuné signifie maladies és parties appartenantes à Saturne. Iupiter & les autres en signifient autant, quād ils sont mal disposez. Des parties qui appartiennēt aux planetes nous dirons au secōd liure. Ceux qui ont les luminaires, ou aucun des principaux lieux de la figure infortunez au signe du Scorpion , sont fort subiets à la maladie de Naples. Les infortunes au signe de Gemini, donnent tousiours quelques violents coups sur les espaules , sur les iambes, & bras. La Lune infortunee au signe d'Aries signifie grande douleur de teste. Saturne & Mars joints aux luminaires , ou au seigneur de l'as

l'ascendant, troublent la veuë, ou gâstent les yeux de quelque coup. Le Soleil és natiuitez diurnes signifie l'œil droit, la Lune le gauche: és nocturnes, au contraire. Si le degré de la premiere maison, ou les luminaires sont ioints avec quelque estoille nubileuse, les yeux seront obscurs, & la veuë trouble: semblablement s'ils sont és degrez que les Astrologues nomment Azemenæ & degrez pureaux, &c. Saturne en la sixiesme maison bruslé en signe aquee, denote quelque forme de ladrerie. Saturne en l'ascendant fait quelque notable deformité à la face, quand il est pres de la Lune. Les infortunes, & la Lune & Venus en signes aquees, signifient lepre, vlceres, chancres par le corps, & vilaines taches au visage. Saturne en la neufiesme & la Lune en la huitiesme infortunee, denotét troublement de sens, & folie. Venus

iointe

jointe à Mercure, infortunee par Saturne ou Mars sans aspect de Jupiter, ou du Soleil, signifie notable lésion és parties de generation. Si Venus & Mercure sont sous les rayons du Soleil, ils en signifient autant. Saturne avec la Lune bruslé, cause paralysie & apoplexie. Mercure infortuné donne tousiours quelque empeschemét à la langue. Ce que fait aussi Saturne, quand il infortune le luminaire temporel. Le Soleil infortuné denote debilitation de cœur, principalement quād il est seigneur de la sixiesme maison, ou seigneur de la partie des maladies. Les infortunes avec la queue du dragó, causent dyséteries, & flux de vêtre. Ceux qui ont le Soleil ou Mars aux signes d'Aries & de Gemini, sôt subiets à la pierre. La retrogradation & bruslure de Saturne & de Jupiter, gastét l'ouyr, & les dents. Quād la Lune & Mercure

ne

ne se regardent entre eux, & ne regardēt l'ascendant, ny le seigneur de l'ascendant, l'enfant sera troublé de son entendement. La retrogradation de tous les cinq planettes, signifie epilepsie. Les infortunes iointes en l'ascendant, en mauuais aspect de la Lune, ou du seigneur de l'ascendant, denotēt folie entiere. La partie des maladies avec sō seigneur fortunee, preserue de maladies : infortunee, donne beaucoup de maux.

### *Du Mariage.*

#### CHAP. XXI I.

**P**OUR le mariage il faut regarder la septiesme maison & sō seigneur, les lieux de Venus & de la Lune és natiuitez des hommes : ou les lieux du Soleil & de Mars, és natiuitez des femmes : & les parties de mariage & le



le lieu de Iupiter. Si leſdits ſignificateurs ſont fortunez, le mariage ſera heureux: ſ'ils ſont infortunez, il ſera plein d'ennuis, de reproches, & de malheurs: Si les vns ſont fortunez, les autres infortunez, par certains temps ores l'heur, ores le malheur ſe manifeftera. Pluſieurs planettes dedans la ſeptieſme maiſon, donnent pluſieurs femmes: ſemblablement quand pluſieurs planettes regardent ladite maiſon, ou ſon ſeigneur. Si Venus & le ſeigneur de la ſeptieſme maiſon ſont brulés, ou autrement de Saturne opprimez, l'enfant ne ſe mariera iamais. Iupiter & Venus dedans la ſixieſme ou huitieſme, ſignifient qu'il eſpouſera vne veſue. Iupiter brulé, en ſignifie autant. Autrement, ſi Iupiter regarde Venus & les autres ſignificateurs de mariage, il promet pucellès & vierges. Si Venus ou Iupiter, ou le ſeigneur de la

septiesme maisō sont ioints à Saturne, ou si Saturne est dedās la septiesme maison, la femme aura quelque note d'infamie: c'est à sçauoir ou sera d'estrange religion, ou sera bastarde, ou de race de lepreux, ou de laquelle les parens auront recen quelque ignominie, ou elle sera difformie, & ses parens de fort infime condition. Mars en ladite maison, ou regardāt de mauuais aspect les significateurs de mariage, entremesse noises & contentiōs entre le mary & la femme. Ce que aussi fait Venus en la septiesme ou douziesme maison. Mars en la neufiesme tant en la natiuité des femmes que des hōmes, denote quelque maniere de separatiō de mariage. Et Venus en la neufiesme, signifie que l'hōme hayra la femme: non tāt pour vice qu'il trouue en elle, que d'vr desir d'estre solitaire. Les significateurs de mariage infortunez,

tunez , ou dedans les maisons cadâtes, signifient la femme estre de plus infime race: ou le mary, és natiuitez des femmes. Si Venus, & le seigneur de la septiesme maison , accouplez avec les significateurs de richesses, regardent le seigneur de l'ascendant d'amiable aspect, ils donnent beaucoup de biens à cause des femmes. Les significateurs de mariage dedâs la tierce ou neufiesme maisõ, ou ailleurs peregrins, signifiet qu'il se mariera hors de son pays. Les fortunes dedans la septiesme maison , denotent heureux mariage : les infortunes, le rendent malheureux. Le seigneur de la septiesme dedans la seconde, signifie qu'il verra la mort de sa fême. Les significateurs de mariage occidentaux, tesmoignent qu'il se mariera tard , ou que en ieunesse il prendra vne femme plus vieille que luy: orientaux, signifient qu'il se ma-

100 IUGEMENS D'ASTROLOGIE  
riate en ieunesse, ou que en vieillesse, il espousera vne ieune femme. Semblablement faut iuger des maris és natiuitez des femmes.

*Du doüaire, & autres biens du costé  
de mariage.*

### CHAP. XXIII.

P Ource que la huitiesme raison est succedante à la septiesme, par bonne raison elle signifie le proufit des significations de la septiesme, c'est à sçauoir du mariage. Si dóques en la huitiesme est aucun planette fortune, ou quelque partie fortunée, l'enfant aura grand doüaire de la femme, & de ce costé rencontrera grans heritages & grans biens. Au contraire, si Saturne & Mars infortunent la dite maison, il n'aura grand doüaire, & d'iceluy mesmes ne fera iamais entierement payé.

Quand

Quand les fortunes sont en ladite maisón infortunées, il y a espoir de grâs biens: desquels à la parfin l'ón ne peut iouyr. Le seigneur dudit lieu infortuné en signifie autant: & s'il est fortuné, & accouplé avec les significateurs de richesses, il denote grand proufit & grans biens de ce costé. Bien souuent il aduient que la septiesme maisón est fortunée, & la huitiesme infortunée. Ce qui signifie petit doüaire, & desespoir d'autres biens deuers la femme: & que toutesfois il sera enrichi par la diligéce, industrie & fidelité de sa femme.

*De la mort.*

#### CHAP. XXIV.

**I**L faut premierement regarder si aucun planette est en la huitiesme maison, car il conuient prendre iceluy pour significateur de la mort. Si dedans ladite maison n'y est aucun

planette, prenez pour significateurs ceux qui seront en la septiesme, preferant celuy qui sera mieux dignifié. Si dedans la septiesme n'y trouuez aucun , tirez le significateur de la mort des lieux qui ensuyuent.

De l'ascendant & de son seigneur.

De la huitiesme maison , & de son seigneur.

De la partie de la mort, & de son seigneur.

De l'huitiesme signe depuis le lieu du Soleil, & de son seigneur.

De l'huitiesme signe depuis la Lune, & de son seigneur.

Du lieu du premier seigneur de la triplicité du quatriesme angle.

Du lieu du planette qui a dignité de terme au degré de la septiesme maison.

Le planette qui en tous ces lieux sera plus dignifié sera principal significateur de la mort. Si Saturne estant en la huitiesme ou septiesme mai-

sō, ou ailleurs plus dignifié és susdits poinçts de la figure, est principal significateur de la mort, s'il est bien disposé, il tesmoigne que ledit personnage mourra d'hydropisie, de quelque grande opilation du foye & de la ratele, ou de fiebure quarte, de flux de ventre, de phthisis, de quelque fiebure hectique, d'apostematión des oreilles, &c. S'il est grandement infortuné, & enséble le seigneur de l'ascendant, & le luminaire téporel sont mal disposez, il signifie mort violente par Apoplexies, paralyties, catarrhes, suffocations, submersion en eaues, quād il est en signes aquees: par quelque cheute ou ruyne quand il est en terrestres: par grans coups, pour estre pendu, quand il est en signes aërez. Si iupiter est significateur de la mort il signifie qu'il mourra d'un pleuresis, d'une Squinance, de quelque chaude apostematión du foye,

ou du poulmon, ou d'autre maladie  
 prouenant de vétositez, ou de sang,  
 & ce s'il est fortuné: car quand il est  
 mal disposé & infortuné il fait mou-  
 rir par main de iustice, par comman-  
 dement du Prince, par sentence de  
 iuste ou de preuost par submersion  
 en eaues, pour estre fouëtté, & flagel-  
 lé, par long emprisonnemēt. Si c'est  
 Mars bien disposé, par fièvre tierces,  
 & continues, par flux de sang, par  
 carbonclés & pestilences, par apo-  
 stumes prouenant de matieres  
 cholériques & ardantes, par abortif-  
 semens aux femmes. S'il est fort mal  
 disposé, il fait pendre & estrâgler, ou  
 suffoquer, ou autrement tuer en son  
 liēt, ou dessus le cheual, quand il est  
 en signe aéré: ou precipiter dedans  
 l'eau, quand il est en signe aquee: ou  
 tomber de haut, ou de quelque ruïne  
 meurtrir, quād il est en terrestre: ou  
 brusler, quand il est en signe igne,  
 prin



principalement si le seigneur de l'ascendant, & le luminaire temporel sont infortunez par Mars. Si c'est le Soleil bien disposé, il mourra de quelque maladie chaude. S'il est infortuné, par cōmādemēt du Prince, ou par sentence de iuge, ou il mourra en grāde compagnie de gens, de mort subite, ou en prison, ou en vn borbier, ou en'autre lieu puāt & infame. Si c'est Venus bien disposee, il mourra de trop manger fruits, ou de trop continuer ses voluptez, ou de quelque fistule, ou apostume. Si elle est infortunee, signifie mort par venin, principalement quād elle est bruslee, ou iointe à Saturne: ou de trop ardāte affectiō d'amour, ou des fortes douleurs du mal de Naples. Si c'est Mercure fortuné, il fait mourir par tristesses & fortes apprehensions, par iaunisse, par phthisis, par fiebre hectique, & par trop veiller.

S'il est grandemēt infortuné, par manie, epilepsie, par violente tous avec rompure de veines, par folle melancholie, & ialouzie. Si c'est la Lune bien disposee, pour trop mäger viades humides, pour boire de l'eau, pour trop continuer ses voluptez. Si elle est infortunee, il faut cōsiderer la nature d'iceluy qui l'infortune, car si cest Mars, il mourra par feu, ou par blessure: ou par abortissement, si cest vne fēme. Si cest Saturne, par ruynes, cheattes, pestilēces & semblables accidens. Avant conclurre de quelle mort la personne mourra, il faut ensemble considerer la dispositiō du seigneur de l'ascendāt & du luminaire tēporel. Car s'ils sont biē disposez, la mort ne sera violente, combien que le principal significateur soit grandemēt infortuné. Si le dit significateur est infortuné, ensemble le luminaire temporel, ou le seigneur

gneur de l'ascendât mal disposez, l'ó  
estime que certainemét la mort sera  
violente, si Iupiter ou venus n'y en-  
trementent leurs fauorables rayós, &  
alors la personne tombera en grand  
dâger de ladite mort violente, de la-  
quelle toutesfois il eschappera mi-  
raculeusemét. Si l'une des infortunes  
est au signe de Cancer, & l'autre au  
signe du Lyó, la mort sera violente:  
semblablemét si aucune desdites in-  
fortunes est au signe du Lyon, & le  
luminaire temporel, ou le seigneur  
de l'ascendât est infortuné: & si l'une  
des infortunes est en la premiere  
maison, & l'autre en la septiesme ou  
quatriesme: ou si l'une est en la di-  
xiesme, l'autre en la quatriesme. Le  
Soleil ou la Lune ou le seigneur de  
l'ascendât ioints avec Mars, à droit d'un  
ne estoille fixe q̃ les Astrologues nó-  
mét la Teste de Meduse, ou autremét  
la teste du diable, fait par main de  
bourreau

108 IUGEMENS D'ASTROLOGIE  
bourreau perdre la teste. Quand le  
Soleil & la Lune , Saturne & Mars  
occupent les quatre angles du ciel,  
ou à tout le moins les trois, la persó  
ne fera horrible mort. Car il perdra  
la teste, ou sera deffait à quatre quar  
tiers , ou trainé à quatre chevaux:  
principalemét si ausdits angles sont  
les signes de Gemini , de Pisces, &  
d'Aquari<sup>9</sup>. Mars en la neufiesme ou  
huitiesme, au signed'Aquarius ou de  
Gemini, opposite à la Lune & au sei  
gneur de l'ascendant, sans bó aspect  
des fortunes, fait perir par fouldre &  
par feux du ciel. Saturne en la dou  
ziesme sixiesme, huitiesme, ou qua  
triesme maison , infortunant le sei  
gneur de l'vne desdites maisons, fait  
mourir en prison, ou ailleurs en grá  
des peines & trauaux: principalemét  
quand le luminaire temporel ou le  
seigneur de l'ascendát sont infortu  
nez dedás lesdites maisós. La queue  
du

du dragon iointe aux significateurs de mort, denote poisons venins, medecines violétes ou mal appropriées, & flux de vêtre. Mars dedans la quatriesme, huitiesme, douziesme, ou sixiesme infortunât leurs seigneurs, & le luminaire temporel, ou le seigneur de l'ascédant, tesmoigne mort violente par effusion de sang, ou autrement.

Les significateurs de mort dedans la neuvieme ou troisieme maisó, signifient que la personne mourra par les chemins, ou en estrange pays: excepté s'ils sont dedans leurs propres maisons ou exaltatiós, car alors il mourra en sa maison, apportant son mal des chemins. Lesdits significateurs en leur propre maison ou exaltation font mourir en la maison: s'ils sont peregrins, ils font mourir hors de la maison. La Lune iointe à l'estoille fixe nommée. La claire de la balance Meridionale, signifie

110 IVGEMENS D'ASTROLOGIE  
mort violente. Ce que elle fait aussi  
quād elle est iointe aux autres estoil-  
les qui ont nature des luminaires.  
Mars en la huitiesme avec la Teste  
du dragon, fait pendre & estrangler.  
Plusieurs planettes dedās la septies-  
me maison, font mourir de quelque  
terrible & estrange mort.

Saturne, Mars, & la Teste du dra-  
gon en la premiere, Venus & Mer-  
cure avec la queüe, en la septiesme,  
font mettre le corps en mille pieces.  
Si le prícipal significateur de la mort  
est brulé, dedans sa propre maison  
ou exaltation, sans estre autrement  
infortuné, il fait mourir subitement  
de quelque foiblesse, ou autre subit  
& secret accident, sans autre violē-  
ce. Les fortunes bien disposees en la  
huitiesme maison, preseruent tou-  
siours de mort violente.

DU

*Des voyages par terre, & par mer.*

C H A P. X X V.

**I**upiter, Venus, le Soleil, & Mercure fortunez en la neufiesme, denotent qu'il sera heureux en voyages par terre & par mer. Saturne & Mars signifient le contraire. Et principalement Saturne empesche les voyages par eaue: & Mars les chemins par terre. Si dedans la neufiesme n'y est aucū planette, il faut considerer la Lune & le seigneur de la neufiesme, & les parties des chemins & voyages par terre & par eaue, avec leurs seigneurs. Lesquels fortunez donnent proufitables peregrinatiōs & nauigatiōs: infortunez denotent le contraire. Sēblablemēt faut iuger de la troiesime maison & de sō. seigneur quād ils sont bien ou mal disposez. La Teste du dragon en la neufiesme fauorise beaucoup à la fortune des voyages: la queüe fait le contraire.

*De*

*De la constance en sa religion.*

## CHAP. XXVI.

**T**Out ainsi que la Teste du dragon, les fortunes, les luminaires, & mercure en la neufiesme bien disposez, denotent entiere foy & constance en sa religion. Saturne, Mars & la queüe du dragon la peruertissent. Saturne de sa nature est plus enclin à la loy des Iuifz: & Mars à la loy des Turcs & Mahometistes: la queüe du dragon fait tousiours hesiter de la verité de la loy. Le seigneur de la neufiesme, & la partie de la foy, avec son dominateur fortunez, rendent l'homme constant en sa foy: infortunez, le font varier. Si la partie de l'ame est au signe du Lion en la naissance d'un Chrestien, il sera fort constant en sa religion, si le Soleil est fortuné: & s'il est infortuné par Saturne, le fait deuiuer sa foy, pour s'adresser à celle



celle des Iuifs : s'il est infortuné par Mars , le rend plus enclin a la loy des Turcs & Mahometistes. Si ladite partie est es maisons de Saturne en la natiuité d'un Iuif : ou es maisons de Mars en la natiuité d'un Mahometiste, il renieront leur loy si lesdits seigneurs de ladite partie sont retrogrades, ou autrement mal disposez. Saturne en la neufiesme, en la natiuité d'un Iuif , ne luy diminue en rien sa foy. Quant aux songes, Saturne en ladite maison les signifie vrais, quand il est fortuné: Mars & la queue du dragon, les signifient vains & faux. Les autres significateurs, les assurent vrais.

*De l'action & profession.*

C H A P. XXVII.

**P**Our sauoir de quelle professio sera l'enfant, il faut premieremēt

H

114 IVGEMENS D'ASTROLOGIE  
regarder si aucun planette est en la  
profession. Autrement faut venir à  
la partie de fortune & à s<sup>on</sup> seigneur,  
à la partie de la profession & à son  
seigneur, à dixiesme maison & à son  
seigneur, & aux lieux de Mars, Mer-  
cure & de Venus. Le planette qui  
sur ces lieux aura plus de dignitez,  
sera significateur de la profession.  
Lequel si c'est Saturne, il signifiera  
agriculture, mesnagerie, achepts de  
reates, & aucunesfois gouverne-  
mens de villes, quand il est es angles  
fortuné. Iupiter denote les officiers,  
iuges beneficiez, Prelats, Euesques,  
& gouverneurs des biens de l'Egli-  
se. Mars signifie Capitaines, gens de  
guerre, monnoyeurs, forgerons, &  
autres qui vsent de fer & de feu: &  
Medecins, quand il est en aspect de  
Venus. Le Soleil, represente les  
Princes & seigneurs, les magistrats,  
cha

chasseurs, thresoriers, & sagittaires. Venus, ioueurs, danceurs, perfumeurs, apothicaires, & en aspect de Mars, Medecins.

Mercuré, aduocats, notaires, gref-fiers, poëtes, rhimeurs, philosophes, mathématiciens, deuineurs escriuains, mesagers, traffiqueurs. La Lune, ambassades, assesteurs, consuls, syndics, voyageurs, chasseurs. S'ils sont plusieurs significateurs, ou si le principal est accouplé à plusieurs planettes, il faut meller les significatiōs des vns & des autres, & de ladi-te mixtion colliger la profession cōuenante à la cōcurrēce des Astres. Il faut aussi regarder dedās quelle maison sont lesdits significateurs. S'ils sont dedās la secōde, la professiō sera de faits de marchandise, & de traffiques: ū dedās la troisiēme ou neu-ſiēme, de faits de religion ou des arrentemens des biens d'Eglise. Si

116 IUGEMENS D'ASTROLOGIE  
aux angles, de dominations & gou-  
uernemens. Si en la cinquiesme, d'a-  
bassades, legations , & d'autres cho-  
ses de plaisirs. Si en la sixiesme, de  
faits de malades, de seruiteurs, & de  
bestail, &c. Si la partie de l'hommeur  
prouenâte de la profession, et avecq  
son seigneur fortunee , l'enfant ac-  
querra grand bruit & hõneur à cau-  
se de sa profession. S'ils sont infor-  
tunez, si biẽ qu'il fasse, il ne acquer-  
ra iamais hõneur en faits de sa pro-  
fession.

*Des dignitez, offices, & honneurs.*

CHAP. XXVIII.

**P**Our lesdignitez, offices, charges,  
& honneurs, il faut regarder à la  
dixiesme maison, au luminaire tem-  
porel , à la partie de noblesse , à la  
partie du regne, à la partie des ma-  
gistrats , & autres appartenantes à  
la dixiesme maison , avec leurs sei-  
gneurs

gneurs. Le planette qui esdits lieux aura plus de dignitez, sera significateur desdites considerations en bien ou mal, selon la bonne mauuaise disposition particulièrement aussi il faut pour suyure lesdits lieux, l'un apres l'autre, pour sçauoir duquel costé principalement lesdites dignitez, offices, & honneurs doyuent venir. Saturne en la dixiesme maison, ou en l'ascendant, es natiuitez diuines, signifie grand auancement & honneur apres trente ans, quand il n'est mal disposé: es natiuitez nocturnes, denote continuelle crainte de receuoir dommage des Princes & Rois. Mars esdits lieux, es natiuitez nocturnes, signifie aussi grand auancement: es diurnes, pis que Saturne. La partie du regne & son seigneur dedans aucun des angles, tesmoignent grande faueur des Rois semblablement faut iuger des autres.

parties que nous auons deduites sur la dixiesme maison. Mercure en la dixiesme bien disposé & fortuné, promet dignitez, offices, & honneurs à cause du sçauoir. Venus & la Lune à cause des femmes. Jupiter pour sa vertu. Le Soleil & la teste du dragon en ladite maison, en signifient aitant. Les deux luminaires en leurs maisons ou exaltations, en la figure du ciel bien colloquez, denotent grand auancement & honneur. Ce que fait aussi Jupiter quand il reçoit la vertu de tous les autres planettes, & cõmunique la sienne à Saturne & au Soleil, & les fortunes. & les luminaires, quand ils sont es angles du ciel. Plusieurs planettes en la quatriesme maison denotent grand honneur apres la mort. Si aux poincts des angles est aucune estoille fixe de premiere ou seconde grandeur, ou autre ayãt nature des luminaires,

naires , c'est vn grand signe d'incré-  
dible auancement , Ce que aduient  
aussi quād lesdites estoilles sōt ioin-  
tes au luminaire téporel, ou à la par-  
tie de fortune, ou à son seigneur, ou  
aux planettes & parties qui sont es  
angles. Ceux qui ont Saturne en la  
dixiesme bruslé, ou le seigneur de la  
dixiesme bruslé, ou par Saturne op-  
primé, ou qui ont la queuë du dragō  
en la dixiesme, reçoient cōmune-  
mēt quelque forme de deshonneur,  
& souuent sont priuez de leur estat,  
quand les fortunes n'y entremessent  
leurs fauorables rayōs: excepté quād  
ils sōt ainsi infortunes en leurs pro-  
pres maisons ou exaltations , ou es  
signes d'Aries & du Lyon. Il faut no-  
ter que Saturne & Mars empeschēt  
grandement les bōnes fortunes ius-  
ques à ce que l'hōme à passé le nō-  
bre des ans correspondans au nōbre  
des ans moindres desdits planettes:

120 IUGEMENS D'ASTROLOGIE  
& s'ils empeschent plus de temps,  
ce sera iusques à ce que l'homme  
aura accompli le nombre des ans  
respondans au nombre des degrez  
des ascensions obliques du signe au-  
quel ils feront en la natiuité.

*Des compagnies, & amis.*

CHAP. XXXIX.

**P**OUR les compagnies & amis, re-  
gardez le lieu de Iupiter, l'óziés-  
me maisó, la partie des amis, la par-  
tie de compagnies honorables, a-  
uec leurs seigneurs. Le planette ayát  
plus de dignitez ausdits lieux, sera  
principal significateur des amis. Le  
quel selon sa bóne ou mauuaise dis-  
position denotera honorables, fi-  
deles & profitables amis: ou inutiles,  
peu loyaux, & de basse códition. Iu-  
piter & le Soleil en ladite maisó si-  
gnifiét cópagnies hónorables & pro-  
fitables



fitables. Ce que font aussi Venus la Lune, & Mercure audit lieu. Saturne en l'onzième fortuné, témoigne amis graues, anciens, & honorables: Mars gens de guerre, Capitaines & Seigneurs. Saturne ou Mars en l'onzième, hors de leurs principales dignitez, despourueus des rayons des fauorables planettes, signifient quelque grand proces contre les amis: ou quelque grande fâcherie à cause d'eux, comme il aduient communement aux respondans & aux cautiōs. Les parties des compagnies honorables, & de louange, avec leurs seigneurs fortunées signifient proufit & honneur du costé des amis: infortunées, denotent le contraire. La partie des amis en signifie autât. La teste du dragon en l'onzième, donne faueur des amis: la queue donne mille fâcheries à cause d'eux.

## CHAP. XXX.

**L**Es fortunes dedans la septiesme & douziesme maison donnent victoire contre les ennemis, quand elles sont en bon aspect du seigneur de l'ascendant. Et communement ceux qui ont ces deux maisons avec leurs seigneurs fortunées, sont heureux en proces. Le contraire faut iuger, quand elles avecq' leurs seigneurs sont infortunées. Les infortunez esdits lieux signifient beaucoup de noises & d'inimitiez. Ce que sont aussi les parties des ennemis, & de discorde & accord, quand elles & leurs seigneurs sont mal disposez. Le seigneur de la douziesme infortuné, signifie petite puissance des ennemis-infortuné, de note le contraire. Si l'une des deux infortunes est en la douziesme, & l'autre en la sixiesme, en  
maling

maling aspect du luminaire temporel, ou du seigneur de l'ascendant, l'enfant sera tué par ses ennemis. Ceux qui ont Saturne ou Mars ou la Lune opposite au Soleil au signe de Cancer, sont communement contraires à tout le monde. Mars en aucun des quatre angles engendre naturellement noises, proces, débats, & inimitiez contre tout le monde: excepté quand il est en bon aspect de Jupiter & de Venus. Car alors il exploite son ire & courroux contre les vices, & de grand zele maintient le droit d'un chacun. Le seigneur de l'ascendant, ou la Lune, ou le Soleil, infortunez en la douzième maison, signifient grandes persecutiōs & calomnies des ennemis. Le seigneur de l'ascendant par le seigneur de la douzième opprimé, tesmoigne qu'il mourra de la main de ses ennemis. Le seigneur de la douzième,

124 IUGEMENS D'ASTROLOGIE  
ziesme, & les planettes qui sont de-  
dans la septiesme & douziesme mai-  
son, signifient la qualité des enne-  
mis. Cest à sçauoir le Soleil, signifie  
les Princes & grands seigneurs, la  
Lune tout le monde. Mars gens de  
guerre, &c.

*Des empoisonnemens & captiuitez.*

CHAP. XXXI.

**L**E seigneur de l'ascendant ou la  
Lune, ou le Soleil grandement  
infortunez dedans la douziesme, six-  
iesme, & huitiesme, & quatriesme  
maison denotent emprisonnemens  
& mort dedans les prisons, ou en ca-  
ptiuité: principalemēt quand ils sont  
bruslez hors de leurs principales di-  
gnitez, & hors des signes d'Aries &  
du Lyon, & quād sont opprimez par  
Saturne seigneur de l'vne desdites  
maisons. Saturne & Mars es angles du  
ciel signifiet tousiours quelque em-  
prison

prisonnement : & principalement Saturne. Mercure es angles sous les rayons du Soleil, receuant malin aspect des infortunes, en signifie autāt. Si Mercure, ou le seigneur de l'ascendant donne sa vertu à Saturne estant en la huitiesme, l'estant demeurera loquement en prison & captiuité. Si le seigneur de l'ascendant est en la douziesme en signe d'humaine figure, sans aspect des fortunes, ou des luminaires, il sera captiué & serf dès sa ieunesse. Si le seigneur de la neufiesme est bruslé dedans aucun angle du ciel, il sera prins par les chemins, & mis en prison. Les parties de prison, & de peine travail & affliction, avec leurs seigneurs bruslees, ou autrement infortunées, signifient emprisonnemens & captiuité. Ce que font aussi les infortunées, quand sont bié dignifiées esdits lieux. Les parties de tous ennuis, & de l'an perilleux, en  
signi

signifient autant, quand elles, avec leurs seigneurs, sont grandement infortunées. Lesdites parties avec leurs seigneurs, fortunées preseruent de prisons & de captiuité.


*Des cheuaux, moutons, brebis & autres animaux.*

### CHAP. XXXII.

**L**es fortunes & planettes fortunez dedans la sixiesme & douziesme maison, rendent les gés heureux en cheuaux & nourriture de bestail. Les seigneurs desdites maisons fortunez, & accouplez avec les significateurs de richesses, en signifiet autant. Naturellement la sixiesme maison denote brebis, moutons, chieures, & autre menu bestail: la douziesme, cheuaux, bœufs, vaches, chameaux, & autres grans animaux. Les infortunes dedans lesdites maisons, ou  
les

les seigneurs desdites maisons infortunées, signifient perte & dommage esdits animaux. Saturne & Mars en la douzième font tomber des chevaux avec notable lésion. Ce qu'ils font aussi quand ils sont ailleurs au signe du sagittaire. Le seigneur de la natiuité dedans la douzième maison infortuné, en malin aspect du seigneur de la douzième, fait tomber de la monture avec grand peril de mort, quand les fortunes & luminaires n'y iettét leurs amiables aspects. Si la douzième est du Sagittaire, ou du Lyon, & le seigneur de l'ascendant, ou le Soleil, ou la Lune y sont infortunés, il tombera de son cheval, & mourra: si les fortunes dedans la huitième ne destournent le mal.

*Fin du premier Livre.*



# DES IVGEMENTS ASTRONOMIQUES

SVS LES NATIVITEZ, CON-  
tenant particulieres confi-  
derations Liure 1 1.



*Des significations des Planettes.*

## CHAP. I.

**S**ATVRNE a regard sur la droi-  
te partie de Septentrion, sur la  
terre & l'eau, sur la melancholie, &  
aucunesfois sur la phlegme crasse,  
sur les oreilles, la ratelle, la vessie,  
l'estomach, les nerfs, & les os. Et si-  
gnifie gens passés, ou noirs, maigres,  
pensifs, solitaires, craintifs, resueurs,  
graves,



graues, contemplatifs, laboureurs, massons, acheteurs de rentes vsuriers, mesnagers, pecheurs, marchâs d'huiles, cuirs, poissons, tuilles, pierres, alums, &c. Des malade signifie le pere, chancres, pourritures, siebures quartes, opilations, hydropiques, flux de ventre, colique, herme, mole, podagre, chiragre, sciatique, fourdesse, epilepsie, incubus, folies, melancholiques, difficultez de respirer, & autres engendrees d'humours crasses, ou de ventositez, qui durent longuemét. Des aages, vieillesse. Des parties de l'an, l'Autonne. Des couleurs, le noir, liuide, plombin, tanné, obscur. Des saueurs, l'aigre & adstringent, le poignant avec austerité. Des iours, le samedi. Des regions Bauiere, Saxe, Romandiole, Constance, & le premier climat. Des lieux particuliers, cauernes, lacs, estangs, cloaques, edifices antiques &

ruïnez, cimitieres, lieux tristes, obscurs, desers & puants.

Jupiter regarde l'Occident, l'air, le sang avec les esprits vitaux, les poulmons, costes, foye, & autres. Et signifie gens de bonne stature, de face pleine, chaunes, crespes, blancs avec vne plaisante rougeur entremeslee, ayans les yeux assez grands, les narilles assez courtes, les dents premieres assez grãdes, gens honnestes, gratieux, benins, religieux, Abbez, Euesques, Prelats, Officiers, iuges, magistrats. Avec copulation de Saturne, signifie negromantiés, enchanteurs, exorcisateurs: avecq' Mars, medecins: avec le Soleil, appaiseurs de quereles, controuerfes, & disputations: avec Venus, musiciens: avec Mercure, mathematiciens: avec la Lune, geometriens, geographes, & hidrographes. Des maladies, signifie fieures, ephemerres, squinãces, pleuresis,

refis, conuulfions, apoplexies phlegmons, & autres prouenant de fâg. Des aages, entre la ieunesse & la vieillesse. Des parties de l'an, le Printemps. Des couleurs, le clair comme saphir, le citrin, le verdoyant tirant vn peu sur le rouge. Des faueurs, le doux & amiable. Des iours, le ieudy. Des regions, Babylone, Perse, Hongrie, Espagne, & le second climat. Des lieux particuliers, eglises, palais, lieux priuilegiez, nets, honnestes, & religieux.

Mars regarde le midy, le feu, les humeur, coleriques, les reins, le foye, les narilles, le fiel, & les genitoires. Et denote gés rouges de visage, le poil roux, la face røde, les yeux jaunes, horrible regard, gés furieux, cruels, hazardeux, superbes, seditioneux, souldars, capitaines, forgerôs, charbonniers, boulâgiers, alquemistes, armuriers,ourniers, bouchers,

chirurgiens, barbiens, sergents,  
bourreaux, selon qu'il sera bien ou  
mal disposé. Avec Saturne commu-  
nement signifie chirurgiens: avec Ju-  
piter medecins, & physiciens: avec  
le Soieil, medecins oculistes: avec  
Venus, barbiens, & tondeurs: avec  
Mercure, gens industrieux à faire  
phlebotomies: avec la Lune, arra-  
cheurs de dets, & barbouilleurs des  
oreilles. Des maladies, il denote fieb-  
ures tierces & continues, epidemies,  
pestilences, migraines de teste, car-  
boncles, feux volages, pustules cole-  
riques & ardantes, manieres, phre-  
nesies, flux de sang, vomissement de  
sang, passions coleriques, iaunisses,  
nephritiques, dysenteries, & autres  
prouenantes d'humeurs coleriques,  
& adustes. Des aages, la fleur de ieu-  
nesse. Des parties de l'an, l'Esté. Des  
couleurs, le rouge, ardent, sanguino-  
lent, & tirant sur le fer. Des saueurs,  
l'amer,

l'amer, & le mordiquant. Des iours, le mardy. Des regions, Sarmate, Getulie, Lombardie, & le tiers climat. Des lieux particuliers, maisons de forgerons, & de forgeurs de monnoye, boucheries, fournaïses, & tous lieux dediez à fer, à feu, & à sang.

Le Soleil domine sur l'oriēt & midy, sur le feu, sur le sang pur, & sur les esprits vitaux, sur les yeux, sur le cerueau, sur le cœur. Et signifie gens sages, prudents, discrets, cupides de gloire & d'honneur, de mediocre ou petite stature, couleur brune, grande barbe, les yeux iaunes, la face marquee, grosse voix & assez mal plaisante: Gens honorables, officiers, magistrats, seigneurs, princes & Rois, & gouuerneurs des pays, & grās chasseurs. Avec Saturne, denotent rentiers, principaux metaires, & laboureurs honorables avec Iupiter, benefciez, prieurs, abbez, & pre-

lats, ou iuges & officiers de iustice, avec Mars, capitaines, & cōducteurs de guerres, avec Venus, gouuerneurs des biens des princesses, & officiers d'icelles, avec Mercure, conseilliers, secretaires, chancelliers, avec la Lune, legats, embassadeurs, messagers hōnorables. Des maladies, rheumes chaudes sur le visage & sur les yeux, rougeur de visage, cardiaque, palpitation de cœur, douleur de teste prouenant de repletion du sang, ou d'auoir trop demeuré aux rayons du Soleil. Des aages, ieunesse. Des parties de l'an, le commencement d'Esté. Des couleurs, le iaune, le clair rouge, couleur d'or. Des faueurs, le poignant avec vne douceur agreable entremeslee. Des iours, le dimanche. Des regions, d'Italie, Sicile, Boheme, & le quatriesme climat. Des lieux particuliers, maisons de Princesses, palais, theatres, & autres lieux

am

amples, magnifiques, & clairs.

Venus domine sur la droite partie d'Orient, sur l'air & l'eau, sur la mixtion de phlegme, sang, esprits, & semence de generation: sur les reins, ventre, nombril, foye, dos, & autres parties dediees à generation. Et signifie gens blancs ou bruns avec quelque rougeur entremeslee, belle face, plaisât regard, le nez aquilin, les cheueux pleins, ioyeux, riâts, liberals, plaisâns, danceurs, entrete-neurs de dames, ioüeurs parfumeurs, musiciens, messagers d'amours: avec Saturne signifie prestres, & autres qui chantent & assistét ioyeusement aux sepulchres, & morts: avec Iupiter, musiciens & autres qui chantét les loüanges de Dieu en hymnes solemnels: avec Mars, trompettes, & tabourins de guerre: avec Mercure, châteurs de rithmes & poësies: avec la Lune chanteurs de vulgaires chā-

136 IUGEMENS D'ASTROLOGIE  
sons. Des maladies, apostumes de  
matieres humides, fistules, imbecil-  
lité d'estomach, de reins, & des par-  
ties de generation, folie prouenante  
de trop aimer, mal de Naples avec  
ses supposts, & autres prouenantes  
de matiere froide & humide, & de  
venins. Des aages, l'adolescence. Des  
parties de l'an, le commencement  
du Printemps. Des couleurs, le blâc,  
verd, rouge, & vn peu iaune. Des sa-  
ueurs, le doux, delectable, & sauou-  
reux. Des iours, le vendredy. Des re-  
gions, Arabie, Austrie, Suisses, & le  
cinqüiesme climat. Des lieux parti-  
culiers, prez, iardins, fontaines,  
chambres bien parces, salles tapis-  
ses, liëts aornez, & autres dediez à  
ieux, dances, chansons, & toutes vo-  
luptez.

Mercuré preside sur le Septen-  
trion, sur l'eau & la terre, sur ses es-  
prits animaux, & sur la cõfusion des  
hu



humeurs, sur les mains, pieds, bras, nerfs, langue, bouche, dêts. Et signifie-gés ny blancs ny noirs, maigres, de petite stature, à longs doigts, la face lógue, le frót esleué, le nez droit & lóguet, peu de barbe, les cheueux pleins, les yeux petis & hastifs gens subtils, ingenieux, inconstans, rhimeurs, poètes, aduocats, orateurs, philosophes, diuineurs, arithmeticiens, marchands & negociateurs avec Saturne, geometriens, & Architectes, avec Iupiter, legistes, canonistes, & ceux qui gardent lés registres des benefices des eglises, & proces, avec Mars, sergés de bande, archers de garde, &c. avec le Soleil, maistres d'hostels de princes & grás seigneurs, & leurs secretaires & despenciers. avec Venus musiciens, apothicaires parfumeurs: la Lune, voyageurs messagers, & traffiqueurs. Des maladies, vertigo, op

tournemēt de teste, legereté de cerueau semblable à folie, folles imaginations, empeschemens de langue, phthisis, excoriatiōs des iābes, pieds & mains, & autres qui ont causes latentes, & reuiennēt par certain tēps. Des aages, le tēps d'ēuiron sept à 14. ans. Des parties de l'an, l'Autonne. Des couleurs, les estranges, diuers, & mixtionnés. Des saueurs, les estranges, & de nouveau goust. Des iours, le mercredy. Des regions, l'Egypte, la Grece, Angleterre, Flandres, Paris & sixiesime climat. Des lieux particuliers, boutiques, foires, marchez publiques, écoles, sales de procureurs.

La Lune domine sur la droite partie d'Occident, sur l'eau, sur le phlegme, sur ses sueurs mēstrues, & semblables superfluitez, sur l'estomach, le ventre, le cerueau, le poulmō, les māmelles, & les yeux. Et presente

preséte gés de belle stature, blâcs, à la face rōde & maculee, les yeux vn peu noirs & assez eminés , la barbe lōgue, les sourcils ioints, gens amiables , pacifiques , modestes , voyageurs, peregrinateurs, chasseurs, ambassades, legats, cōsuls, syndics , assesseurs, gouverneurs des villes, principalement en faits de police. avec Saturne. signifie charretiers, & viles negociateurs, avec Iupiter, geometriés, & geographes. avec Mars, arracheurs de dēts, alquemistes, & souffleurs. avec le Soleil , messagers hōnorables. avec Venus , pacquetiers. avec Mercure, poētes, rhimeurs messagers, voyageurs, traffiqueurs. Des maladies, pōdagres, chiragres, sciati ques, hydropisies, apoplexies, paraly sies, catharres, tréblemēs de mēbres, maladies somnolētes, flux de vêtre, vomissemēs, fistules, vers, & autres causees de froideur avec humidité.

Des

140 IUGEMENS D'ASTROLOGIE  
Des aages , l'enfance. Des parties  
de l'ã, l'hyuer. Des couleurs, le blãc,  
blond, iaune, verdoyãt. Des saueurs,  
le salé, & insipide, ou maufade. Des  
iours , le lundy. Des regions, Flan-  
dres , Afrique , & le septiesme cli-  
mat. Des lieux particuliers, fontai-  
nes, champs , montaignes, riuieres,  
ports , riuies de mer , bois, chemins  
publiques, & lieux deserts.

*Des significations des douze signes.*

## C H A P. II.

**A**Ries domine sur le cœur d'O-  
riët, sur le feu, sur les humeurs  
coleriques & adustes, sur le commé-  
cement du Printemps, sur la teste, le  
nez, la face, les oreilles , & les yeux,  
Et signifie gës maigres , roux, cam<sup>ps</sup>,  
coleres, robustes, & adroits, gens de  
guerre, capitaines , souldats, alque-  
mistes, & autres martialistes. Des  
ma-

maladie denote apoplexie, manie, flux de sang, rougeur de visage, abortifsemens, cheutes, playes, & toutes maladies violentes & impetueuses. Des couleurs, le rouge, iaune, & sanguinolent. Des saueurs, le doux. Des regiõs, Bretaigne, Allemaigne, Iudumee, Iudee, Angleterre, Naples, Floreçe, Fauèce, Imole, Capue, Ferrare, Vicence, Verone, Pauie, Cracouie, Marseille, Sartagoffe, & le tiers climat. Des lieux particuliers, champs, pasturages, maisons de forgeurs de monoye, & lieux de sãg & de iustice.

Taurus, domine sur la partie gauche de midy sur la terre, sur les humeurs melãoliques, sur le milieu du Printemps. Sur les machoüeres & le col. Et signifie petites gens, charnus, à grosses espaulles, grans yeux, le ventre large, gens labourieux, liberals, veritables, voluptueux, messagers, d'amours, danceurs, ioueurs. Des  
maladies,

142 IUGEMENT D'ASTROLOGIE  
maladies, escroëles, catharres,  
squinnâces, & autres maladies du col.  
Des couleurs, le verd & blâc. Des  
saueurs, le doux avec adstrictiô. Des  
regions, les maritimes d'Asie la  
moindre, Cypre, Medie, Perse, Câ-  
panie, Rhetie, Suisse, Lorraine, Bo-  
longne, Sene, Mantoüe, Tarâte, Par-  
me, Panorme, Capue, Salerne, Vero-  
ne, & sixiesme climat. Des lieux par-  
ticuliers, champs labourez, vignes  
cultiuees, prez verdoyans, iardins,  
& autres lieux plaisâs, & odoriferâs.

Gemini, domine sur la partie droi-  
te d'Occidët, sur l'air, sur le sang, sur  
la fin du printemps, sur les espaules,  
bras, & mains. Et signifie gens de  
mediocre stature, belle face, beau  
corps, abondans en poil, petis yeux,  
gens labourieux, subtils, ingenieux,  
prudens, dociles, fraudulens, arith-  
meticiens, geometriës, astrologues,  
orateurs, poëtes, aduocats, sortile-  
ges,

ges diuineurs, negociateurs, tisseurs. Des maladies phlegmons, forôcles, & autres prouenant de sang aufdites parties. Des couleurs, les mixtionnees. Des faueurs le doux. Des regions, Hyrcanie, Armenie, Mantiane Cyrenaique, Marmarique, Egypte le bas. Angleterre, Sardaigne, Brabât, Flandres, Lombardie, Viterbe, Vercel, Noremberg, Louvain, Magonce, Bruges, Londres, Paris, Cordube. Des lieux particuliers, foires, écoles, boutiques: lieux de montaignes hautes, lieux de chasse d'oiseaux, lieux garnis d'instrumens de musique.

Câcer domine sur le cœur de Septentrion. sur l'eau, sur les humeurs crues, & phlegmatiques, sur la poitrine, les costez & poulmon, sur les māmelles & l'estomach. Et représente gens amiables, pacifiques, modestes, blâcs, la face remplie, le nez lo-  
guet,

144 IUGEMENS D'ASTROLOGIE  
guet, larges espaules, peu de barbe,  
vn peu paresseux, inconstâs & pusilla  
nimes, nauigateurs, peregrinateurs,  
consuls, syndics, &c. Des maladies,  
apolecie, lepre, obscurité des yeux,  
gales, & fascheuses maladies au vi  
sage & au corps. Des couleurs, le blâc  
& blond. Des faueurs, le salé, & son  
contraire l'insipide. Des regions, Bi  
thynie, Phrygie, Afrique, Carthage,  
Escolse, royaume de Grenade, Côté  
de Bourgongne, Prusie, Holande,  
Zelande, Constantinople, Thunis,  
Venise, Milan, Genes, Luques, Pise,  
Treues, Madebourg, Berne. Des  
lieux particuliers, estangs, lacs, ri  
uietes, mer, & ports de mer.

Leo domine sur la partie gauche  
d'Oriët, sur le feu, sur la colere, sur le  
cœur, estomach, foye dos. Et repre  
sente belles gens droits, le nez lar  
ge & petit, grandes oreilles, vn peu  
estrâge regard, la face brune, le corps  
rou-



rougeastres, chauues, magnanimes, de grand cœur, Princes, officiers, magistrats, gouuerneurs, Rois. Des maladies, cardiaque, tremblent de cœur, Syncopis. Des couleurs, le iau-ne & roux comme or. Des saueurs, l'amer, & le fort. Des regions, l'Ita-lie, France, Apulie, Sicilie, Chaldee, Boheme, Rome, Rauenne, Pragues, Vlme, Mantouë, Cremone Syracu-se. Des lieux particuliers, terres no-bles, seigneuries, chasteaux, villes, palais, & edifices royaux.

Virgo domine sur la partie droite de midy, sur la terre, sur la melan-colie, sur les boyaux, ventre, & dia-phragme. Et signifie gens de medio-cré grâdeur, le corps droit, belle fa-ce, bonne voix, les cheueux crespes, petits yeux, prudens, dociles, inge-nieux, cupides de gloire & d'hon-neur, escriuans, arithmeticiens, geometriens, bateleurs. Des mala-

146 IVGEMENS D'ASTROLOGIE  
dies,colique, iliaque,&c. Des couleurs,le blanc,& purpuree. Des saueurs,l'astringent. Des regions,la Grece,Achaye,Crette , Mesopotamie,Affyrie,Cilicie,Athenes,Rhodes,Alexandre,Hierusalem,Corinthe,Tarante,Beneuente , Ferrare,Paue,Basse,Paris,Lyon, Tolouze. Des lieux particuliers,foires,boutiques,escoles,terres semees.

Libra domine sur le cœur d'Occident,sur l'air,sur le sang,sur le commencement d'Autonne,sur les reins. Et denote gens simples , honnora- bles,belle face avec blancheur de tout le corps , les yeux vn peu troublez,ou gastez,ioueurs , danceurs, musiciens,chasseurs,iuges. Des maladies,suppression d'vrine , flux de sang par bas,pierres aux reins,&ob- scurité des yeux. Des couleurs , le verd.Des saueurs.le doux.Des regi- ons,Bactriane,Caspie,Thebes,Tro-  
glody

glodytique, Ethiopie, Tuscie , Autric, Saouye, Dauphiné , Galette, Plaisance, Argenton, Vienne d'Autric, Francfort, Spire, Auguste , Arles, Lysbonne. Des lieux particuliers , ou l'on iuge les proces , tous lieux hauts , & montagnes portans blez ou vins, ou autres fruits.

Scorpio domine sur la partie gauche de Septentrion, sur l'eau, sur les humeurs phlegmatiques & aquositez. Sur les parties dediees à generation. Et signifie gens assez difformes, la poitrine large , la teste mal faite, grans parleurs, iaseurs , moqueurs, méteurs, gourmās, voluptueux, traistres, espies, empoisonneurs. Des maladies, obscurité des yeux, rongnes, tignes, chancres, lepres, alopecies, & difformes maladies au visage, & par tout le corps, empoisonnemēs , violences de medecines, &c. Des cou-

leurs, le rouge, & tané. Des faueurs  
le salé & insipide. Des regions, Sy-  
rie, Cappadoce, Terre de Mores,  
Catalongne, Banieres, Borgongne,  
Trapezonce, Saze, Padue, Virbin,  
Brixie, Valence en Espagne, Viéne  
Dauphiné, Salusse. Des lieux parti-  
culiers, vignes & iardins mal accou-  
strez, lieux deserts, puâts, infects, a-  
bôdâsen vers, crapaux, scorpiôs, &c.

Sagitaris, domine sur la partie  
droite d'Oriét: sur le feu: sur la cho-  
lere: sur la fin de Autonne: sur les  
cuisses, & toutes parties superflues,  
côme vn sixiesme doit &c. Et repre-  
sente gés de haute & droiste stature:  
la face iaune roussatre, la poitrine  
ample, les yeux de chat, gens iustes,  
& pitoyables, & ceremonieux, iu-  
ges, magistrats, prelates, beneficies,  
marchans, chasseurs. Des maladies,  
obscurité des yeux, cheutes d'éhaut,  
blessures par cheuaux, fiebures, pla-  
yes.

yes. Des couleurs, le iaune clair. Des saueurs, le fort & agu avec quelque douceur entremeslee. Des regions, Tuscie, Espagne, Arabie l'heureuse, Portugal, Hongrie, Sclauonie, Volterre, Mutine, Bude, Caschowie, Narbonne, Auignon, Tolete. Des lieux particuliers, iardins, chemins, montaignes, & ou lon paist les cheuaux.

Capricorne domine sur le cœur de midy: sur la terre, melancholie, genoux: sur le commencement de l'hyuer. Et signifie petite stature, petite teste ronde, la face brune, beau nez, beaux yeux choleres & tristes, cault, secrets, prudens, laboureurs, pasteurs, pescheurs, nautoniers, mesnagers, acheteurs de rentes. Des maladies, rongens, gales, deformitez de la peau, empeschemés des oreilles, de la voix, & des yeux, flux de sang par bas. Des couleurs, le noir, & ter-

150 I V G E M E N S D'ASTROLOGIE  
restre. Des faueurs, l'amer astringent. Des regiōs, Macedoine, Thracie, Indie, Brandebourg, Anchone, Fauence, Tortonne, Ausbourg, Cōstance, Gād, Malines. Des lieux particuliers, iardins, fontaines, riuieres, champs labourez, terres cultiuees, prisōs, cauernes, lieux obscurs, profonds, & pleins de fumees & de vapeurs.

Aquarius domine sur la partie gauche d'Occident : sur l'air, le sang, & les iambes : sur le milieu de l'hyuer. Et signifie belles gens, beaux visages longuets, la face vn peu rouge, la poitrine ou le coulde marqué, gens affables, sociables, auares, prudens, adonnez à actes Saturnes. Des maladies, fieures quartes, iaunisses noires &c. Des couleurs, le verd, & iaune obscurs. Des faueurs, le doux. Des regions, Arabie, Ethiopie, Samarie, Oxiane, Tartarie, Dannemarc, Piedmont,

mont, Montferrat, Pifaure. Des lieux particuliers, lacs, estangs, aloaques, caues, sepulcres, maisons infames.

Pisces domine sur la partie droite de Septentrion: sur l'eau, phlegme, aquositez, & sur les pieds: sur la fin de l'hyuer. Et signifie gens de couleur blanche, delicats, beau front, belle poitrine, belle barbe, les yeux ouuerts & assez grās assez, maladifz pescheurs, & nauigateurs. Des maladies, gales, vlceres, & taches difformes à la peau, douleurs aux pieds. Des couleurs le verd, blanc & mixtioné. Des saueurs, le salé & insipide. Des regions, Lydie, Lycie, Cilicie, Pamphilie, Calabre, Normandie, Ratisbone, Roüan, Compostelle. Des lieux particuliers, ports de mer rines de riuieres, estangs, & lieux aquatiques.

*De ce que signifient les planettes esdits  
signes. CHAP. III.*

**S**aturne en ses signes de Capricorne & d'Aquarius , es natiuitez diuinez, donne cognoissance & amitié de gens nobles & de credit , & grandes richesses, principalemēt en l'ascendant avec la partie de fortune : & fait l'homme graue,, prudent, superbe, & melancholique : & premier de tous ses freres , ou plus auancé. Es natiuitez nocturnes, donne grāds peines & trauaux, & beaucoup de maladies.

Iupiter esdits signes fait l'homme petit courage, infortuné en biés d'eglise, autrement riche , qui se dit tousiours pource.

Mars, le fait audacieux grand entrepreneur, non en vain : & fait voir la mort des freres.

Le Soleil, es natiuitez diurnes, signifie



fié qu'il sera parfait & heureux en toutes ses entreprises:es nocturnes, qu'il aura inconstante fortune.

Venus le fait adultere,& effeminé,& denote que les femmes ne vivront gueres.

Mercuré,y prend empeschement de langue , & rend l'homme mal disant,autrement sçauant , & qui hantera gens de sçauoir & de religion.

La Lune,fait l'homme paresseux, de qui l'on a mauuaise estimation, & de sa mere aussi, & signifie imbecillité des yeux, & grande toux.

*Aux maisons de Iupiter. ✕ ✕*

Saturne dedans les maisons de Iupiter , qui sont Sagitarius & Pisces, fait l'homme beau , riche , puissant, veritable,es natiuitez diurnes:es nocturnes,noises contre gens d'autorité,& prochaine mort du pere.

Iupiter,signifie richesse,honneur, grand credit & offices.

Mars, rend les gens nobles, & les fait conducteurs, de guerres, & amis des Princes.

Le Soleil, les fait beneficiez, pre-lats, officiers, & plus auancez qu'au-tres de toute leur famille : ils feront toutesfois, grandement luxurieux.

Venus, y donne des biens de l'E-glise, ou du costé de femmes : & les fait discrets, honnestes, entiers: les-quels toutesfois auront souuent noi-se à l'encontre de ses parens, dome-stiques, & alliez.

Mercure, les fait iustes, gés de bien, qui par leur propre vertu parvien-dront à la cognoissance & amitié de grans seigneurs & Rois.

La Lune, les rend premiers, & plus honnorez entre ses amis : les fait lu-xurieux, sains, & de longue vie.

*Aux maisons de Mars. V<sup>mo</sup>*

Saturne, donne grand courroux, & cruelle malice.

*Iupi*

Jupiter, fait l'homme heureux, & amy des grands seigneurs, & conducteur de guerres, principalement au signe d'Aries.

Mars, dedans ses maisons, signifie capitaines, gouverneurs de guerres, & grands seigneurs.

Le Soleil, maladies chaudes, au signe du Scorpion: au signe d'Aries, grand auancement.

Venus, denote luxure, & toute vilaine volupté, voire contre nature: & mal traitement aux femmes. Toutes-fois elle au signe d'Aries fait hayr les femmes, principalement si la Lune est au mesme signe, & si le Soleil est en signe masculin.

Mercure, fait l'homme menteur, malin, trompeur, facheux, demandeur de choses iniustes: autrement eloquent, ruzé en ses affaires, diligent, soupçonneux, necromancien, vn peu fausaire, ou larron.

La Lune, denote mauuaises compagnies, peril d'estre noyé, & brieue fin de la mere.

*Aux maisons du Soleil. ☉.*

Saturne au signe du Lyon, maison du Soleil, signifie bonne fortune & longue vie au pere.

Iupiter, fait l'homme sage, de bon esprit, de bonne nature, amiable, qui par vertu viendra à la cognoissance & amitié de grands Princes & Rois.

Mars, denote mort violente, grandes maladies, perte de biens, infirmittez des yeux, & de l'estomach.

Le Soleil en sadite maison signifie grand & incredible auancement, aux angles, ou maisons succedantes, quand la natiuité est diurne : quand elle est nocturne, signifie tristesses, ennuis, & brieue fin du pere.

Venus, forté amour, grande luxure, & impudique vie, quand iupiter ne la regarde.

Mer

Mercuré, bons escriuains, gens de sçauoir, bonne memoire, grand conseil.

La Lune , honorables compaignies, & viuacité d'esprit.

*Aux maisons de Venus. ♀ ♀*

Saturne , denote impudique vie, amour de filles & femmes de petite condition, maladies à cause de lubricité.

Iupiter, compaignies honorables, amitié de grands seigneurs , proufit du costé des femmes: ou biens ecclesiastiques, ou prouenans de gens d'Eglise.

Mars, gens furieux , rauisseurs de femmes, deshontez à leur lubricité, iusques à y contraindre les parentes, & allies. Au signe de Taurus fait l'homme faux & traytre: au signe de Libra, denote quelque blesseure par fer ou par feu.

Le Soleil, le fait contemplatif, veritable,

158 IUGEMENS D'ASTROLOGIE  
ritable, interpreteur de songes, cu-  
rieux des secrets de nature, amateur  
de peregrinations.

Venus, signifie resiouyſſance, grã-  
de prosperité, heureux effects des en-  
treprinſes, mais il aimera femmes  
reprehensibles.

Mercurę, donne beaucoup de bõs  
& prouſitables amis : rend l'homme  
plaiſant, ioyeux, & muſicien.

La Lune, donne prouſit des fẽmes.

*Aux maiſons de Mercure. II mꝝ*

Saturne, fait l'homme fort ſça-  
uant, ingenieux, de grand iugement:  
qui aura des enuietix qui le pourſuy-  
uront, ſa langue ſera empeschee, ſon  
courroux violent.

Iupiter, le fait auſſi ſçauant, ou  
marchand, homme de bonne foy, &  
plus riche que ſes parens.

Mars, pareſſeux, prudẽs, canteleux,  
gens de guerre, Sagittaires, negotia-  
teurs, contrefaiſeurs de lettres, fauſ-  
ſaires.

Le

Le Soleil , donne abondance de sçauoir tant en matiere de iugemēs, que en mathematiques.

Venus, compagnies & amitiez de gens d'Eglise: autrement elle les rēd fort lubriques.

Mercur en ses propre maisons, signifie gens pleins de tout sçauoir, philosophes, mathematiciens , orateurs, aduocats, poētes, rhimeurs, diuineurs, mechaniques industrieux.

La Lune , bonne vie & longue, grande intelligence des affaires qu'il entreprend , bonne fortune en marchandises, amour de ieunes garces.

*A la maison de la Lune. ☾*

Saturne, grandes maladies , perte de biens, dommage aux yeux, voyages, desquels il ne retournera iamais, ou bien tard, avec grand' peine.

Iupiter, amitié de gens hōnorables, bonne renommee, & bōne fortune.

Mars , legeretē d'esprit temeritē,  
auda

160 IUGEMENS D'ASTROLOGIE  
audacieuses entreprinſes, leſion des  
yeux, perte des biens de la mere.

Le Soleil, bonne renommee : &  
ſ'il eſt ioint à la queue du dragon, ou  
à Saturne, ou Mars, leſion aux yeux,  
peril de noyer, & frequens voyages.

Venus, ſignifie inconstance, & im-  
petueuſe luxure.

Mercure, bonne volonté, chaſteté,  
fidelité, & heureuſe fortune en faits  
de marchandise.

La Lune, ſanté, & proufit en vo-  
yages, trafiques, & marchandises,  
quand elle eſt fortunee: ou quand eſt  
infortunee, continuelles maladies,  
dommages aux yeux, perils de mort  
par terre & par eau.

*Des aſpects des planettes entre eux.*

#### CHAP. IV.

**L**A conionction de Saturne & de  
Iupiter, donne belles poſſeſſions,  
metai



metairies, rentes, maisons, & charges des affaires du Roy, proufitables, si Mars ne les regarde: & si ~ ~ ~

si La O de Saturne & Mars, signifie que l'enfant sera reposé: mais il ne pourra l'accomplir ses entreprinles sans grande difficulté; & mourra plus tost que son pere: & la mere: & ses freres encores mourront auant luy.

La O de Saturne & du Soleil, porte du patrimoine, grand travail pour acquérir biens & pis es natiuitez nocturnes. ~ ~ ~ ~ ~

La O de Saturne & Venus, denote que l'homme n'aura point d'enfans mâles, qu'il épousera quelque vieille, ou quelque veue; ou autre de fort mauvaise condition; ou vne bachelere, ou adre; blessée de son honneur, ou de laquelle les parens ont quelque tache. ~ ~ ~ ~ ~

La O de Saturne & Mercure, le rend vagabond pauvre indigent, de

162 IUGEMENS D'ASTROLOGIE  
nul mestier, duquel la langue est  
empeschée.

La O de Saturne & de la Lune,  
imbécillité du corps, perte du costé  
des parens.

La O de Iupiter & Mars, signifie  
richesse, domination, gouuernement  
de guerres, bonne & grande res-  
nommee.

La O de Iupiter & du Soleil, pau-  
ureté, & indigence, s'il n'est orien-  
tal, car alors il promet bonne fortune  
au pere, à luy, & à ses enfans.

La O de Iupiter & Venus, bonne  
institution, amitié de gens honno-  
rables, & proufit d'eux, & de la fem-  
me & des enfans.

La O de Iupiter & Mercure, signi-  
fie legistes, secretaires, chancelliers.

La O de Iupiter & de la Lune,  
grandes richesses.

La O de Mars & du Soleil, perte  
du patrimoine, domnage es biens  
cour.

courte vie au pere , & grand peril  
d'estre brulé à l'enfant.

La O de Mars & de Venus , pro-  
ces noïses, débats à cause des fem-  
mes, adulteres avec femmes d'infir-  
me condition.

La O de Mars & Mercure, méteurs,  
ruzez, eloquens, diligés, babillards.

La O de Mars & la Lune, courte  
vie, playes, coups, danger de mort  
violente par fer, ou par feu, ou par  
cheuttés & ruïnes.

La O du Soleil & de Venus, lou-  
ange, bonne renommée, faueur du po-  
pulaire, mesinement des femmes.

La O du Soleil & de Mercure,  
sapience, science, grand auancemēt,  
& estimation d'estre fort sçauant.

La O du Soleil & de la Lune, cour-  
te vie, domination, & compagnies  
honorables.

La O de Venus & Mercure, fait  
L 2

l'homme plaissant, ioyeux, ioueur, danseur, musicien, bien accoustre:& luy apporte dommage du costé des femmes. S'ils sont conioints sous les rayons du Soleil, ils font quelque notable lesion es parties de generation.

La  $\odot$  de Venus & de la Lune, fait l'homme beau & plaissant, superbe, adultere, & de qui la femme est adultere, si Mars y iette ses rayons, sans aspect de Iupiter.

La  $\bigcirc$  de Mercure & de la Lune, signifie louange, bonne renommee, science, & incohstence de moeurs & de fortune.

Le trine aspect de Saturne & Iupiter, signifie heritages, possessions, belles maisons, richesses, rencontres de thresors, grans gains, quand ils sont es fortunables lieux de la figure.

Le  $\Delta$  de Saturne & Mars, grand auancement, dignitez, grand credit, domi

domination & gouuernemens de villes & pays : & mort des freres.

Le  $\Delta$  de Saturne & du Soleil, domination, offices, dignitez, grande renommee, es natiuitez diurnes : es nocturnes, fait dissiper les biens patrimoniaux, & derechef les fait par la vertu redresser, & acquerir de plus grans.

Le  $\Delta$  de Saturne & Venus, fait l'homme repose, pacifique, honneste, pudique, de bonne conuersation, de bonne renommee: qui de gens de basse condition sera pouruiuy d'enue, & se mariera tard.

Le  $\Delta$  de Saturne & Mercure, le fait prudent ruzé en tous les affaires, homme de bien, & fort sçauant, ingenieux, industrieux, arithmeticien, geometrien, astrologue, geographie, president en matieres de contes & calculations, chancelliers, secretares, glesfiers.

26 Le  $\Delta$  de Saturne & de la Lune, faueur de grans seigneurs & Rois, gloire, honneur, domination.

27 Le  $\Delta$  de Iupiter & Mars, signifie audace, hõneur, victoire, faueur de Rois, gouuernemens de ville, grãd credit.

28 Le  $\Delta$  de Iupiter & Soleil, fauorise grãdemēt à gloire, hõneur, domination, credit, & dõne grãdes richesses, & belles posselliõs, & beaux enfans.

29 Le  $\Delta$  de Iupiter & Venus, denote beauté, grace, fidelité, honnesteté, proufit des femmes, & des amis, dignitez, heritages par leurs moyens.

30 Le  $\Delta$  de Iupiter & Mercure, fait l'homme ingenieux, subtil, sçauant, de bon iugement & aduis, heureux en ses entreprinſes, iuge, officier, grand seigneur, secretaire, bien entendu en secrets de nature, & en Astrologie.

Le

Le  $\Delta$  de Iupiter avec la Lune, signifie noblesse, gloire, honneur, bone renommee, amour de vertu, fidelité, principauté & dominations. 91

Le  $\Delta$  de Mars avec le Soleil, grand auancement, grand credit, dignitez, dominations administrations de republicques, & conduites de guerre. 92

Le  $\Delta$  de Mars avec Venus, gaing, richesses, biens des femmes, superbe, arrogance, braueté, lubricité. 93

Le  $\Delta$  de Mars, & Mercure, prudence, ruse, subtilité d'esprit: & fait l'homme secretement studieux, bon aduocat, president en matieres de contes, & riche. 94

Le  $\Delta$  de Mars avec la Lune, le fait heureux en tout ce qu'il entreprend, president en matieres de cōtes, officier honorable, & grand seigneur avec bonne renommée. 95

Le  $\Delta$  du Soleil avec Venus, signi- 96

168 I V G E M E N S D'ASTROLOGIE  
fie ce que le trine de Mars & Venus,  
avec grand honneur desdites signi-  
fications.

Le  $\Delta$  du Soleil avec Mercure &  
avec la Lune, semblablement com-  
me de Mars, avec grand honneur &  
prouffit.

Le  $\Delta$  de Venus avec Mercure,  
braueté, plaifance, grace & beauté,  
& heureuses entreprinſes.

Le  $\Delta$  de Venus & la Lune, beau-  
té, grace, braueté, ſupèrbe, aduſiere.

Le  $\Delta$  de Mercure avec la Lune,  
fait grandement eſtimer l'homme  
en ſa profeſſion, ſoit en muſique,  
peinture ou autre induſtrie mecha-  
nique, ou en tout ſçauoir, ou en mar-  
chandife, ou office.

Les ſextiles aſpects ſont les meſ-  
mes eſſects que les trines, à excepté  
que les ſextiles ne ſont de ſi parfaite  
vertu.



10. Le quadrat aspe ct de Saturne & Jupiter, signifie perte de biens patri-  
moniaux grâdes: aduér fitez empes-  
chemēt en toutes entreprinſes, vai-  
nēs cogitations; & principalement  
quand Saturne est eſſenē ſur Jupiter,  
ſans le receuoir.

11. Le II de Saturne & Mars en ſi-  
gnifie l'autant: & outre, fait voir la  
mort des freres: ſc̄m, & ſi l'on ſc̄it

12. Le III de Saturne & du Soleil, ou-  
tre les dites ſignifications, porte grād  
dommaga à l'honneur, & gaſte le  
corps de maladies froides: & con-  
tractions de nerfs: & fait mourir le  
père pluſtoſt que la mère, & rend  
l'ēſar un peu mal iaggreable au père.

13. Le III de Saturne avec Venus, per-  
te de biens, pauuētē, miſerables for-  
tunes aux femmes, incōuilitē, quand  
Saturne tient la droite partie de l'a-  
ſpect. Car quand Venus la tient,  
l'enfant ſera pudiquē & de bonnes

anceurs, & les femmes l'aimeront affectueusement; combien que elles dissimulent l'amour; & yeulent dominer en la maison.

Le ☐ de Saturne & Mercure, fait l'homme laborieux, fief, de pauvre cōseil, sourd, ou mal oyant, begue, ou mal parlant, poursuivy d'enuie.

Le ☐ de Saturne & de la Lune, le fait paresseux, maladif, mal gracieux, chagrin, sans amis, dissipateur des biens de sa mere & de ses femmes.

Le ☐ de Iupiter & Mars, si Iupiter est plus puissant, signifie que l'enfant sera estimé, prisé, & honoré des Princes & Rois; & qu'il sera perseutrat en ses entreprinhes avec prouit, toutesfois il perdra ou dissipera ses heritages & possessions; & verra la mort ou destruction de ses enfans. Si Mars est plus esleué, il signifie procès, débats, perte à cause de grands seigneurs, & vie laborieuse.

Le  $\Pi$  de Iupiter avec le Soleil, si Iupiter est superieur, honneur proufit, & bonne fortune au pere, si le Soleil est superieur, l'enfant dissipera ses biens, & ne sera aimé de ses voisins, & s'en ira hors de son pays.

Le  $\square$  de Iupiter & venus, proufit des femmes, fidelité, honnesteté, civilité, quand Iupiter est plus haut. Quand il est inferieur, luxure, deception par femmes, inconstance, ioye incontinent tournée en tristesse, quand Venus n'est par Iupiter receüe.

Le  $\square$  de Iupiter & Mercure, signifie l'homme sçavant, mathematicien, sortilege, devineur, abondant en serviteurs assez fideles, & luy assez riche, principalement quand Mercure est receu par Iupiter.

Le  $\square$  de Iupiter & la Lune, bonne renommée, grand honneur, cognoissance & amitié de grâs seigneurs  
251 avec

172 IUGEMENS D'ASTROLOGIE  
auec vne petite inconstance de For-  
tune, & des mœurs.

Le ☐ de Mars auec le Soleil, si-  
gnifie beaucoup de maux, perte de  
biens, obscurité des yeux, & grand  
dāger de mort violēte, ou publique.

Le ☐ de Mars auec Venus, gran-  
des facheries & tribulations à cause  
des femmes, inconstance, legeretē  
d'esprit, & fait espouser femmes de  
basse condition, ou impudiques &  
aucunement diffamees, quand Mars  
est en signe mobile.

Le ☐ de Mars auec Mercure, im-  
becillitē de tout le corps, prisons,  
poursuites, accusations, faule natu-  
re de l'enfant, auecq' malice, & ini-  
quité.

Le ☐ de Mars & la Lune, signifie  
la mere estre imbécille & de fort  
courte vie, & l'enfant mauuāis gar-  
çō, prodigue, incōstant, pauvre, qui  
mourra miserablement, & duquel  
les

les femmes feront superbes, arrogantes & terribles.

Le  $\square$  du Soleil & Venus, signifie ce que le quadrat de Jupiter & Ven<sup>e</sup>:

Le  $\square$  du Soleil & Mercure, ce que le quadrat de Jupiter & Mercure.

Le  $\square$  du Soleil avec la Lune, augmente les dignitez & l'honneur, & donne des enuieux.

Le  $\square$  de Ven<sup>e</sup> & Mercure, fait l'homme diligent, & industrieux en son office, & bien renommé: mais il recouvrera quelque infamie à cause des femmes.

Le  $\square$  de Venus avec la Lune, le fait assez riche, & heureux en sa profession, eloquent, gracieux, assez heureux en femmes & enfans: mais il aura quelque perte de biens & de l'honneur à cause des femmes.

Le  $\square$  de Mercure avec la Lune, le fait sçavant, ingénieux, eloquent, inconstant de mœurs & de fortune, qui de sedition populaire sera sur-

surprins , ou sera accusé par plusieurs conspirateurs.

80 L'oppositiō de Saturne & Jupiter signifie grans troubles, mille facheries, & tribulations, priuation d'enfans. Si Saturne est en l'ascendant, & Jupiter en la septiesme, le commencement de la vie sera avec peines, tribulations & tourmens: la fin avec repos, proufit, & honneur.

La  $\odot$  de Saturne & Mars, sans aspect de Jupiter & Venus, denote grands troubles, seditions populaires, & conspirations à l'encontre dudit homme, beaucoup de maladies insupportables, ruines, cheutes, perils en eauës, mort violēte, ou pestilence: & miserable pere.

La  $\odot$  de Saturne & du Soleil, sans aspect de Jupiter, fait l'homme malade, triste, plein de soucis, plein de tribulatiōs, avec grande perte de biens, & danger de mort violente.

La  $\odot$  de Saturne & Venus, le fait mal gracieux, despourueu de beauté & de vertu, lubrique, infamé à cause des femmes.

La  $\odot$  de Saturne & Mercure, empeschement de la langue, separation de ses freres, sciéce, taciturnité.

La  $\odot$  de Saturne & la Lune, dissipation des biens maternels, griefs accidés à la mere, troubles & tribulations, avec grands dangers de mort violente, selon la nature du signe auquel sera la Lune.

La  $\odot$  de Jupiter & Mars, temerité, dissipation de biens, inimitiez de ceux qui estoient amis, inconstante fortune.

La  $\odot$  de Jupiter & du Soleil, fait dissiper les biens paternels, & vendre ses offices, & gaster son honneur.

La  $\odot$  de Jupiter & Venus, signifie inconstantes amitez, ingratitude de ceux à qui il aura fait du bien.

176 IUGEMENS D'ASTROLOGIE  
bien, autrement suffisante fortune.

La ☿ de Iupiter & Mercure, seditions populaires: enuies, conspirations, noies, proces: inimitiez des freres desquels il verra la mort.

La ☿ de Iupiter avec la Lune, suffisante fortune apres long travail.

La ☿ de Mars & du Soleil; gaste les yeux fait estre tué, ou tóber d'échant; fait dissiper les biens paternels; & bien tost mourir le pere.

La ☿ de Mars & Venus, red l'homme voluptueux; & vn peu vitieux; imbecille; inconstant; & fait mourir les femmes & enfans. En signes trop piqués fait espouser femmes de basse condition; ou aucunement diffamées.

La ☿ de Mars & Mercure sous aspect de Iupiter, red l'homme faulx, de mauuaise conscience, accompagné de mauuais garçons, accusé de plusieurs crimes, pour lesquels il sera fugitif.

ou



ou bāny, principalement si Mercure est dedans les maisons de Saturne.

La  $\odot$  de Mars & de la Lune, gaste les yeux, & le corps de coups, bleffures, & autres maladies, donne grādes aduersitez, fait haïr le mariage, & cause de mort violente, & souuēt publique : principalement quand la Lune croit es angles, sans suffisant aspect des fortunes.

La  $\odot$  du Soleil & de Venus & de Mercure, signifient ce que nous auons dit de Iupiter.

La  $\odot$  du Soleil & de la Lune, changement de fortune, de biés, & d'honneur, pauvreté apres richesse, deshonneur apres honneur, imbecillité du corps apres santé, & mutation de bien à mal : auecq' grande inconstance de mœurs.

La  $\odot$  de Venus & Mercure, enuies, querelles & inimitiez à cause des femmes : autrement grace, elo-

178 IVGEMENS D'ASTROLOGIE  
quence, beauté, braueté.

La  $\odot$  de Venus avecq' la Lune,  
mariage malheureux, iniures des fē-  
mes, & priuation d'enfans.

La  $\odot$  de Mercure & de la Lune,  
conspiratiōs à l'encontre de luy, en-  
nieux, trahisons, crainte, lubri-  
cité.

En Semblablement faut regarder la  
partie de l'ame, & de leurs aspects  
auec lesdits planettes faut iuger  
comme des aspects des planettes  
auec le Soleil & la Lune. Car la  
partie de fortune est partie de la Lu-  
ne: & la partie de l'ame, est partie du  
Soleil. Qui voudra considerer les as-  
pects enuers les autres parties &  
maisons du ciel, il en pourra iuger  
comme des planettes desquels les  
proiections desdites parties seront  
faites, &c.

Des

*Des significations des douze maisons.*

CHAP. V.

**L**A première maison signifie la vie, nourriture, & disposition du corps, & de l'ame; & la complexion, & represente la teste, le cerueau, la face, les breilles, & le nez; & s'appelle horoscope angle d'Orient; & ascendant.

La seconde maison, signifie biens, traffiques, richesses, gaings, compagnie pour faire prouffit; gens qui aident à gagner: signifie aussi or & argent & tous biens meublés; & s'appelle Maison succedate à l'ascendant, & basse entrée, & domine sur le col.

La tierce, denoté les freres & sœurs, les cousins & alliez, & petits voyages, & la foy, & deuotions, & songes; & s'appelle Maison cadante de l'ascendant, autrement deesse, & a regard sur les espauls, iambes, & bras.

La quatriefme signifie les peres & parreins, possessions, heritages, maisons, champs, prez, vignes, labourages, bois, & autres biens immeubles, thresors & biens sous terre cachez, & choses minerales, prisons, lieux obscurs, & la fin de toutes choses, & ce que advient apres la mort, comme sepulture, bonne renommee, &c. E s'appelle angle de la terre, & profond de la terre, & domaine sur la poitrine & poulmon.

La cinquiefme signifie enfans & filles, neveux, estreines, donations, plaisirs, voluptez, aornemens, braverie, dances, jeux, banquets, legations, ambassades, l'or & l'argent & la richesse du pere, le profit d'heritages, possessions, & labourages. Et s'appelle maison succedante à la quatriefme, & autrement bone fortune, & regarde le cœur & l'estomach.

La sixiefme denote les serviteurs,  
les

les maladies, & bestes inhabiles à cheuaucher comme sont chiés, brebis, moutons, chieures, gelines, &c. & a quelque signification sur les prisons, sur les iniustices, & faulx accusations. Et se nomme Maison cadante de la quatriesme & autrement mauuaise fortune, & regarde le ventre, & les boyaux.

La septiesme, nocces, mariages, fegines, procès, querelles, noies, débats, inimitiez declarees, & gens qui participent aux gainz & proufits, & signifie aussi, vieillesse, & lieux estranges. Et se nomme, Angle d'Occident, & domine sur les reins. La huitiesme, tristesse, ennuis, lógs tourmens, la qualite de la mort, le douaire des femmes, heritages d'autres que de ses parens, proufit de ceux qui participent au gain, biens auxquels l'on n'aura grandement pensé. Et se nomme Maison succe-

182 IUGEMENS D'ASTROLOGIE  
dante à l'angle occidental : & autrement, entree d'en haut , Et regarde les parties de generation.

La neufiesme, longs voyages, ló, gues peregrinations & nauigations, foy, religion, sacrifices, ceremonies, science, sagesse, deuinations, songes, prodiges, interpretations, & nouueaux intellects, sectes, paradoxes, signes du ciel, punitions diuines, Et se nomme, Maison cadante de l'angle occidental & autrement, maison de Dieu, & regarde les cuisses.

La dixiesme, honneur, dignitez, offices, magistrats, administrations, gouuernemens, dominations, conduites, bonne renommee estimatió, profession & action, & la mere. Et se nomme Milieu du ciel , Cœur du ciel, Poinct meridional, Angle meridional, & regarde les genouils.

La vnzieme, amis, compagnies, espoir, confiance, faueur, aide, secours,

cours, louange, estimation, renommée, conseil des amis : & se nomme Maison succedante à l'angle Meridional: autrement bon ange, & regarde les iambes.

La douziesme, inimiti s'occultes, prisons, captiuitez, seruitudes, tristesses, tourmens, plaintes, lamentations, regrets, haynes, trahisons, ribaudes, cheuaux, & autres grans animaux principalement equitables. Et s'appelle maison cadante de l'angle Meridional: & autrement malin esprit: & regarde les pieds.

*Des seigneurs des triplicitez desdites maisons.*

#### CH A P. VI.

**L**E premier seigneur de la triplicite du premier angle signifie la nature & vie de l'enfant, & ses cogitations & volonte, ce qu'il aime

& reiette, ce qui luy doit aduenir de  
santé ou maladie, de bõ ou mauuais  
entretènement, de perils de sa vie, à  
son premier aage.

Le second seigneur de la triplicité  
dudit angle, signifie la force &  
vigueur du corps, & le milieu de  
la vie.

Le tiers, represente la fin de la vie.

Le premier seigneur de la triplici-  
té de la seconde maison, signifie  
richesses.

Le second, la maniere d'vset desdi-  
tes richesses.

Le tiers, l'intention & conscience  
en les acquerant.

Le premier seigneur de la triplicité  
de la tierce maison, signifie les  
plus vieux & premiers freres.

Le second, les moyens.

Le tiers, les moindres & plus ieunes.

Le premier de la quattiesme, signi-  
fie les parens.



Le second, les terres, possessions & maisons.

Le tiers, emprisonnemens, & fin des choses.

Le premier de la cinquiesme, signifie enfans.

Le second, amour, plaisir, grace, bonte, pureté.

Le tiers, legations, ambassades, messages.

Le premier de la sixiesme, maladies & tribulations.

Le second, seruiteurs.

Le tiers, bestail, prisons, & le proufit des significations de ladite maison.

Le premier de la septiesme, femmes.

Le second, noises & proces.

Le tiers, participations.

Le premier de la huitiesme, la mort.

Le second, antiquitez.

Le tiers, heritages.

Le premier de la neufiesme, peregrin.

nations, longs voyages , nauigations.

Le second, foy, religion, deuotion.

Le tiers, science , deuinations, songes , propheties , sorts , augures, prodiges, sectes.

Le premier de la dixiesme , la profession, honneur, dignitez , auancemens.

Le second, audace & façon de faire en la profession.

Le tiers , signifie s'il perseuera en telle fortune.

Le premier de l'onzieme , signifie confiance, espoir.

Le second, les amis.

Le tiers , le proufit de l'onzieme maison.

Le premier de la douzieme, signifie les ennemis.

Le second, les peines & trauaux.

Le tiers, les bestes equitables, & autres dediees à charger & labourer.

De

De ce que signifient les planètes dedans

les douze maisons.

CHAP. VII.

EN la premiere maison, Saturne

hors de ses principales dignitez,

signifie que l'enfant sera de courte

vie, & infortuné, difforme, mal gra-

cieux, qui mourra à cause de debtes

ou de terres & possessions: toutes fois

il sera le premier de ses freres.

Jupiter en ladite maison, signifie

longue vie, bonne fortune, beauté,

honnesteré, amour de vertu, crainte

de Dieu, honneur, amis, faueurs: &

fait l'homme premier de ses freres.

Mars audit lieu blesse tousiours la

teste, ou la face, & fait despendre vne

partie du bien, & entremesle beau-

coup de discordes & contentions. S'il

est en la maison ou exaltation il le

fait puissant & vaillant homme, har-

dy,

dy, fortuné aux armes. Hors de ses principales dignitez, le rend malin, malin, iracunde, furieux, seditioneux, mutin, querelleux, principalement quand les fortunes n'y entremellent leurs rayons.

Le Soleil y donne, honneur, louange, estimation, credit, grand auancement, faueur de grans seigneurs, richesses du costé des Princes, & fait l'enfant premier né, ou plus auancé que tous ses autres freres.

Venus y donne grâce, beauté, braveté, ciuilité, amitié des femmes, santé, & prosperité: & rend l'homme lubrique, ioyeux, musicien, danseur, vn peu inconstant.

Mercuré le fait ingenieux, diligent, sçauant, apprehensif, de bon jugement, de bonne memoire y bon lecteur, bon escriptuant, grand mathématicien, & versé en tout sçauoir.

La Lune le rend inconstant, vagabond,

bond, qui entreprend diuers affaires, addonné à plusieurs voyages, homme sain, fortuné, beau, vn peu taché au visage, qui sera remuneré de grands seigneurs.

- La teste du dragon lunaire, honneurs, dignitez, faueur de grans seigneurs, & de prelates.

- La queue du dragon, perte de biens & d'honneur, difformité, obscurité des yeux, & grand danger de perdre la veüe.

En la seconde maison, Saturne hors de ses principales dignitez destruit l'homme, & luy fait despendre & dissiper son bien, le rend pauvre & despourueu de secours. En la maison ou exaltation le fait riche, auare, & avec tout son bien miserable.

Jupiter y donne grandes richesses par honnestes moyens.

Mars, luy fait despendre son bien, & à la fin le rend pauvre par diuerses

190 IVGEMENS D'ASTROLOGIE  
les façons. *no 40000 sup. 1000*  
-11 Le Soleil, le fait honnorable, ma-  
gnifique, liberal, braue : qui en ma-  
gnificences despendra son bien. *v 100*

Venus, donne aide & secours, &  
grandement enrichit, principale-  
ment du costé des femmes, & des  
gens d'eglise. *23000 400 200000*

-12 Mercure, proufite en fait de mar-  
chandise, & d'escritures ; & indu-  
stries mechaniques, & mille moyes  
pour deuenir riche. *20000 100*

-13 La Lune, richesses, & auancement  
par ambassades, messages & lega-  
tions, quand elle est fortunee. Infor-  
tunee, signifie peines & trauaux pour  
les biens de ce monde, sans rien a-  
uancer : & empeschemens à tout ce  
que l'on entreprend. *1000 1000 2000*

-14 La teste du dragon, richesse, grãd  
gaing & proufit, heritages, ou biens  
d'Eglise. *20000 100 100000*

-15 La queue du dragon, pauureté, de-  
struction,

struction, prodigalité, folle despence en ieux, & cheutte d'enhaut sans y penser.

En la troisieme, Saturne destruit les freres, & fait voir leur mort, entremesse noises & proces entre les freres, rend l'homme infortuné en voyages petis, hypocrite; superstitieux, timide, craintif, estonné de terribles songes.

Jupiter, signifie bonne paix & cõcorde entre les freres, non sans profit: & fait l'homme prudent, deuot, heureux en voyages prochains, & de qui les songes seront vrais.

Mars, signifie grandes iniures, noises, & proces entre les freres, & fait tost mourir tous les freres: & rend l'homme terrible, blasphemateur, parricide, trompeur, ne craignât Dieu, qui sera infortuné par les chemins, & souvent sera en danger de tomber entre les mains des brigans, & larrons,

192 IVGEMENS D'ASTROLOGIE  
larrons; & sera tourmenté de terri-  
bles & vains songes.

Le Soleil, honneur, dignitez, of-  
fices hors de son pays, longues pere-  
grinations, honorables freres, &  
songes veritables.

Venus, amour entre freres, heu-  
reux voyages, crainte de Dieu, son-  
ges veritables.

Mercuré, proufit en traffiques, vo-  
yages, foires, marchiez, & donne grãd  
sçauoir, & bon heur en tous faits cõ-  
cernans les biens de gens d'eglise: au  
sìgne de Gemini ou de Libra, fait  
l'homme bon musicié, sonneur d'in-  
strumens de musique, principale-  
ment en conìonction ou bon aspect  
de Venus.

La Lune, le fait adonné à souuent  
aller çà & là, à peregriner, tellement  
qu'il ne s'arrestera gueres en vn  
lieu: toutesfoìs il sera en ces actes  
prisé & honoré; & rencontrera  
bonne



bonne fortune, bons amis, & grans seigneurs qui l'employeront à legations, ambassades & autres voyages, & il sera aimé & prisé de ses freres.

La teste du dragon, signifie que ses freres seront de plus grand estat & de plus grande autorité que luy. Toutesfois il donne quelques biens ecclesiastiques.

La queue du dragon, destruit les freres, & les fait tous mourir bien tost.

En la quatriesme, Saturne hors de ses principales dignitez, fait dissiper le patrimoine, rend l'homme pauvre, & infortuné en biens immeubles en maisons, terres & possessions, en semences & cultures. Et signifie que la mere sera d'infimè condition, & ne viura gueres. S'il est dedans sa maison ou exaltation, il donne heritages, maisons, terres, possessions,

194 I V G E M E N S D' A S T R O L O G I E  
& signifie la mere estre honorable,  
& de assez longue vie.

Iupiter, le rend fort heureux en  
biens immeubles, luy donne beau-  
coup d'heritages, & aucunesfois fait  
rencontrer thresors, & biens aus-  
quels il n'aura iamais grandement  
pensé, & signifie le pere estre de lon-  
gue vie, & heureux, & que l'enfant  
sera estimé apres la mort, & sera ho-  
norablement mis en sepulture.

Mars, perte de biens par feu, ven-  
te de maisons, terres & possessions,  
destruction d'arbres dissipation d'he-  
ritages, mauuaise fin, playes, effusion  
de sang, mauuais renom apres la  
mort, & courte vie au pere.

Le Soleil, belles possessions, sei-  
gneuries, dominations, heritages,  
belles maisons, loüange, honneur,  
bonne fortune sur ses vieux ans, &  
bonne renommée apres la mort, &  
honorabile sepulture. Et naturelle-  
ment

ment le rend apte à deuiner , & pre-  
uoir les choses futures.

Venus signifie ce que Iupiter.

Mercuré fortuné , rend l'homme  
industrieux , prouident, preuoyant  
les choses à venir, acheteur de rétes,  
de maisons, terres & possessions:plā-  
teur d'arbres , curieux des rustiques  
affaires , enclin à assembler or & ar-  
gent: S'il est infortuné, le rend quere-  
leux , noisif , haï de ses voisins, touf-  
jours fasché, plein de despits , & peu  
estimé.

La Lune, signifie ce que auons dit  
de Mereure , excepte qu'elle incite  
plus à moulins , estangs , & sembla-  
bles acquisitions , & rend l'homme  
au commencement infortuné, & sur  
la fin heureux , principalement  
quand la natiuité est diurne.

La teste du dragon en signes aërez  
& ignees, signifie ce que Iupiter : en  
terrestres & aquees, ce que la queuë.

La queue, fait bien tost mourir le pere , & dissiper les heritages & biens immeubles.

EN la cinquiesme Saturne signifie tristesse, rustilité, inciuilité, mauuaise grace, mal entretien, priuation ou mort des enfans , & naturellement fait aller mal propre & mal vestu.

Iupiter y donne grace, honesteté, prudence ciuilité, braueté, richesse, proufit de legations & embassades, abondance d'enfans beaux, bien morigenez, bien instruits & aimez: bonne fortune du costé de gens d'eglise, donations: & fait porter anneaux, pierreries , doreures , & bonnes odeurs.

Mars y destruit & fait mourir les enfans, ou totalement le priue d'enfans , & réd l'homme mal-heureux en toutes significations de la cinquiesme maison , quand il est hors  
de

de ses principales dignitez. Dedans sa maison ou exaltation, le rend fort lubrique, impudent, temeraire, effronté, abondant en bastards & mauvais enfans.

Le Soleil, beaux enfans, compagnies honorables, bonne renommee, legations, dons de grans seigneurs, & incite à porter anneaux, doreures, pierreries & odeurs.

Venus, fait l'homme plaisant, delectable, ioyeux, danseur, sauteur, ioüeur, riant, braue, magnifique, musicien, heureux en enfans, lubrique, & vn peu ialoux.

Mercure, le fait iaseur, moqueur, braue, bien escriuant, bon peintre, industrieux de ses mains, ingenieux, musicien, voluptueux, ne se souciât gueres des affaires & tribulations, & assez heureux en enfans, adonné à ambassades, voyages & legations.

La Lune, le fait syndic, consul, as-

198 IV GEMENS D'ASTROLOGIE  
fesseur, legat, ambassade esleu par le  
peuple, & du peuple richement re-  
muneré, adonné à banquets, & heu-  
reux en enfans.

La teste du dragon, ce que Iupiter.

La queue, ce que Mars & Saturne  
signifient des enfans.

EN la sixiesme, Saturne, douleur  
de ventre & de dents, plusieurs ma-  
ladies, mauuais seruiteurs & mal-  
heur en brebis, moutons, & sembla-  
ble bestail.

Iupiter, bons seruiteurs, santé du  
corps, bonne fortune en nourriture  
de bestail.

Mars dedans sa maison ou exalta-  
tion, bons seruiteurs de guerre, pro-  
fession de medecine. Hors desdits  
lieux, maladies chaudes, pestilences,  
epidemies, mauuais seruiteurs, re-  
belles & larrons.

Le Soleil, maladies du cœur, im-  
becillité du corps, facheries pour les  
ser

seruiteurs.

Venus, imbecillité de reins & des parties de generation ; autremét santé du corps, bons & fideles seruiteurs bonne fortune en nourriture de bestail , & communement fait aimer impudiquement les chambrieres : & és natiuitez des femmes , fait aimer les seruiteurs : & signifie perils de mort aux enfante mens.

Mercuré, signifie qu'il deceura les femmes , & sera deceu d'elles , & de ses seruiteurs : & le rend trompeur, dissimulateur, detracteur de mauuaisé memoire. S'il est avec Saturne ou Mars , il menasse de mort par venin, ou de conspiration des seruiteurs, ou en prison.

La Lune , denote imbecillité des yeux & du cerueau, grâdes & frequêtes maladies , noisës contre les parens, inimitiez des femmes , compagnies de gens d'infime condition,

quand elle est infortunee : fortunee donne santé, & proufit de nourriture de bestail, & bon seruiteurs.

La teste du dragon, preserue de maladies, donne bons seruiteurs, & bonne fortune en bestail.

La queuë, maladies, infideles seruiteurs, perte de bestail.

En la septiesme, Saturne hors de ses principales dignitez, signifie qu'il espousera vne mauuaise femme, ou tachee de quelque infamie, propre, ou de ses parens : ruyne des ennemis, & peril de mauuaise mort. En signe aquee, denote hemorroydes, fistules, contraction de nerfs, & maladies au doz. En sa maison ou exaltation, signifie la femme est riche, & les ennemis puissans.

Iupiter, heureux mariage, la femme honneste, pudique, vertueuse, belle, riche : victoire contre les ennemis, & fortune vieillesse.



Mars en sa maison ou exaltation, ou hors de ses dignitez, tousiours signifie puissans & terribles aduersaires, femmes brutales, ou marys brutaux es natiuitez des femmes: impudence de l'homme, temerité, lubricité, dangers d'estre tué, & d'auoir coupez les pieds & les mains.

Le Soleil, puissans ennemis, riche femme & bien aparentee, honnorable vieillesse.

Venus, honneste mariage, femme vertueuse & proufitable au mary, heureuse vieillesse.

Mercuré, lubricité, noïses & débats entre le mary & la fême, facheries à cause de ses impudiques desirs, astuce sciéce de nóbres, amour de vertu. S'il est avec Saturne ou Mars il tuera sa femme, & sera tué, ou mis en prison, & mis en exil, ou condamné à mort par sentence de iuge.

La Lune, proufit des femmes,

mille noïses & proces, desir de chāger de pays. Si elle est fortunee, signifie tout bien en toutes significations de ladite maison : infortunee denote le contraire.

La teste du dragon, ce que Iupiter.

La queüe, fait tost mourir la femme, & destruire les ennemis.

En la huitiesme, Saturne hors de ses principales dignitez signifie mort estrange, regrets, pleintes, lamentations, longs tourmens, tristesses, angoisses, pauureté. En sa maison, ou exaltation, heritages, biens auxquels il n'aura grandement pensé, mort par flux de ventre, ou par peste, ou de quelque maladie froide & lōgue.

Iupiter, longue vie, cest à sçauoir iusques à soixante & douze ans, heritages, bien des femmes, bonne mort.

Mars hors de ses principales dignitez signifie mort hastiue, pestilence,

lence, epidemie, occision, & autres façons de mort violente. S'il est avec la teste du dragó, il sera pédu. S'il est en sa maison ou exaltation il donne des biens, non sans grandes noïses, & terribles proces.

Le Soleil, le fait mourir incontinent après estre mis en honneur, signifie courte vie au pere, heritages à l'enfant, perte de biens par violéce de grás seigneurs, bóne mort: excepté quand il est opprimé des infortunes. Car alors en signe aëré fait pédre & estrágler: en ignee, brusler ou tuer: en terrestre, fait mourir de cheutte, ou ruyne: en aquee, noyer: excepté au signe du Scorpion, là ou souvent fait mourir de peste, ou de venin, ou de morsure de chiens enragez, & de bestes venimeuses.

Venus, bonne mort, heritages, richesses, longue vie, courte vie de la mere & des nourrices, & femmes plus

204 IVGEMENS D'ASTROLOGIE  
plus anciennes que luy.

Mercuré inimitiez des voisins, vaine eſperance d'heritages, & mort de trop profondement penſer aux affaires.

La Lune ,heritages , richesses du coſté des femmes, & longue vie. Si elle eſt infortunee , ſignifie courte vie, priſons , calomnies & faux teſmoignages contre luy , noiſes , proceſ, querelles , & vexation d'eſprit, comme s'ils eſtoient lunatiques & tranſportez.

La teſte du dragon heritages , richesses, honneurs , liberalité, prodigalité, bonne mort.

La queue , horrible mort , petit doüaire, & nul bien appartenant à la ſignification de ceſte maiſon.

En la neufieſme, Saturne , ſonges terribles, horribles viſions, hypocriſie, ſuperſtitiõ, ceremonies, preſtres, moynes , & religieux : & mille en-  
nuis

nuis par les chemins, mille troubles & empeschemens , perturbation d'esprit.

Jupiter donne foy, constance en sa religion , proufitables voyages ; amour de vertu , crainte & amour de Dieu , & cognoissance de mysteres diuins, interpretations de songes, reuelations, & proufit en l'estat ecclesiastique.

Mars , hors de ses principales dignitez, dangers par les chemins, infidelité , impugnation de la foy, terribles opiniõs, & plus que heretiques, temerité, violence, impudence, horribles songes & faux , dexterité aux armes, & vaillantise quand il est autrement fortuné. Et sa maison ou exaltation fait l'homme fort terrible, necromancien, assez heureux en voyages & peregrinations, hazardeux, hardy, & de grand courage.

Le Soleil , benefices , abbayes,  
cues

206 IUGEMENS D'ASTROLOGIE  
eueschez, dignitez ecclesiastiques,  
Cardinaux, Papes, Legats, principa-  
lement en signe masculin: bone foy,  
constante religion, reuerence de cho-  
ses sacrez, amour de Dieu & de ver-  
tu, songes veritables, proufitables  
voyages, honneur en sa profession.

Venus, songes veritables, excepté  
en imaginations de femmes, digni-  
tez ecclesiastiques constâte religiô,  
amour & reuerence de Dieu, longues  
peregrinations par tout le monde,  
proufitables voyages, honneur en sa  
profession, & oste tout desir de se  
marier.

Mercure, biens ecclesiastiques,  
haute cognoissance des mysteres di-  
uins, admiration de la iustice & pro-  
vidence de Dieu, cogitatiô de Dieu,  
des anges, & des esprits: proufita-  
bles voyages, grande science en  
Theologie, Astrologie, & toute au-  
tre philosophie, interpretations de  
songes,

songes, oracles, & prodiges, proufit de traffiquer en lointain pays, bonne renommee.

La Lune, longues peregrinatiôs, peruerfes cogitations, inconstance de mœurs & de fortune, songes veritables, cognoissance des astres, quand la neuuesme est maison de Mercure: ou d'autres choses correspondantes à la nature du seigneur de la neuuesme.

La teste du dragon, songes vaticiniques, honneur & proufit de faire voyages, biens ecclesiastiques.

La queue, faute de foy, songes terribles, voyages perilleux, & pleins de facheries, peu d'honneur en la profession.

En la dixiesme, Saturne hors de ses principales dignitez, signifie courte vie de la mere, beaucoup d'infortunes, regrets, plaintes, emprisonnemens. Si la dixiesme est du Lyon, &

aucun

208 IUGEMENT D'ASTROLOGIE  
aucun des luminaires est avecq' Saturne, il mourra en prison. Si Saturne est avec Jupiter es maisons de Jupiter, il sera condamné à tort. S'il est avecq' Mars dedans les maisons de Mars, il sera condamné selon le merite de son crime. S'il est avec Mercure, il prendra mort fort honteuse par faux tesinoings. S'il est avec Venus & Mars, il sera fouëtté, & géhenné, & condamné à mort. Saturne en sa maison ou exaltation en la dixiesme maison, promet dignitez, preeminences, dominations.

Jupiter signifie grand honneur de la profession; dignitez ecclesiastiques, & bonne renommee.

Mars, hors de ses principales dignitez fait l'homme terrible, cruel, seditieux, querelleux, arrogant, dissipateur de ses biens, vsurpateur des biens d'autrui, hay de son pere & de sa mere, & de ses freres, & autres parents,



rens, qui souvent sera mis en prison, & recevra quelque punition de justice. En sa maison où exaltation le fait vaillant, hazardeux, hardi, & heureux en faits d'armes. Dedans les maisons de Jupiter, bien disposé, & regardé des fortunes, le fait presidet, conseillicr, iuge souverain.

Le Soleil, donne grand honneur, offices, dignitez, preeminences, dominatiōs, gouvernemens, grād credit, faueur de plusieurs grans seigneurs, estimatiō du populaire, honneur en sa professiō, avec richesses, & grās biens, principalement s'il est en signes ignees. Et si l'enfant est pauvre & de basse condition, il le esleue en grād honneur & dignitez.

Venus, honneur en sa profession, biens des princes & grāds seigneurs, grand credit, longue vie à la mere, avec prosperité & honneur.

Mercurc, le fait chancellier, secre-

210 IUGEMENS D'ASTROLOGIE  
raire conseiller, president , mis en  
grande dignité, sçauant en arithme-  
tique, geometrie, & astrologie: bien  
renommé, riche, & abondât en biés.  
S'il est infortuné par Mars, il viédra  
à mauuaise fin, pour auoir trop en-  
trepris: ou pour auoir prins que-  
relles contre plus grans que luy.

La Lune, signifie qu'il sera prisé &  
honoré de grans seigneurs, & sera  
heureux en ses entreprinſes, & esti-  
mé de tout le monde.

La teste du dragon, ce que Iupiter.

La queuë , fait receuoir quelque  
deshonneur, & perdre son estat , &  
tomber d'en haut : & denote courte  
vie à la mere.

En la onzième, Saturne hors de  
ses principales dignitez , signifie a-  
cointance & compagnie des gens  
viles, infames, & de basse condition:  
facheries & tristesse à cause des amis,  
vain espoir de paruenir à ce que l'on  
entre

entreprend , difficulté en tous affaires, pertes d'amis. S'il est en sa maison ou exaltation, il donne amitié de gens saturnins , comme sont grans seigneurs anciens.

Iupiter, le fait heureux en tout ce qu'il entreprend , donne faueur de grans seigneurs, grand credit, abondance d'amis, grand auancement par le moyen des amis, grans biens , richesses, & beaux enfans, desquels le premier sera masse.

Mars en sa maison ou exaltation, le fait amy de gens de guerre, & fortuné en fait d'armes : hors desdits lieux, signifie desespoir, malheureuses entreprinſes, perte d'amis, & inimities avec les amis, & qu'il sera peu loyal à ses seigneurs, & amis, d'ot luy en prouiendra grand dommage.

Le Soleil, heureuses entreprinſes, biens & honneur & dignitez par les moyens des amis , qui seront gens

212 IUGEMENS D'ASTROLOGIE  
d'autorité & grans seigneurs.

Venus, donne bons amis qui serôt gens honorables & d'autorité, & de bon vouloir, signifie bonne fortune, heureuses entreprinſes, & beaucoup d'enfans.

Mercuré, cognoiſſance & compaignie & amitié de gens de ſçauoir & de vertu, bonne renommee entre amis, heureuses entreprinſes.

La Lune, donne biens, richesses, honneur, bonne renommee, bons amis qui feront grans seigneurs, & heureuses entreprinſes.

La teſte du dragon, ce que Iupiter.  
La queüe, ce que Saturne & Mars.

En la deuxieſme, Saturne hors de ſes principales dignitez le fait malheureux en cheuaux & autres grâs animaux, deſquels il tombera ou receura quelque dommage: & ſignifie crainte de iuſtice, emprisonnemens, ou exil. En ſa maiſon ou exaltation,

tation, victoire contre les ennemis, bonne fortune en cheuaux, & animaux dediez à charges & labourages.

Iupiter hors de ses principales dignitez puissans ennemis, aduersaires gens d'autorité, prisons, exil, condamnation, pauvreté. Bien dignifié, signifie le contraire.

Mars, cheutte de cheuaux, blesseure ou autre grand dommage par bestes à quatre pieds, abondance d'ennemis, prisons, calumnies, & mille persecutions : & grans maux aux iambes & pieds.

Le Soleil, bonne fortune en cheuaux & semblables grans animaux : mais persecution des ennemis qui seront grâs seigneurs & fort puissâs : confiscation ou perte des biens, prisons exil, calūnies, faux tesmoings, faux rapports, amende hōnorable, priuatiō de son estat, peruers & traytres domestiques & seruiteurs.

Venus, donne bon-heur en che-  
 uaux, noïses & inimitiez pour fem-  
 mes, mespris de son mariage, fache-  
 ries, & mauuais renō à cause des fē-  
 mes, principalemēt d'icelles qui sōt  
 d'infime cōditiō, impudique amour  
 enuers fēmes infames, pour lesquel-  
 les il entrera en prison, & souffrira  
 quelque deshonneur. Si elle est au si-  
 gne de Virgo, ou de Capricorne, ou  
 d'Aquarius, iointe au Soleil, Satur-  
 ne, ou à Mars, signifie qu'il sera en  
 grand peril de mort pour aimer.

Mercure, donne grand scauoir,  
 principalement en sciences qui ne  
 luy porterōt aucū proufit, fait l'hom-  
 me philosophe, mathematicien, &  
 versé en tout scauoir, vn peu folle-  
 tre, & leger de son esprit, ayant plu-  
 sieurs ennemis, adonné à ses volu-  
 ptez, mal fortuné, & hay de gens de  
 scauoir, qui sera calomnié & mis en  
 prison. Si Mercure est bien disposé,

il donne bonne fortune en cheuaux  
& autres grans animaux.

La Lune , donne beaucoup d'ennemis, qui de iour en iour croistront en nombre. Si elle est infortunee, signifie emprisonnemens, & exil. Si elle est bruslee, ou iointe à Saturne, ou à Mars , il faut iuger que l'enfant sera totalement miserable, de courte vie, qui receura plusieurs maux des bestes equitables, & mourra de peste, ou sera tué , ou noyé. Si elle est fortunee , il eschappera de tous lesdits malheurs.

La teste du dragon, ce que Iupiter.

La queuë, domnage par bestes equitables , & destruction & ruyne des ennemis.

Et generalement quand vn planete est bien dignifié, ou autrement bien disposé, & regardé des fortunes dedans lesdites maisons , il signifie bon-heur en toutes significations

216 IVGEMENTS D'ASTROLOGIE  
desdites maisons: quand il est infor-  
tuné, il rend malheureuses lesdites  
significations.

*Des significations des seigneurs des mai-  
sons par tous lieux de la figure.*

CHAP. VIII.

**L**E seigneur de la premiere mai-  
son dedans la premiere fortune,  
signifie longue vie, santé de corps,  
biens & richesses par ses propres mo-  
yens, hōneur de ses parens. En la se-  
cōde, richesses. En la troisieme, vo-  
yages frequēs, & concorde avec ses  
freres. En la quatrieme, heritages,  
edifices, biens immeubles: & denote  
qu'il sera grand edificateur, grand  
planteur de vignes & d'arbres, & se  
voudra mesler des mines d'or &  
d'argent & d'autres choses selon la  
nature dudit planette. En la cinquiē-  
me, donne beaucoup d'enfans, les-  
quels



quels il aimera grãdemēt, & sera adonné à bāquets, ieux, dances, braueté, & à toutes voluptez & plaisirs, & aura beaucoup d'amis qui l'enrichirōt. En la sixiesme, marchād de menu bestail, abōdāt en seruiteurs, lesquels il enseignera, & rēdra diligēs: toutesfois il sera assez maladif. En la septiesme, querelleux, noisif, adonné à proces, ayāt cure des affaires de mariage, fortuné en tous ces actes. En la huitiesme, triste, craintif, de courte vie. En la neufiesme, interpreteur de songes, d'oracles, prodiges, & visiōs, adonné à cognoistre les mysteres diuins, & à peregriner & habiter en pays estranges. En la dixiesme, biés, richesses, dignitez, & hōneur du costé des Princes & grans seigneurs, bonne fortune en la profession. En l'onzieme, heureuses entreprinſes, bons amis, compagnies honnora- blés, prosperité, peu d'enfans. En la

218 IUGEMENS D'ASTROLOGIE  
douziesme, mauuaises mœurs, per-  
uerse nature, grandes inimitiez, bon-  
ne fortune en bestes equitables. Sil  
est infortuné en la premiere, l'enfant  
ne viura gueres. Si en la seconde, il  
sera destruit & pauvre. Si en la tierce,  
il receura grās maux par ses freres. Si  
en la quatriesme, il sera malheureux  
en terres, heritages, labourages &  
possessions, & mourra en prison. En  
la cinquiesme, denote tristesses &  
tribulations à cause des enfans, &  
des legations & donations & souuēt  
fait mourir de trop boire, ou man-  
ger, ou de trop prendre ses plaisirs.  
En la sixiesme, signifie grandes ma-  
ladies, & piteuse mort. En la septies-  
me, mort à cause de sa femme par  
venin, s'il est au signe du Scorpion:  
par feu, s'il est en signe ignee: par  
cheutte d'en-haut, s'il est en terrestre.  
En la huitiesme, courte vŕe, & dāger  
de mort à la mere à l'enfantemēt. En

la neufiesme, peril d'estre tué des brigans par les chemins. En la dixiesme, prisons , gehennes, condemnation, & mort à cause des Princes. En l'onziemesme , mille facheries & ennuis, pour les amis. En la douziemesme, mort en prison.

Le seigneur de la secóde dedans la premiere maison , signifie qu'il gagnera beaucoup , & deuiendra fort riche. En la seconde , qu'il aura des biens, & sera fort riche & auare. En la troisiemesme , perte à cause des freres, & proufit en petits voyages. En la quatriemesme, biens immeubles, heritages, augmentation du patrimoine. En la cinquiesme, proufit de toutes choses de plaisirs & de magnificence , enfans qui paruiendront en honneur , & seront riches, donations. En la sixiesme proufit du costé des seruiteurs , & de nourriture de bestail. En la septiesme, biens

biens des femmes, & des proces. En la huitiesme, grād doüaire, quelques heritages, car autrement il dissipera son bien. En la neufiesme, biens d'Eglise, fortune en longues peregrinations. En la dixiesme, proufit de sa profession, biens du costé de grās seigneurs, & d'offices & dignitez. En l'onzieme, biens, richesses & henneur par le moyen des amis. En la douzieme, proufit en cheuaux & autres grādes bestes: autrement perte, & iniustes moyens de gagner.

Le seigneur de la tierce maison en la premiere, signifie qu'il sera pl' riche & plus prisé que ses freres, & qu'il fera plusieurs voyages ça & là. En la seconde, qu'il aura proces contre ses freres à cause des biens. En la tierce, qu'il ira souuent ça & là pour prendre ses plaisirs, & que ses freres s'étretiendrôt avec luy. En la quatrieme, qu'il ira souuēt visiter  
ses

ses terres & possessions , & ses freres le laisseront, & luy retiédrot vne partie de ses freres serót braues, plaisâs, gratieux, & adonnez à voluptez, & s'accorderont avec ses enfans. En la sixiesme, qu'il aura propos d'iniures avec ses freres , & que ses freres ne luy quitteront vne parole. En la septiesme, procès contre ses freres, voyage pour se marier. En la huitiesme, courte vie aux freres, fuite à cause de peste, ou pour meurtre. En la neufiesme, peregrinatiôs des freres, & voyages pour gagner les pardôs. En la dixiesme, voyages à cause de sa profession , & pour dignitez , & mort des freres. En l'onzieme, bonne amitié entre les freres , voyages pour rencontrer quelque fortune. En la douzieme, inimitiés des freres , voyages à cause de ses ennemis.

Le seigneur de la quatriesme en la premiere maison , signifie qu'il sera plus homme de bien & d'honneur & plus riche que autre de sa race : & qu'il sera magnifique en edifices & possessions, & bastira maisons, plantera vignes & arbres , & fera diligement cultiuer ses terres. En la seconde , bon trafiqueur en matiere de bleds, vins, huilles, & fruits de terre, cher vendeur , achetant à bon marché , acheteur & vendeur de terres & maisons. En la tierce, qu'il aura les biens & heritages de ses freres. En la quatriesme, qu'il sera grandemēt fortuné en biens de terre , en maisons, & labourages : & rencontrera quelque thresor. En la cinquiesme , richesses du pere , enfans en heritages heureux. En la sixiesme, signifie que le pere ne sera de grande estimatiō: excepté en medecine , chirurgie , & gouuernemens de malades, & pour-  
riture

ture de bestail. En la septiesme, heritages du costé des femmes, inimitiez entre le pere & l'ésant, mesnagerie de la femme. En la huitiesme, que son pere sera de courte vie, heritages, mort hors du pays. En la neuvesme, terres & possessions jointes à biens d'Eglise ou subiettes à gens d'Eglise, & que le pere est estranger. En la dixiesme, que le pere sera cogneu de grans seigneurs, dót en viédra grand proufit à l'enfant : ou qu'il aura seigneuries, terres, & possessions, par le moyen de grans seigneurs. En l'onzieme, courte vie au pere, heritages par le moyen des amis. En la douzieme, que le pere est estranger & de basse condition, & hayra son fils, & qu'il aura quelques biens immeubles de ses ennemis, non sans long proces, & grande difficulté.

Le seigneur de la cinquiesme en  
la

la premiere, signifie festins, bāquets, dances, voluptez , & beaux enfans. En la seconde, riches enfans, & ioye d'auoir gaigné. En la tierce, voyages pour prendre ses plaisirs. En la quatriesme , biens de ses parrains & ayeuls. En la cinquiesme festins, banquets, braueté, jeux, dances, plaisirs, & beaux enfans. En la sixiesme , tesmoigne qu'il sera pacifique, & ne sera grandemēt adonné à ses plaisirs, fors que entre ses seruiteurs , & en nourriture de bestail. En la septiesme, que les enfans hayront le pere, & y aura proces entre eux , toutes fois il sera contiēt de sa femme, & se resiouyra avec elle. En la huitiesme, ioye d'auoir eu quelque nouveau heritage, & courte vie aux enfans. En la neuuesme, ioye en peregrinations, veus, sainteté, religiō, & bons enfās, qui craindrōt & aimerōt Dieu. En la dixiesme, plaisirs en honneur.



En l'onzième, plaisir entre les amis, & plusieurs enfans. En la douzième, courte vie aux enfans, inimitiez entre le pere & les enfans, plaisir en cheuaux.

Le Seigneur de la sixième en la première, signifie beaucoup de maladies de la nature dudit seigneur, & que ses seruiteurs & s<sup>on</sup> bestail mourront bien tost. Et la seconde, qu'il sera riche de nourriture de bestail. En la tierce, maladies en allant ça & là hors de la ville, & pauvre freres. En la quatrième, que son pere sera de fort basse condition. En la cinquième, maladies de trop prédre ses plaisirs, enfans qui seront de plus basse condition que le pere. En la sixième, santé, si le seigneur de l'ascendant ne le regarde: autrement maladies de prendre trop grande peine. En la septième, maladies à cause des femmes, de noises & proces, & noises

entre les seruiteurs & luy. En la huitiesme, mort à cause des seruiteurs. En la neuuesme, maladies hors du païs, ou à cause des chemins. En la dixiesme, maladies de trop trauailler en sa profession, & de trop penser à l'honneur. En l'onzieme, accointance des gens incongneuz, & maladie à cause des amis. En la douzieme, maladies à cause des ennemis, & de prisons, & inimitiez de ses propres seruiteurs.

Le seigneur de la septiesme en la premiere, signifie gaings par traffiques, pacts, & accords, par exercice de medecine, par Astrologie, & qu'il sera bien aimé de sa femme, & aura des biens d'elle, mais sera querelleux & aura proces. En la seconde, courte vie de sa femme, proces pour les biens d'elle, & richesse d'elle. En la tierce, noises & proces contre ses freres, & que les freres aimeront la fem

femmes impudiquement. En la quatriefme , heritages du costé des femmes, proces contre les parens. En la cinquiesme, ieune fême, honnelle & vertueuse , qui se fera aimer de son mary, & proces contre les enfans. En la sixiesme, proces à cause de son betail ou des seruiteurs , mariage avec quelque fême veſue, ou de basse condition , ou notee de quelque infamie propre ou de ses parés. En la septiesme, proces à cause des fêmes , noises domestiques, proufit des femmes, & de pactiser, & cōmuniquer les biens. En la huitiesme, proces pour heritages , grans biens des femmes. En la neuſiesme , proces & accusations en matiere de la foy, mariage avec femme estrangere. En la dixiesme proces pour offices & pour l'honneur, fême honorable, & dignité du costé des parens de la fême. En l'onziemes proces cōtre les amis, ou à cause d'eux, &

228 IUGEMENS D'ASTROLOGIE  
sera marié par ses amis. En la dou-  
ziesme , proces contre ses ennemis,  
mariage avec femmes de basse con-  
dition, qui ne l'aimeront gueres.

Le seigneur de la huitiesme , en la  
premiere, signifie qu'il sera iracunde,  
triste , fâché de ce qu'il ne peut par-  
uënr au bout de ses entreprinſes, &  
ne sera de longue vie. En la ſeconde  
quelques heritages. En la troiſiesme,  
mort des freres. En la quatriesme,  
qu'il mourra en ſa maiſon, & verra la  
mort de ſes parens ; & aura des heri-  
tages. En la cinquiesme, qu'il verra la  
mort de ſes enfans. En la ſixiesme,  
que ſa famille mourra auant luy , &  
ne ſera heureux en beſtail. En la ſep-  
tiesme, qu'il verra la mort de ſa fem-  
me , & aura des heritages du coſté  
d'elle , tellement qu'il en deuiendra  
fort riche. En la huitiesme, qu'il pen-  
ſera ſouuent à mourir, & ſera ſain de  
ſon corps, & ſouuent fâché de ſon  
eſprit,

esprit , & aura suffisant doüaire de sa femme, & heritages & autres biens. En la neufiesme , qu'il sera de mauuais courage , & mourra hors de son pays. En la dixiesme , honorable mort:ou autrement par le moyen de grans seigneurs & de iuges:ou à cause de son honneur. En l'onziemesme, mort entre ses amis. En la douziemesme , mort entre ses ennemis , ou à cause d'eux.

Le seigneur de la neufiesme, en la premiere, signifie qu'il sera prudent, religieux, vertueux, theologien, amateur de gens d'Eglise , & fera plusieurs voyages. En la seconde, qu'il fera quelques voyages desquels il deviendra riche. En la tierce , qu'il espousera sa femme hors de son païs, ou la prendra estrangere, & fera quelques voyages à cause de ses freres. En la quatriemesme , qu'il mourra hors de son païs, & peregrinera à cause de ses

230 IVGEMENS D'ASTROLOGIE  
parens. En la cinquiésme, qu'il aura  
des enfans, hors de son pays, & fera  
quelques voyages pour les enfans.  
En la sixiésme, qu'il espoufera quel-  
que chambriere, ou autre femme de  
basse condition, & sera malade hors  
de son païs, & pour ses serviteurs &  
son bestail fera quelques voyages.  
En la septiésme, voyages à cause des  
proces, des femmes, & de leurs biés:  
& signifie la femme estre deuotieu-  
se, moderee, & de bonnes mœurs. En  
la huitiésme, grand desir d'assembler  
or & argent, voyages pour les biens  
de la femme. En la neuviésme bon  
entendement, amour de vertu, crain-  
te de Dieu, cognoissance des myste-  
res diuins, oracles, prodiges, songes  
veritables, voyages pour deuotion.  
En la dixiésme, voyages pour sa pro-  
fession & pour l'honneur. En l'on-  
ziésme, bons amis hors de son païs.  
En la douziésme, mauvais coura-  
ge,

ge, inimitiez hors du païs, voyages à cause des ennemis.

Le seigneur de la dixiesme en la premiere, signifie que par son industrie il paruiendra à grand honneur, & aura offices, dignitez, gouuernemens. En la seconde, honneur pour ses richesses. En la troisieme, honneur par le moyen des freres, ou d'auoir fait quelques voyages. En la quatrieme, biens immeubles, magnifiques maisons. En la cinquiesme, honneur à cause de ses enfans. En la sixiesme, peu d'honneur, excepté de ses domestiques & seruiteurs, ou en gouuernemēs de malades. En la septiesme, honorable mariage. En la huitiesme, biens des femmes, heritages, & peril de mort à la mere à l'heure de l'enfantement. En la neufiesme, dignitez ecclesiastiques, honneur en pays estranges, & estimation à cause de ses voyages. En la dixiesme,

232 IUGEMENT D'ASTROLOGIE  
dignitez , offices , & grand honneur  
par son moyen , & faueur des Prin-  
ces. En l'onzième, prosperité , hon-  
neur, & faueur des amis. En la dou-  
zième, honneur de ses ennemis , &  
estimatiō de gens d'infime conditiō.

Le seigneur de l'onzième , en la  
premiere , signifie bonne fortune,  
heureuses entreprinſes, bon amis, &  
beaucoup d'enfans. En la seconde,  
biens & richesses par le moyé de ses  
amis. En la troisieme, amitié des fre-  
res, voyages pour les amis. En la qua-  
trieme , bon heur en biens immeu-  
bles. En la cinquiesme , abondance  
d'enfans, banquetts, ioye, liessè & bō-  
ne fortune. En la sixiesme, fortune en  
sa mesnagerie. En la septiesme, ma-  
riage riche & fortuné, bonnes allian-  
ces, noises & proces contre ses amis:  
& tesmoigne que en sa ieunesse il  
sera patüre , & en sa vieillesse ri-  
ché. En la huitiesme , heritages,  
mort



mort des amis. En la neufiesme, proufitables voyages, amis hors du pays, & bonne fortune en lieux estranges. En la dixiesme, biens & hõneur du costé de gés d'authorité, dignitez en ieunesse. En l'onzieme, abondãce d'amis & d'enfans, grans biés & hõneur, faueur de gens d'authorité, bonne renommee & prosperité. En la douziesme peu de amis, peu de biens, & inimitiez avec ses amis.

Le seigneur de la douziesme en la premiere, signifie pauvreté au cõmencemēt, tristesse, lóg trauail, inimitiez, & grãdes conspiratiõs de ses ennemis à l'encontre de luy. En la secóde, mauuaises mœurs, inimitiez des freres. En la quattiesme, noises proces à cause des heritages, & biés immeubles, & discordãce avec son pere. En la cinquiesme, enfans rebelles au pere, & inimitiez entre

eux. En la sixiesme, noies courroux contre les domestiques. En la septiesme, tesmoigne qu'il prendra femmes de basse condition qui ne l'aimeront gueres, & aura grandes peines & trauaux à cause d'elles, sera en grâde tristesse pour elles, & ses alliez conspireront contre luy, & ses ennemis luy emporteront vne partie de ses biens, & seront pauvre & miserable à la fin de ses iours. En la huitiesme, haynes, & trahisôs à cause des heritages, & biens des femmes, mort des ennemis. En la neuuesme, inimitiez de gens d'eglise, fascheries par les chemins. En la dixiesme, inimitiez de grâs seigneurs, persecutions à cause de sa professiô & de ses offices & honneur. En l'onzieme, signifie que ses amis se rendront ennemis, & aura grandes fascheries pour ses amis. En la douzieme, qu'il aura plusieurs enuieux & enne-

ennemis, qui machinerót beaucoup de maux à l'encontre de luy.

Semblablement faut iuger des parties par toutes les douze maisóns. Comme la partie de fortune en la premiere, signifie qu'il sera riche & fortuné par son industrie, en la seconde, qu'il deuiendra riche en tout ce qu'est signifié par la seconde maison, &c.

Ce sont les fondemens & racines des iugemens Astronomiques, desquels ne se faut destourner, sinon en tant que sont mitiguees, prohibees, ou augmentees par les concurrences & aspects des planettes, & coniections des estoilles fixes.

*Fin du second Liure.*

Des



DES IVGEMENS A-  
STRONOMIQUES SVS LES  
natiuitez, contenant les  
directions & re-  
uolutions.

L I V R E III.

*Des directions.*

CHAP. I.

**L**'ART des Directions de si  
diligémēt traictee par Iean  
de Regiomonte qu'il n'y a  
plus lieu d'en faire autre propos: ex-  
cepté que avec l'aide de Dieu, nous  
auons proposé de traduire en Fran-  
çois ses problemes & documēs ap-  
partenans à ladite matiere. Tandis  
nous toucherons icy les principaux  
poincts. Diriger (ie vseray de ce ter-  
me

me comme plus vſité, & de longue main receu, cōbien qu'il ſemble eſtre vn peu mal propre ) n'eſt autre choſe que attendre le récontre d'vn lieu du ciel à vn autre cōſequemmēt enſuyuant, ſelon l'ordre naturel des ſignes, & ce, par le mouuement du premier mobile. Le lieu premier eſt nommé le Significateur, le ſecond le Prometteur: comme ſi l'aſcendāt eſtoit le vingtieſme degré de Sagittarius, & Saturne fuſt au dixieſme de Capricornus , l'on pourroit diriger l'aſcendant à Saturne : & l'aſcendant ſeroit ſignificateur de vie, & Saturne prometteur de mort ou de maladie, & alors iugeroit on dāger de mort. Il y a vne autre forme de directiō attribuee aux parties & planettes retrogrades, qui ſe fait ſuyuāt l'ordre naturel du premier mobile , au cōtraire de la conſequence des ſignes : de laquelle l'artifice eſt ſem-

238 IUGEMENS D'ASTROLOGIE  
semblable au premier, & n'y a au-  
tre difference fors que ce que nous  
auons appellé significateur est icy  
prometteur, & le prometteur est icy  
significateur. Le point meridional  
de la dixiesme maison faut diriger  
par les ascensions droites. Le point  
de l'ascendant par les ascensions o-  
bliques trouuees à la table de la la-  
titude de vostre region. Les points  
& estoilles qui seront entre le meri-  
dié & l'horizon, par les ascensions  
obliques souz le cercle auquel ils  
seront, lequel l'on nomme cercle de  
position, pour lequel trouuer, en-  
semble pour auoir les ascensions de  
chacun lieu ayant latitude ou non,  
il faut suyure la methode ensuy-  
uante.

Premierement, il faut prendre la  
longitude des planettes, estoilles fi-  
xes, & autres lieux que vous voudrez  
diriger: c'est à sçauoir le signe, de-  
gré,

gré, & minute qu'ils tiendront au zodiac: & ce aux Ephemerides, ou autres tables astronomiques, &c.

Secondemēt, il faut calculer leurs latitudes en degrez & minutes, couchées aux Ephemerides.

Tiercement, leur declination par le premier probleme du liure des directions de Jean de Regiomonte.

Puis, leurs ascensions droites, par le tiers probleme dudit liure.

Puis encores, leurs distances du cercle meridien par le dixneufiesme probleme.

Incontinent, les cercles de leurs positions, par le vingtiesme probleme.

Cósequemment, les differences ascensionales par la table expresse.

Et finalement, les ascensions obliques par le dixiesme canon, si lesdites estoilles sōt entre le point meridien de la dixiesme maison, & le point

240 IUGEMENS D'ASTROLOGIE  
point de la quatriesme: ou les des-  
censions obliques par l'onzieme  
probleme, si elles s'ont entre le point  
de la quatriesme & de la dixiesme.  
Ce fait, ostez le nombre, des ascensions  
obliques du significateur, du nombre  
des ascensions obliques du promet-  
teur, prises à la table du cercle de  
la position du significateur: ou le cō-  
traire, si vous dirigez les parties, &  
planettes retrogrades. Ce que restera  
de degrez & minutes tournez en  
ans, mois, & iours: & par ce moyen  
aurez exactement le temps du bien  
& du mal que vous doit aduenir par  
direction: entendant que vn degre  
vaut icy vn an, cinq minutes vn  
mois, vne minute six iours, & quel-  
ques heures d'auantage. Qui se vou-  
dra aider des secondes, il touchera  
au but plus parfaitement.

Pour sçauoir les maladies & dā-  
gers de mort, il faut diriger les cinq  
lieux



lieux vitaux, que nous auons consideré cherchans le donneur de vie, aux estoilles fixes, de violéte nature, au point de la quatriesme, sixiesme, septiesme, huitiesme, à la queue du dragon, aux infortunes & leurs malings, aspects, aux parties de mort, & bien souuent au Soleil & à la teste du dragon. Semblablement, pour la mesme consideration faut diriger lesdits lieux pernicioeux aux cinq lieux vitaux. A ces rencontres l'on iuge l'homme estre en grand dâger de mort, quand les fortunes n'y iettent leurs fauorables rayons.

Pour les biens, hōneurs, dignitez, amitez, & autres considerations, il faut diriger les vns significateurs des biens avec les autres, & les vns significateurs d'hōneur avec les autres, &c. Desquels nous auōs fait mentiō au premier liure, pour suyuās les particuliers iugemens des natiuitez.

*Du separateur, ou bournear, ditz des Arabes Algebuibar.*

## CHAP. II.

**L**E separateur ou bournear, est le planette qui a dignité de terme au degré auquel respond l'an multiplié avec les ascensions d'un significateur.

Pour trouver le separateur de la vie, prenez les ascensions obliques de l'ascendant, adioustez à icelles le nombre des ans de vostre aage, & cherchez le tout à la table de la latitude de vostre region, & regardez auquel signe & degré respondra ledit nombre, car iusques à ce point sera venue la perfection de vostre vie : voyez apres qui est le planette qui a dignité de terme audit degré : car celuy sera le separateur de la vie, par mesmes moyen faut chercher les separateurs de l'honneur, des biens, des gains, des amis, & d'autres considéra

derations , sur les cercles de leurs positions. Lesquels conuient chercher suyuant la susdite methode des directions.

*Des seigneurs des triplicitez.*

CHAP. III.

**I**L faut aussi noter tous les seigneurs des triplicitez des lieux qui signifient bien ou mal, tāt es significatiōs de vie, que des biens, honneurs, amis, mariages, peregrinations, &c. S'ils sont bien disposez en la reuolution, ils signifieront bien, touchant la signification du lieu duquel ils sōt seigneurs: s'ils sont infortunez, ils en signifieront mal. C'est à sçauoir les seigneurs des triplicitez des lieux vitaux, signifieront de la vie: des lieux de fortune, de richesses & profits: des lieux d'honneur, de l'honneur, bien ou mal, selon qu'ils

244 IUGEMENS D'ASTROLOGIE  
ferôt fortunez ou infortunez à l'heu-  
re de la reuolution.

*Des reuolutions. CHAP. IIII.*

**L**E Soleil retournant au mesmes  
point auquel il estoit à l'heure  
de la natiuité, fait la reuolutiō cha-  
cun an. Qui voudra donc sçauoir  
l'heure & minnte de la reuolution,  
il faut qu'il cherche aux Epheme-  
rides à quelle heure & minute le So-  
leil commence entrer au degré, mi-  
nute, & seconde, auquel, il estoit à  
l'heure de la natiuité. Si les Ephe-  
rides ne vous semblent suffisantes  
pour cest affaire, ayez recours à vne  
table à ce propos descripte par Pier-  
re Pitat au cōmencement des Ephe-  
merides par luy corrigees & augmé-  
tees. Hierosime Cardan vse d'une au-  
tre que ie trouue assez exacte: laquel-  
le il décrit en son liure de la resti-  
tution

tution des temps & mouuemens celestes, au cinquiesme chapitre.

*Des iugemens sur les reuolutions.*

# CHAP. V.

**P**Remierement, regardez cōment est disposé le separateur de vie en la figure de la reuolution. Car s'il est infortuné, il signifiera maladies & autres dangereux accidēs: s'il est fortuné, il le tiendra sain & ioyeux toute l'annee. Semblablement faut iuger des separateurs des biens, amis, dignitez, & autres effects. C'est à sçauoir qu'ils donneront bonne fortune esdites significations, s'ils sont bien disposez: ou perte & mauuaise fortune, s'ils sont infortunez.

En secōd lieu, voyez si les seigneurs des triplicitez des lieux vitaux sont bien disposez: & des lieux qui signifient richesses, honneurs, voyages,

freres, parens, femmes & enfans, en faites autant Car esdites significatiōs l'homme sera heureux ou malheureux, selon que lescdits seigneurs seront bien ou mal disposez. Et principalement faut considerer le seigneur qui dominera à vostre aage. Car le premier seigneur d'une triplicité; gouverne le premier aage: le second, le milieu de la vie: le tiers: les derniers ans.

Tiercement, considerez qui est le planette qui a gouvèrnemēt sur l'an de vostre aage: ce que les Arabes appellent Fridarie.

Quartement, le seigneur du signe auquel sera icelle année venue la profec̃tion.

En cinquiesme lieu, le seigneur de la circulation: contant du seigneur de l'heure de la natiuité.

Puis, le seigneur de la circulatiō: contant du seigneur de l'ascendant  
de

de la natiuité.

Et si en l'ascendant de la natiuité est aucun planette , il en faut semblablement faire circulation.

Outre ce, il faut regarder si aucun planette retourne au mesme signe & maison, ausquels il estoit en la natiuité. Car alors il ameine l'effect qu'il auoit signifié en la natiuité, principalement quād il retourne au mesme signe. Il faut aussi auoir esgard aux aspects qui se font en la reuolution ; s'ils sont semblables à ceux de la natiuité. Car ce seroit vn renouvellement des effects desdits aspects.

Et ne faut oublier les changemens des lieux. Car si vn benin planette est en la reuolutiō au lieu auquel vn malin estoit en la natiuité le mal signifié par ledit malin en la natiuité, sera prohibé ceste annee par la presēce du benin. Au cōtraire, si vn pla-

248 IVGEMENS D'ASTROLOGIE  
nette promet quelque bien en la natiuité, & à son lieu est en la reuolution quelque infortune, ledit bien significé en la natiuité sera en la reuolution amoindri, ou perdu, à cause de ladite infortune. Les infortunes aux lieux des infortunes, augmentent le mal : les infortunes aux lieux des fortunes, augmentent le bien.

Pour iuger desdites consideratiōs, il faut auoir recours à ce que nous auons dit aux premiers deux liures des generales & particulieres significations des maisons, signes planetes, aspects, & particulieres situatiōs des planettes en signes & maisons. Ayans tousiours deuant les yeux la disposition des astres en la figure de la natiuité. Car si vn planette qui en la natiuité estoit grandemēt infortuné, est en la reuolution bien disposé, il ne pourra beaucoup proufiter, à cause de sa premiere infellicité.

Sem



Semblablement faut iuger de ceux qui seront fortunez és natiuitez. Lesquels es reuolutions infortunez, ne peuuent porter grand dommage.

Aucuns contemplent icy plusieurs autres choses : lesquelles par experience i'ay souuent trouué inutiles, faulses; & superflues.

*-X- LES ANS GOUVERNEZ PAR LES PLANETTES.*

*Des ans gouuernez par les planettes,  
-des nommez des Arabes Eridarie.*

*-elle est nommez des Arabes Eridarie.*

## CH A P. V I.

**Q** Vand la natiuité est diurne le Soleil gouuerne les premiers dix ans: Venus les huit ensuyuans: Mercure les treize apres: puis la Lune les neuf consequens: Saturne onze: Iupiter douze: Mars sept: la teste du dragon trois: la queuë deux. Quand elle est nocturne il faut commencer à la Lune, laquelle gouuerne les

250 IUGEMENS D'ASTROLOGIE  
premiers neufs ans, puis Saturne, Iu-  
piter, Mars, le Soleil, Venus, Mercu-  
re, la teste du dragon, & la queuë, les  
leurs par ordre, comme nous auons  
dit. Aucuns par grande curiosité ont  
adiousté compagnie des autres pla-  
nettes à chacun gouuernement. Ce  
que ie trouue auoir esté repris par  
les Chaldees, à bõne raison. Car l'ex-  
perience a souuent demonstré & à  
moy & à plusieurs autres en la scien-  
ce bien experts, ceste subtilité estre  
trop curieuse, vaine, & superflue.

*Des profectiõs.*

CHAP. VII.

**P**OUR les profectiõs il faut resoul-  
dre les douze maisons de vostre  
natiuité en parties égales sur l'ecliti-  
que : tellement que si l'ascendant est  
au premier degré d'un signe, la se-  
conde maison soit au premier degré  
du

du signe ensuyuant , & la tierce au premier degré du tiers; signe:& pour conclure, que chacune maison commence par le premier degré comme la premiere maison. Par ainsi chacune maison contiendra trente degrez: & les premiers trente degrez de la premiere maison appartiendront au premier an que l'enfant sera né: les trente de la seconde , au second an: les tréte de la troisieme, au troisieme an:& ainsi cōsequemmet iusques à douze. Douze ans passez, il faut recommencer à la premiere, puis venir à la seconde , troisieme , quatrieme, &c. Et de douze en douze ans faut renouveler ledit circuit. Si vous trouuez en la reuolutiō aucū planette dedans les tréte degrez seruans à vostre année , il signifiera quelque bien ou mal selon sa nature, & bōne ou mauuaise disposition, & signification du lieu duquel sera ladite profection:

Cest

Cest à sçauoir des lieux de vie, maladie ou mort ou bonne santé: des lieux des biens, richesses, perté, ou pauureté, &c. Communement l'on cherche la profection de cinq lieux d'une natiuité: cest à sçauoir du lieu du Soleil, pour l'honneur: du lieu de la Lune, pour les qualitez de l'ame enuers le corps & biens externes: du lieu de la partie de fortune, pour le gain & proufit: de la dixiesme maison, pour les actions: de l'ascendant pour la vie. Si le Soleil est donneur de vie, il le faidra considerer comme donneur de vie, & significateur d'honneur ensemble. Ce que faut faire aussi des autres lieux, quand ils emportent plusieurs significations. Si doncques vous trouuez aucun planete dedans les trente degrez de vostre profection, & voulez sçauoir quel mois & quel iour aduiédra l'accident par luy signifié, regardez com-

bien

bien de distance y a entre le premier point de vostre profec̃tion , & ledit planette. S'il y a quinze degrez entre deux, ledit accidēt aduiendra au bout de six mois : s'il y a vingt & cinq degrez , au bout de dix mois. Car icy deux degrez & demy valēt vn mois: vn degré vaut douze iours & quatre heures: trēte minutes valēt six iours: cinq minutes vn iour. De cecy il y a vne table assez exacte entre les documēs de Pierre Pitat sur les Ephemerides. Exemple des profec̃tions. Supposez que l'ascendant d'vne natiuité fut le quinziēme degré de Scorpius. Je veux sçauoir ou tōbe la profec̃tion de l'ascendant le dixiēme au cōplet de l'aage dudit enfant: ie conte dix signes depuis l'ascēdant, apres lesquels ie trouue le quinziēme degré de Virgo, seruant apres dix ans cōplets, au onziēme courant. Je dis donc que audit temps la profec̃tion de l'ascendant

254 IUGEMENS D'ASTROLOGIE  
dant est venuë au quinzième degré  
de Virgo , & finira celle année au  
quinzième degré de Libra : & ainsi  
contiendra trente degrez entiers, de-  
dans lesquels si aucun planete est  
trouué, il signifiera bien ou mal de la  
vie , selon sa nature & disposition,  
comme si audit temps Mars estoit au  
cinquième degré de Libra, ie dirois  
que l'enfant seroit fort fâché ceste  
année, sur la fin des huit mois, pour-  
ce que Mars seroit au lieu profectio-  
nal de vie, distant du premier point  
de vingt degrez. Nous auons demō-  
stré parauant comment deux degrez  
& demy valent vn mois, cinq degrez  
deux mois , quinze degrez six mois,  
& par consequent vingt degrez huit  
mois. Il faut noter que les profectiōs  
se doyuēt accommoder aux ans cou-  
rans, & non complets. Cest à sçauoir  
le dixième signe est pour incontinct  
apres neuf ans complets , qu'est le  
dixief

dixiesme an courant, &c.

*Le seigneur de la circulation , depuis le  
seigneur de l'heure de la natiuité.*

C H A P . V I I I .

**L**Es Babylonniens tenoiët pour vn grand secret la circulation du seigneur de l'heure de la natiuité. Cest à sçauoir, ils disoient que le seigneur de ladite heure signifioit de la vie comme l'ascendât:& le seigneur de l'heure ensuyuante, des biens, cōme la seconde maison:& le seigneur de la troisieme heure, des freres, cōme la troisieme maison:& ainsi consequemment des autres. Aux reuolutions ils donnoient le seigneur de l'heure de la natiuité au premier an, le planette ensuyuant au second an, & ainsi consequément suyuant l'ordre naturel des planettes. Comme si quelqu'vn estoit né à l'heure de  
Venus,

Venus , ce planette domineroit le premier an, le second au Mercure, le tiers la Lune, le quatriefme Saturne, le cinquiesme Iupiter , le sixiesme Mars , le septiesme le Soleil , le huitiesme Venus, le neufiesme Mercure , & ainsi par ordre. Et faut noter que nous prenons icy les ans courans & non les cōplets, pour accōmoder ladite circulation des planettes.

*De la circulation du seigneur de l'ascendant , & des planettes q̄ i sont en l'ascendant.*

### CHAP. IX.

**L**A circulation du seigneur de l'ascendant & des planettes & parties qui sont en l'ascendant se fait tout ainsi que nous auons dit du seigneur de l'heure d'une natiuité : & par mesme ordre se doit accommoder aux ans de l'aage de l'enfant.



fant. Du iugement nous auons fait mention au propos des reuolutions.

*Des eclipses, & grandes conionctions appartenantes aux reuolutions des natiuites.*

## CH A P A I X

**L**Es eclipses du Soleil & conionctions des superieurs planettes causent communement beaucoup de maux, selon la concurrence des Astres & natures des signes & planettes dominans ausdits lieux. Aux hommes causent maladies, quand se font aux cinq prochains degrez de l'ascendant, ou du donneur de vie. S'ils touchent les autres parties, planettes ou maisons ils produiront quelque malheur appartenant à la signification desdits lieux: principalement si au temps de la natiuité quelque telle constellation estoit en vi-

25 § I V G E M E N S D' A S T R O L O G I E  
gneur. S'ils touchent les lieux profes-  
sionaux, ils feront quasi les mesmes  
effets, comme aux natiuitez.

en mesmes manieres. Et si les

*Des particuliers rencontres de l'annee  
L'annee.*

## CH A P I T R E XI.

P Our les particuliers rencontres  
de toute l'annee, Ptolomee, Phe-  
de Regiomonte, Gaurique, & plu-  
sieurs autres se valent fort sur les  
professions mesurées & diuisees  
desquelles il y a une table expresse au  
liure des directions de l'ean de Re-  
giomonte, ayât plus de curieuse sub-  
tilité que de verité, comme souvent  
j'ay trouué par experience. Mais  
me reuient la fantaisie de Schoner,  
qui chacun iour considere si aucun  
planete touche les lieux des planete-  
tes, parties & maisons de la natiuite  
ou leurs bons ou mauvais aspect. Ce  
que

que ie applique aussi aux lieux pro-  
 fection aux. Exemple. Soit l'ascendât  
 d'une nativité, ou le lieu de sa profe-  
 ction, le douzième degré de Libra,  
 le Soleil soit au quinzième de Ge-  
 mini, Mars au cinquième du Lyon.  
 Toutes & quantes fois que le Soleil  
 ou la Lune passera par dessus le cin-  
 quième degré du Lyon, d'homme  
 sera esmeu d'accidens martiaux, co-  
 me de cuirroux, de quelque altera-  
 tion, douleur de teste, fiebures, apo-  
 stumes chaudes, feux volages, &c.  
 Semblablement quand touchera le  
 cinquième degré de Scorpius, ou de  
 Taurus, là où s'ont les quadrats aspects  
 dudit lieu de Mars, ou le cinquième  
 de Aquarius, qui est le lieu opposé  
 à Mars. Si aucun planete touche le  
 cinquième degré de libra, ou de Ge-  
 mini là où sont les sextiles aspects  
 ou le cinquième de Sagittarius &c.  
 d'Aries (qui sont des trines aspects

dudit Mars ) il signifiera quelque favorable rencontre de capitaines , & de gens de guerre. Si les infortunes touchent le susdit douzième degré de Libra que nous avons mis en l'ascendant , ce sera signe de quelque mauvais rencontre quant à la vie, & à la santé du corps.


Semblablement faut iuger des autres attouchemens , selon la nature des aspects , par nous expliquée au second liure. Je contemple aussi les lieux profectionaux autrement. Car j'applique chacun degré & minute aux iours auxquels tombe leur signification, & regarde les bons & mauvais aspects des planettes chacun iour , s'il touchent le degré profectional. Exemple. De ladite natiuité, en laquelle estoit ascendant Libra, supposez que la profection fut venue au douzième degré de Cancer, au neuvième an complet, & dixième

me

me courant. Le treiziesme degré de Cancer sert au douziesme iour apres le propre iour de la reuolution. Parquoy ie considere alors les aspects des planettes enuers ledit treiziesme degré. Semblablement fais ie des autres degrez & minutes accommodez aux iours auxquels ils dominant. Et ce quant aux reuolutions.

\* \*

TABLE



# TABLE DES MATIÈRES.

DES CHAPITRES CONTENUS EN

Lequel ce present traicté.

Lequel est intitulé \* \* \* \* \*

Lequel est intitulé \* \* \* \* \*

**D**E la figure celeste d'une natiuité. Chap. j.  
fol 6.

De la verification de l'heure de la natiuité. ij. 9

La maniere de dresser parfaitement ladicte fi-  
gure verifiee. iij. 16

Des parties des natiuités. iij. 18

Des latitudes & aspects des planettes. v. 28

Des fortunes & infortunes des planettes, &  
parties du ciel. vj. 30

Si l'enfant viura, ou non. viij. 39

Du donneur de vie, nommé des Arabes. Hyleg.  
viij. 41

Du donneur des ans, dit des Arabes Alcoden.  
ix. 46

De ceux qui augmentent, & diminuent le  
nombre desdits ans. x. 52

Du seigneur de la natiuité. xj. 56

De l'entendement & mœurs de l'homme. xij. 67

Des richesses & pauvrete. xij. 67

Duquel endroit viendront les richesses, & pau-  
vrete. xiiij. 72

Du

Des temps que les richesses & dommages vien- ent d'eux,	iv.	78
Des freres, & de la mort d'eux.	xvj.	81
De la peregrination de la mere.	xviii.	83
Des heritages & biens de terre.	xviii.	87
Des enfans.	xix.	88
Des serueurs.	xxi.	90
Des maladies.	xxii.	94
De mariage.	xxii.	96
Du douaire, & autres biens du costé de ma- riage.	xxii.	100
De la mort.	xxiii.	104
Des voyages par terre, & par mer.	xxiv.	104
De la constance en la religion.	xxv.	112
De l'action & profession.	xxv.	113
Des dignitez, offices, & honneurs.	xxviii.	116
Des compagnies & amis.	xxix.	120
Des proces, & ennemis.	xxx.	122
Des emprisonnemens & captivitez.	xxx.	124
Des cheuaux, moutons, brebis, & autres ani- maux.	xxxi.	126

## DE SECOND LIVRE.

Des significations des planetes.	128
Des significations des douze signes.	140
De quelle figure soient les planettes & des signes.	152
Des aspects des planettes entre eux.	160
Des significations des maisons.	179


# T A B L E.

Des seigneurs des triplicitéz desdites maisons vj.	183
De ce que signifient les planettes dedans les douze maisons.	vij. 187
Des significations des seigneurs des maisons par tous lieux de la figure.	viii. 216
DV TIERS LIVRE.	
Des directions.	Chap. j. 236
Du separateur, ou bournour, dit des Arabes Algebuthar.	ij. 242
Des seigneurs des triplicitéz.	iiij. 243
Des revolutions.	iiiij. 244
Des iugemens sur les revolutions.	v. 245
Des ans gouvernez par les planettes, nommez des Arabes Fridarie.	vj. 249
Des profections.	vij. 250
Le seigneur de la circulation, depuis le seigneur de l'heure de la natiuité.	viii. 255
De la circulation du seigneur de l'ascendant, & des planettes qui sont en l'ascendant.	ix. 256.
Des eclipses, & grandes conuonctions apparte- nantes aux revolutions des natiuitéz.	x. 257
Des particuliers rencontres de toute l'année.	xj. 258

Fin de la Table.

LES





# LES CARRACTERES

*& noms des douze Signes.*

♈ Aries, Le Mouton, ou Belier.

♉ Taurus, le Taureau.

♊ Gemini, les Jumeaux, ou Bessés.

♋ Cancer, le Căcre, ou l'Escrėuice.

♌ Leo, le Lyon.

♍ Virgo, la Vierge, ou la Pucelle.

♎ Libra la Balance.

♏ Scorpius, le Scorpion.

♐ Sagittarius, le Sagitaire, ou l'Archerot.

♑ Capricornus, le Capricorne, ou Cheurecorne.

♒ Aquarius, le Verseau.

♓ Pisces, les Poissons.



# LES LIEUX QUI SONT

sous la domination des  
douze Signes.

*Sous Aries.*

*Sous Taureau.*



France, Alemagne,  
Angleterre, Breta-  
gne, Marseille, Capoue,  
Ferrare, Vincene, Ve-

ronne, Paue. Florence, Naples, Fa-  
uence, Imole, Cracoue, Iudee, lan-  
mee, Sarragocce, Syrie: & le troiſie-  
me climat gouverné par Mars, qui  
est Sarmatie, Getulie, Cracoue,  
Gothie.

*Sous Taureau.*



ville, Lorraine,  
Campanie, Bou-  
longne, Siene, Man-  
touë, Carente, Par-  
me, Capoue, Panor-  
me,

me, Salerne, Veronne, Rhetie, Ras-  
sie, Polongne la basse Franconie, Hy-  
bernie, Asie mineur, Perse, Cypre,  
les Cyclades, les Parthes, & les Me-  
des: & le sixiesme climat gouverné  
par Mercure, qui est Egypte, Grece,  
Angleterre, Flandres, Sileste, Paris.

*Sous Gemini.*



**P**aris, Londres, Bru-  
ges, Louvain, Maye-  
ce, Cordube, Nurem-  
berg, Versel, Vterbe,  
Flandres, Brabant, An-  
gleterre, Lombardie, Sardaigne, la  
Duché de Vvittemberg, Armenie, E-  
gypte, la basse Hytenaïque, Marmar-  
rique, Mantiane.

*Sous Cancer.*



**F**rance, Hollande,  
Zelande, Escosse,  
la Comté de Bour-  
gogne, Venise, Mi-  
lan, Gènes, Luques,  
Pise,

Pise, Treues, Magdebourg , Berne,  
Grenade, Lubes , Afrique mineur,  
Carthage, Phrygie , Bithinie , Thu-  
nis, Prussie, Numidie, Constantino-  
ple.

*Sous Leo.*



**F**Rance, Italie, A-  
pulie, Sicile, Ro-  
me, Rauene, Prague,  
Vlme, Mátouë, Cre-  
mone, Syracuse, Co-  
fluence, les Ales, Boheme, Chaldee,  
Phenycie.

*Sous Virgo.*



**P**aris, Lyon , Tolose,  
Basle, Pauie, Ferrare,  
Beneuente , Taranne,  
Croacie, partiedu Rhin,  
Nouare, Hildeberg, Pru-  
suik, Corinthe, Ierusalem , Alexan-  
drie majeur, Rhodes, Athenes , Mo-  
sopotamie, Cilicie, Assyrie , Crette,  
Acha ie, la Grece, Croatie.

*Sous*

*Sous Libra.*



**D**Auphiné, Sauoye,  
Argenton, Plaisan-  
ce, Viéne en Autriche,  
Spire, Lisbonne, Auf-  
bourg, Franc-fort, Frisingue, Ga-  
yette, Autric, Tuscie, Cuspie, The-  
bes, Bactriane, Liuonie, Caspérie, Se-  
rique, Ethiopie.

*Sous Scorpions.*



**V**ienne en Dauphi-  
né, Padouë, Vr-  
bin, Catalongne, Baue-  
res, Brixie, Saxe, Valen-  
ce en Espagne, Syrie, Trapezonde,  
Capadoce, Nouergue, Surie, Lypsie,  
Getulie, Mauritanie.

*Sous Sagittarius.*



**L**yon Gaule Narbo-  
noise, Avignon,  
Bude, Toledé, Craco-  
nie, Portugal, Tuscie,  
Espagne, Sclauonie, Hógric, Silicie,  
Vol

Volterre, Mintine, Dalmatie, Ligu-  
rie, Cologne, Moranie, Arabie heu-  
reuse.

*Sous Capricornus.*

Alignes en Bra-  
mbant, Gand, Co-

stance, Ausbourg,

Brandebourg, Saxe,

Hessen, Turinge, Vl-

mes, les Isles Orcades, Lituanie, Bul-

garie, Albanie, Ancone, Tortonne,


Fauence, Macedone, Thrace, Gedro-

cie, Indes, Grece, Illyrie contenant

Liburnie, & Dalmatie, dõt a present

une partie s'appelle Sclavonie.

*Sous Aquarius.*

Piedmont, Morferrat,

Pisaure, Danemark,

Hambourg, Satsbourg,

Ingolstad, Suevie, Nest-

phalie, Malachie, Bauiere, Mosconie,

Russie, Tartarie, Sarmatie, Oxiane,

Arabie, Ethiopie.

*Sous*

*Sous Pisces.*



**R** Oüen, Compostelle, Ratisbonne, Calabre, Normandie, Pamphylie, Lycie, Garamantie, Cilicie, Lydie qu'on nommoit iadis Mœonie, où estoient les fleuves Hermes, & Pactolus, tant celebres des Poëtes.

**F I N.**